



Padrón

Concello de Padrón
CIF P1506600D
Rúa Longa, 27
15900 Padrón, A Coruña
correo@concellodepadron.es
www.concellodepadron.es
Tfí: 981 81 04 51
Fax: 981 81 15 50

ACTA DA SESIÓN ORDINARIA DO PLENO DA CORPORACIÓN CELEBRADA O DÍA 26 DE NOVEMBRO DO 2015

Señoras e señores asistentes

Alcalde-Presidente:

Don Antonio Fernández Angueira.

Concelleiras e concelleiros:

Dona Carmen María Lois Ferrón.

Don José Ramón Pardo Andrade.

Don Andrés Sanmarco Santos.

Dona Lorena Couso Dopazo.

Don Ángel Rodríguez Conde.

Don Francisco Javier Guillán Iglesias.

Don Camilo Forján Seoane.

Don Alberto Piñeiro Otero.

Dona Teresa Rey Pazos.

Don Cesáreo González Pardal.

Don Xoán André Santaló Ríos.

Don Eloy Rodríguez Carbía.

Secretaria:

Dona Ana María Ares Álvarez.

Interventora:

Dona Araixa Varela Bermúdez.

En Padrón, sendo as vinte horas do día vinte e seis de novembro do dous mil quince, reúnen-se en primeira convocatoria e baixo a Presidencia do señor Alcalde don Antonio Fernández Angueira, as Concelleiras e os Concelleiros que se relacionan na cabeceira, en total os trece que de dereito compoñen a Corporación, ao obxecto de realizar a sesión ordinaria convocada en forma legal.

Comprobada a existencia de quórum suficiente para a válida constitución do Pleno da Corporación, o Presidente declara aberta a sesión pasándose a examinar os asuntos comprendidos na Orde do día da convocatoria que é o seguinte:

PARTE I.- ADOPCIÓN DE ACORDOS

1.- APROBACIÓN DA ACTA DA SESIÓN ANTERIOR REALIZADA O 24 DE SETEMBRO DO 2015.

De acordo co disposto no artigo 91 do Real decreto 2568/1986, do 28 de novembro, polo que se aproba o regulamento de organización, funcionamento e réxime xurídico das entidades locais, o señor Alcalde pregunta ás señoras Concelleiras e aos señores Concelleiros se desexan facer algunha observación á acta da sesión anterior realizada o vinte e catro de setembro do dous mil quince, formulándose as seguintes:

Sra. Rey Pazos. Explica que na sesión anterior solicitou que constara en acta un escrito que logo remitiu ao Concello, exactamente na páxina 5, e que supón que como foi o secretario que estivo no sitio da señora Ares Álvarez igual non llo pasaron a el. Di que trae o escrito e que ao día seguinte llo pasa á señora secretaria sen ningún problema.

Sr. Alcalde. Pregunta si é a lectura dos reparos.

Sra. Rey Pazos. Contesta que si.

Sra. Secretaria. Pregunta simplemente de que punto está falando.

Sra. Rey Pazos. Contesta que é na páxina 5 da acta.

Sr. Alcalde. Di que é a páxina 4.

Sra. Rey Pazos. Di que é o punto 3 e a páxina 5 da acta onde fai a súa intervención onde debería constar ese escrito.

Sr. Alcalde. Pregunta si hai votos a favor das alegacións.

Sr. Rodríguez Carbia. Di que el non ten coñecemento dese escrito.

Sra. Rey Pazos. Di que a remiteu e que pensa que foi un erro.

Sr. Alcalde. Explica que non hai debate, que ela presenta as alegacións e votan as alegacións.

Sra. Rey Pazos. Di que quere que conste en acta o que dixo o outro día.

Sr. Alcalde. Explica que consta que fai estas alegacións, vai constar na acta seguinte e os votos a favor dos que queren que se introduza e de quen non votou a favor.

Sra. Rey Pazos. Di que lle Parece ben.

Sr. Santaló Ríos. Entende que lles están pedindo que voten sobre unhas alegacións sobre as que non teñen coñecemento.

Sra. Secretaria. Solicita a palabra ao señor Presidente, quen lla concede, para explicar que non se trata de que os grupos políticos se manifesten sobre as alegacións; que se trata de que os grupos políticos voten si efectivamente hai un erro na acta que segundo parece foi que: a señora Rey Pazos solicitou que se incluíra un escrito e non se incluíu. Que se trata de si os grupos políticos están de acordo con que é un erro e que efectivamente pasou eso nesa sesión, non que se manifesten sobre o contido do escrito.

Sra. Rey Pazos. Explícalles que foi na sesión das contas e que aínda o Sr. Alcalde lle apercibiu por esas alegacións.

Non habendo máis alegacións, o señor Presidente somete a votación, coa corrección sinalada, a acta da sesión realizada o día 24 de setembro de 2015:

VOTOS A FAVOR: Once (11), emitidos polas concelleiras e polos concelleiros do PP, as señoras Lois Ferrón e Couso Dopazo e os señores Fernández Angueira, Pardo Andrade e Sanmarco Santos, polos concelleiros do PGD, señores Rodríguez Conde e Guillán Iglesias, polos concelleiros do PSdeG-PSOE, señores Forján Seoane e Piñeiro Otero, pola concelleira de Veciños de Padrón, señora Rey Pazos e polo concelleiro de AxP, señor González Pardal.



Padrón

Concello de Padrón

CIF P1506600D

Rúa Longa, 27

15900 Padrón, A Coruña

correo@concellodepadron.es

www.concellodepadron.es

Tf: 981 81 04 51

Fax: 981 81 15 50

VOTOS EN CONTRA: Un (1), emitido polo concelleiro da CIPa, o señor Rodríguez Carbia

ABSTENCIÓNS: Unha (1), emitida polo concelleiro do BNG señor Santaló Ríos.

Verificado o cómputo da votación o Pleno da Corporación Municipal acorda, por maioría, aprobar a acta do 24 de setembro de 2015 coa inclusión do seguinte escrito na páxina 5 durante a intervención no debate da señora Rey Pazos no punto 3 da Orde do día da sesión:

<<Tras a resposta negativa do Señor Alcalde na Comisión de Contas celebrada o 30 de xullo de 2015, onde preguntei se había algún motivo que eu descoñecese e que xustificase a comisión reiterada de irregularidades que se reflicten na documentación en relación coas Contas do 2014, poño de manifesto ao Pleno da Corporación e para que conste en acta o seguinte:

En primeiro lugar, indicar que a conta preséntase fora de prazo e con máis de catro meses e retraso ante á Comisión (o límite era o 1 de marzo de 2015).

En segundo lugar, queremos facer un breve resumo nada máis e nada menos que de **28 REPAROS SUSPENSIVOS** feitos pola intervención municipal a unha serie de pagos efectuados e que foron levantados por Resolución da Alcaldía durante o ano 2014:

a) O pago de facturas por contratación do asesoramento técnico urbanístico e xurídico, por importe superior a 6.000 euros (mensuais), facturas derivadas de contratos menores (de cuantía non superior a 18.000€ e cunha duración máxima dun ano) que son prorrogados irregularmente ano tras ano, nalgún caso dende o 2010. Ocorre o mesmo con outros contratos por servizos xurídicos e de xestión laboral.

b) Facturas por servizos extraordinarios "horas extra" que incumpren os contratos asinados, onde non se recolle a posibilidade de percepción de horas extra. Ademais, nalgún caso, sen que lle conste a Intervención os asuntos cuxa importancia fan imprescindible a realización de ditas horas extra.

c) Irregularidades na presentación das facturas coa empresa INBISA SERVICIOS E MEDIO AMBIENTE S.A., adxudicataria do contrato de xestión do servizo público de recollida de RSU e envases lixeiros, limpeza do mercado dominical e xestión do punto limpo de Padrón. Contrato adxudicado por procedemento negociado sen publicidade, e que superada con creces na data de emisión do informe da intervención, o valor estimado esixido para este tipo de contratos.

d) En relación coas factura das seguintes empresas ROO Montajes Eléctricos S.L e ROOMEL Service S.L; Seigal, S.L; Servizos Sociais Ulla Sar, S.L. derivadas de contratos menores e que ao longo do ano superan con creces o importe para este tipo de contratos, vulnerándose así os principios de concorrencia e publicidade.

e) Require tamén unha especial mención a Piscina Municipal: no ano 2009 remataba a relación contractual coa empresa Gimnasios Pazos S.A, aínda así, a empresa continuou coa xestión sen ningún tipo de contratación por parte do Concello. Figura no informe da Sra. Interventora o aumento do canon concesional, recollido na cláusula 4ª do contrato, sen motivo coñecido.

No ano 2009 destináronse a reparación de dita piscina 89.211 euros dunha volta e 140.042,61 euros doutra. No 2014, 229.019,24 euros destinados a súa reparación. En total, 458.272,85 euros, e a piscina segue sen funcionar a data de hoxe.

O proceder é similar en relación co servizo da gardería infantil municipal.

f) Ao longo do 2014 realízanse numerosos pagos das denominadas "facturas de caixón", recoñecidas no informe da intervención e realizadas sen consignación orzamentaria debido a inexistencia de crédito axeitado e suficiente en varios exercicios pechados (reparos suspensivos 7 e 20/2014).

g) Atopámonos cun déficit orzamentario de 95.312,96 euros e cunha débeda viva do Concello de

1.027.418,32 euros. O que demostra que o concello gasta mais do que ingresa.

Nas conclusións, no apartado segundo do informe de intervención de data 28 de abril de 2015 indícase: "Débese proceder a unha redución e contención do gasto corrente que non sexa absolutamente imprescindible para o mantemento dos servizos básicos municipais que se debería concretar sobre todo no capítulo 1 de gastos de persoal e no capítulo 2 de gastos correntes e servizos mediante a elaboración dun Plan Económico-financeiro ou un plan de saneamento" e no apartado terceiro propónse o seguinte: "Débense aumentar os recursos propios mediante a revisión de tódalas ordenanzas fiscais e non fiscais, incluso valorar a procedencia de establecer novos impostos e taxas, de forma que se consiga unha porcentaxe máis alta no financiamento total do presuposto con estes recursos, de forma que se reduza a dependencia dos ingresos procedentes fundamentalmente do capítulo 4, que son fundamentalmente achegas doutras Administracións Públicas".

Neste sentido nós somos totalmente contrarios, a que sexan os cidadáns de Padrón os que cos seus impostos financien a mala praxis de gasto do Concello de Padrón ao longo de décadas, pero si estamos de acordo cunha revisión das taxas e ordenanzas para adecualas aos tempos actuais, pero acompañado dun Plan Económico – financeiro ou Plan de saneamento.

Finalmente indicar que o máis grave de todo e que isto é so un pequeno resume de entre moitas outras irregularidades recollidas pola Sra. Interventora e que atopamos nesas contas. Veciños de Padrón, seguindo cos seus principios, optará pola abstención na votación ao non formar parte da Corporación Municipal no momento no que se realizaron, pero non sen denunciar, por medio de esta Concelleira, as anomalías que se están a producir. E advertindo de que a nosa formación realizará un control exhaustivo das contas municipais no presente exercicio e seguintes, mediante o exame exhaustivo da documentación que consideremos oportuna e non descartando a posibilidade da adopción de outras medidas de persistir ditas irregularidades.>>

Sr. Alcalde. Cédelle a palabra ao Sr. Forján Seoane para a explicación de voto.

Sr. Forján Seoane. Entende que o que está presentando a señora Rey Pazos é o que leeu no Pleno anterior.

Sr. Alcalde. Di que é o que leeu ese mesmo día.

Sr. Rey Pazos. Lembra que o remitiu por correo electrónico ao Concello para que se incluíra exactamente na acta.

Sr. Forján Seoane. Replica que o seu grupo non ten constancia diso.

Sr. Rey Pazos. Contesta que por iso o di, que se pode comprobar que é o mesmo escrito.

Sr. Rodríguez Carbia. Di que si o presentou por rexistro e o enviou por correo electrónico ao Concello, pregunta porque non estaba incluído na orde do día da sesión anterior.

Sr. Alcalde. Explica que é porque o señor Secretario no seu día non o incluíu na acta.

Sr. Rodríguez Carbia. Di que debería estar incluído na orde do día desta sesión.

Sr. Alcalde. Reitera que non estaba incluído.

Sr. Rodríguez Carbia. Explica que, se non estaba, o primeiro que debería votar a Corporación é a inclusión ou non inclusión e a partir diso votar a favor ou votar en contra.

Sr. Alcalde. Di que están no turno de explicación de voto e que xa está dada e que él non recibiu ese correo.

Sra. Rey Pazos. Explica que no outro pleno foi cando non funcionaran os micros e que non se gravou e que dixo que poñía o escrito a disposición do secretario pero que non tiña o seu correo electrónico e preguntou no Rexistro Xeral do Concello e se lle dixo que o remitira ao xeral do Concello e que se encargaban de darlo ao



Padrón

Concello de Padrón

CIF P1506600D

Rúa Longa, 27

15900 Padrón, A Coruña

correo@concellodepadron.es

www.concellodepadron.es

Tfí: 981 81 04 51

Fax: 981 81 15 50

Secretario. Cando veu a acta dou por feito que non se lle pasara, entón que por iso di isto.

2.- APROBACIÓN DO REGULAMENTO DE USO DAS PISCINAS MUNICIPAIS DE PADRÓN.

Dase conta da seguinte proposta ditaminada favorablemente na Comisión Informativa C) de data 23 de decembro de 2015, que di:

<<Visto que o Concello de Padrón conta con dúas piscinas municipais e que é obrigado que todo servizo público conte coa correspondente ordenanza ou regulamento que defina as relacións entre as persoas usuarias e o titular do servizo, así como os seus dereitos e obrigas na utilización do mesmo.

Vista a proposta de regulamento asinado o 13 de novembro de 2015 pola secretaria municipal.

Considerando que é o pleno o órgano competente para a aprobación de ordenanzas e regulamentos tal e como establecen os artigos 22.2.d. da Lei 7/1985, do 2 de abril, reguladora das bases de réximen local (LBRL), e 64.2. da Lei 5/1997, do 22 de xullo, de administración local de Galicia (LALG), e

Considerando o procedemento de aprobación das ordenanzas recollido no artigo 49 da LBRL e no artigo 196.2. do Real decreto 2568/1986, do 28 de novembro, de organización, funcionamento e réximen xurídico das entidades locais,

Propoño ao Pleno:

Primeiro. Aprobar inicialmente o Regulamento de uso das piscinas municipais do Concello de Padrón cuxo texto se recolle como anexo a esta proposta.

Segundo. Facer público o presente acordo mediante a inserción dun anuncio no Boletín Oficial de Provincia da Coruña e no Taboleiro de Anuncios da Casa do Concello e abrir un trámite de información ao público e audiencia aos interesados por un prazo de 30 días hábiles, contados desde o de publicación daquel anuncio no BOP, e durante o cal poderán presentarse as reclamacións e suxestións que estimen oportunas.

Terceiro. No suposto de non presentarse ningunha reclamación ou suxestión entenderase aprobada definitivamente esta ordenanza procedendo entón á publicación do acordo e do texto íntegro da mesma tamén no Boletín Oficial da Provincia da Coruña e no Taboleiro de Edictos da Casa do Concello.

ANEXO

REGULAMENTO DE USO DAS PISCINAS MUNICIPAIS DO CONCELLO DE PADRÓN.

CAPÍTULO I. DISPOSICIÓNS XERAIS.

Artigo 1. Obxecto.

Este Regulamento ten por obxecto ordear o uso e funcionamento das piscinas municipais de titularidade do Concello de Padrón, ben sexan xestionadas por este directamente ou ben indirectamente por calquera das modalidades de xestión de servizos públicos previstas nas normas, e será de aplicación ás actividades que se desenvolvan nestes espazos.

Artigo 2. Calificación xurídica dos bens destinados ao servizo público.

As instalacións obxecto deste regulamento teñen a condición de bens de dominio público, destinados á prestación do servizo público municipal de piscina, de acordo cos artigos 4 do Real decreto 1.372/1986, do 13 de xuño, de bens das entidades locais e 79.3 da Lei 7/1985, do 2 de abril, reguladora das bases do réxime local

Artigo 3. Finalidades do servizo público.

Son finalidades do servizo público que se presta nas piscinas municipais as seguintes:

- a) Promover o acceso das cidadás e dos cidadáns, sen discriminacións ou límites de idade, á práctica de actividades acuáticas, como ocupación saudable do tempo de lecer.

- b) Achegar a actividade acuática aos menores mediante os programas deportivos que se implanten.
- c) Promover cursos de natación entre os diferentes sectores da poboación.
- d) Fomentar e promover o exercicio físico mediante as actividades que se realicen nas instalacións.

Artigo 4. Condicións hixiénico-sanitarias.

As condicións hixiénico-sanitarias das piscinas municipais serán as establecidas no Real decreto 742/2013, do 27 de setembro, polo que se establecen os criterios técnico-sanitarios das piscinas, e no Decreto 103/2005, do 6 de maio, polo que se establece a regulamentación técnico-sanitaria de piscinas de uso colectivo, así como por aquelas normas que modifiquen ou substitúan estas e o resto da normativa estatal ou autonómica que lle sexa de aplicación.

CAPÍTULO II. ACCESO ÁS INSTALACIÓNS.

Artigo 5. Acceso á piscina.

1. As instalacións das piscinas municipais están ao dispor de todos os cidadáns e cidadás do Concello de Padrón que pretendan realizar algunha das actividades deportivas que nelas se poidan practicar, de acordo co previsto neste regulamento.

2. O acceso ás instalacións pódese realizar baixo calquera das seguintes modalidades:

- a) Abonados. Coa condición de abonado pódese ter acceso a todos os espazos de uso común da piscina cuberta municipal e practicar calquera das especialidades deportivas que se desenvolvan no seu interior, sen outra limitación que o tempo que se puidera fixar para actividades concretas.

Poderán ser establecidos diversos tipos de abonos en función de tempo, unidade e extensión familiar, colectivos especiais, etc.

Ademais os abonados terán a posibilidade de ser "cursistas" cun desconto non prezo tal e como se prevé na ordenanza fiscal correspondente.

- b) Abonados de verán. Este tipo de abonados terán acceso ás piscinas municipais descubertas sen limitación de tempo nin de sesións durante o período no que estas piscinas permanezan abertas.
- c) Asistente a cursiños. Teñen esta condición as persoas inscritas nalgún curso ou actividade e unicamente poderán facer uso das instalacións nas que se desenvolva a actividade solicitada e polo tempo de duración desta.
- d) Entradas unitarias. Terán acceso pagando o custo da entrada diaria no momento do acceso. As persoas beneficiarias destas entradas poderán facer uso de todas as zonas de acceso común, sen apoio personalizado de monitor ou monitora especializada e con uso limitado en función da ocupación da instalación en cada momento.

Artigo 6. Exceso de demanda.

Cando a demanda de abonos ou de inscrición en cursos ou actividades supere a capacidade máxima prevista utilizaranse listaxes de espera para cubrir as baixas que se produzan. As posibles vacantes cubriranse por riguroso orde de inscrición na devandita listaxe.

CAPÍTULO III. NORMAS DE UTILIZACIÓN DAS INSTALACIÓNS.

Artigo 7. Aceptación das normas.

O acceso ás instalacións municipais supón a aceptación polas persoas usuarias das normas contidas neste regulamento e no resto da normativa de aplicación.

Artigo 8. Calendario e horario de apertura.

As instalacións das piscinas municipais estarán abertas ao público os días e nos horarios que se aproben polo Concello e que se atoparan expostas, nun lugar visible, nas propias instalacións.



Padrón

Concello de Padrón
CIF P1506600D
Rúa Longa, 27
15900 Padrón, A Coruña
correo@concellodepadron.es
www.concellodepadron.es
Tfí: 981 81 04 51
Fax: 981 81 15 50

O peche das instalacións por motivos de limpeza, realización de traballos de mantemento e renovación de auga dos vasos, ou calquera outro motivo técnico deberá ser anunciado coa antelación suficiente.

Artigo 9. Normas xerais.

As persoas usuarias das instalacións deberán respectar as seguintes normas xerais:

- Débense respectar en todo momento os espazos reservados aos diferentes usos das instalacións.
- Está prohibido fumar en todos os espazos e recintos.
- Non se poderá acceder ás instalacións con animais agás con cans guía.
- Deberanse empregar as papeleiras e colectores do lixo e manter limpas as instalacións.
- Para facilitar a convivencia de todas as persoas usuarias non se debe correr nin berrar nas zonas compartidas.
- Con carácter xeral as persoas menores de 8 anos deberán estar acompañados por unha persoa adulta durante o uso libre dos vasos das piscinas. As maiores de 8 anos e menores de 16 que saiban nadar poderán entrar sen acompañante cun consentimento por escrito asinado polo pai, nai ou titor ou titora, que quedará depositado na instalación e servirá de autorización permanente.

Artigo 10. Comportamento persoal.

As persoas que utilicen as instalacións deberán amosar un comportamento correcto e respectuoso para co resto das persoas coas que as compartan e cara ás instalacións e os bens que nelas se atoparan, así como manter estas nas axeitadas condicións de limpeza tralo seu uso.

As persoas usuarias están obrigadas a seguir as instrucións das persoas socorristas e/ou monitoras en canto ao uso dos vasos e rúas. As ordes dadas por este persoal serán de inmediato cumprimento.

Artigo 11. Follas de reclamación e buzón de queixas e suxestións.

Nas instalacións das piscinas existirán follas de reclamación a disposición das persoas que as utilicen, segundo o establecido na normativa sobre consumo.

Asemade as instalacións disporán dun buzón onde poder dirixir as súas queixas ou suxestións sobre o funcionamento do servizo, sin perxuízo de que poidan presentalas tamén no Rexistro Xeral do Concello. Para esta finalidade deberase informar ás persoas usuarias, nun lugar visible, da existencia deste buzón e da posibilidade de presentar nel as súas queixas ou suxestións.

Artigo 12. Normas de utilización dos vestiarios.

As persoas usuarias utilizarán os vestiarios de forma que se manteñan en correctas condicións hixiénicas e de conservación e respetarán as seguintes normas:

- Usar chanquetas para se duchar e circular polos vestiarios.
- Está prohibido realizar accións hixiénicas como afeitarse, depilarse ou tingirse dentro dos vestiarios.
- O lixo deberase deixar nos recipientes destinados para estes efectos.
- Os nenos e nenas maiores de 7 anos deberán utilizar unicamente o vestiario que lles corresponda segundo o seu sexo.
- Non está permitido deixar fóra dos armarios utensilios ou prendas das persoas usuarias.
- Os armarios deberán quedar baleiros despois do seu uso e as chaves dos mesmos non poderán saír das instalacións en ningún caso. Os armarios que permanezan pechados ao final de cada xornada serán abertos polo persoal do centro e o seu contido depositado na zona de recepción durante un prazo máximo de 15 días naturais. Transcorrido este prazo, os obxectos non reclamados polos seus propietarios serán entregados á Policía Local que os custodiará, dándolles o destino que proceda segundo a normativa vixente.

- g) Por motivos de seguridade non se permite o uso de aparellos eléctricos que non sexan os da propia instalación.

Artigo 13. Normas de utilización da zona de praia e vaso.

A praia e o vaso son zonas reservadas aos bañistas e para acceder a ela deberanse respectar as seguintes normas:

- a) É obrigado o uso de bañador, gorro e zapatillas de auga.
- b) Os nenos e nenas que usen cueiros, deberán usar cueiros especiais para o baño.
- c) Para evitar riscos sanitarios, está prohibida a entrada daquelas persoas que padezan enfermidades cutáneas ou doutro tipo que pola súa natureza se poidan contaxiar a través da auga.
- d) É obrigado ducharse antes da inmersión na auga dos vasos.
- e) Non está permitido o emprego de colchonetas, frotadores, gafas de cristal ou calquera elemento que a xuízo dos responsables da seguridade do vaso poidan supoñer algún risco para o resto das persoas usuarias.
- f) As persoas usuarias deben respectar a ubicación indicada pola socorrista ou monitora, determinada segundo o seu nivel.
- g) As usuarias que non saiban nadar deberán comunicalo á socorrista cada vez que accedan ás instalacións. De precisar algún elemento para a aprendizaxe da natación deberán solicitalo ao persoal da instalación e devolve-lo unha vez rematada a actividade en bo estado de uso.

Artigo 14. Usos prohibidos na zona de praia e vasos.

Queda prohibido na zona de praia e vasos:

- a) Entrar vestido e con calzado da rúa.
- b) Mascar chicle, comer e beber.
- c) Alborotar ou falar en voz elevada.
- d) Entrar no vaso con maquillaxe, cremas ou apósitos de ningún tipo.
- e) Mexar ou cuspir na piscina.
- f) Saltar á auga de cabeza desde os laterais.
- g) Sentarse nas corticeiras.

Artigo 15. Normas de uso das saunas.

No uso das saunas existentes na piscina cuberta municipal situada no Campo do Souto deberanse respectar as seguintes normas:

- a) Antes de entrar nas cabinas é obrigado ducharse previamente.
- b) Non se permite ás persoas usuarias a manipulación dos sistemas de control da sauna.
- c) É obrigado entrar na cabina con zapatillas de ducha.
- d) É obrigado o uso de bañador e toalla.
- e) Non está permitida a entrada con outro tipo de roupa diferente ao bañador e toalla, así como con xoias, obxectos metálicos, electrónicos ou de vidro.
- f) Non se permite beber ou comer no interior das cabinas.
- g) Non se permite a realización de accións hixiénicas como afeitarse, depilarse ou tinguirse.



Padrón

Concello de Padrón
CIF P1506600D
Rúa Longa, 27
15900 Padrón, A Coruña
correo@concellodepadron.es
www.concellodepadron.es
Tfí: 981 81 04 51
Fax: 981 81 15 50

CAPÍTULO IV. INFRACCIÓN E SANCIÓN.

Artigo 16. Responsabilidade polos danos causados nas instalacións.

A persoa ou persoas responsables dos desperfectos que se poideran causar nas instalacións, no mobiliario ou no material, así como da sustración dalgún destes elementos deberán aboar o importe íntegro dos gastos derivados da súa reparación ou substitución, así como o importe das indemnizacións polos danos e perxuízos causados, sen perxuízo das sancións que se poidan impoñer.

Para os efectos da súa constancia, o persoal ou entidade encargada das instalacións deberá comunicar, coa maior urxencia, á persoa titular da Concellería de Deportes os desperfectos causados ou as sustraccións detectadas, a través do correspondente parte de incidencias no que fará constar cando menos a identificación das persoas presuntamente responsables, lugar, día e hora no que se produciron e unha breve descripción dos desperfectos causados e/ou do material sustraído e de que cómo se desenvolveron os feitos.

Artigo 17. Infraccións leves.

Consideraranse infraccións leves as seguintes condutas:

- A desobediencia das instrucións e advertencias que o persoal das instalacións determine co fin de cumprir este regulamento e as normas sobre utilización das piscinas de uso colectivo e, en especial, os artigos referentes ao comportamento das persoas usuarias e a utilización das instalacións.
- As accións ou omisións contrarias ao establecido no presente regulamento que non foran tipificadas como infraccións graves ou moi graves.

Artigo 18. Infraccións graves.

Consideraranse infraccións graves as seguintes condutas:

- A falta de respecto cara as persoas traballadoras das instalacións ou demais persoas usuarias.
- As accións ou omisións que impliquen deterioro grave ou desperfectos das instalacións ou do equipamento.
- A subtracción de obxectos situados nas instalacións.
- O uso fraudulento de documentos para o acceso ás instalacións ou a cesión destes documentos a terceiras persoas non autorizadas.
- A comisión de dúas infraccións leves no período dun ano impostas por resolución administrativa firme.

Artigo 19. Infraccións moi graves.

Consideraranse infraccións moi graves:

- As accións ou omisións que prexudiquen gravemente ou supoñan riscos para a saúde das persoas usuarias ou traballadoras da instalación.
- As accións ou omisións que impliquen un deterioro moi grave ou irreversible das instalacións ou dos equipamentos.
- A comisión de dúas infraccións graves no período dun ano impostas por resolución administrativa firme.

Artigo 20. Sancións.

Pola comisión das infraccións indicadas imponse as seguintes sancións:

- Infraccións leves: multa de 20,00 euros a 200,00 euros.
- Infraccións graves: multa de 200,01 a 600,00 euros.
- Infraccións moi graves: multa de 600,01 a 3.000 euros e a expulsión das instalacións por un período variable entre un mes e un ano.

Artigo 21. Procedimento sancionador.

As sancións serán impostas polo Alcalde ou órgano no que delegue, de selo caso, previo informe do persoal ou entidade encargado da xestión das instalacións e de acordo ao procedemento recollido no Capítulo II do Título IX da Lei 30/1992, de 26 de novembro, do réxime xurídico das administracións públicas e do procedemento administrativo común, e no Real decreto 1.398/1993, do 4 de agosto, polo que se aproba o regulamento do procedemento para o exercizo da potestade sancionadora, e os criterios recollidos no Título XI da Lei 7/1985, do 2 de abril, reguladora das bases do réxime local.

As sancións impostas en cumprimento deste regulamento son independentes das responsabilidades civís, penais ou de calquera orde en que poideran incorrer os ou as autores das infraccións.

DISPOSICIÓN DERRADEIRA.

A presente ordenanza, que consta de 21 artigos e unha disposición derradeira, entrará en vigor tras a súa aprobación definitiva, unha vez publicada integramente no Boletín Oficial da Provincia da Coruña e transcorrido o prazo ao que se refire o artigo 65.2 da Lei 7/1985, do 2 de abril, reguladora das bases do réxime local, permanecendo en vigor ata a súa modificación ou derogación expresa.>>

Aberta a quenda de debate prodúcense as seguintes intervencións de xeito resumido:

Sr. Alcalde. Di que en primeiro lugar se presenta unha enmenda cunha serie de modificacións que se comentaron na comisión informativa.

Sr. González Pardal. Pregunta si as persoas que están gravando a sesión teñen permiso para facelo.

Sr. Alcalde. Contesta que non hai ningún motivo para denegalo. Explica que o consultou con asesoría e que privadamente o poden gravar facéndose responsables das gravacións e do seu uso.

Sr. González Pardal. Manifesta públicamente que quere, e solicita que conste en acta, que as súas imaxes as pixelen.

Sr. Rodríguez Carbia. Di que a gravación non está prevista no Regulamento orgánico municipal e que non ten inconveniente en que se graven pero non "de motu proprio" por parte dun grupo político e pregunta á señora secretaria si se pode facer.

Sra. Secretaria. Explica que hai sentencias recentes, e de feito, hai unha que saíu o ano pasado do Tribunal Supremo, que di que calquera persoa asistente como público pode gravar as sesións porque se entende que é un acto público, de coñecemento público e que polo tanto se pode gravar.

Sr. Rodríguez Carbia. Di que non ten inconveniente, pero que o máis lóxico sería que o señor Alcalde convocara unha xunta de portavoces para comentar este tema.

Sr. Alcalde. Explica que á Comisión Informativa foi unha moción da señora Rey Pazos para que o Concello comprase cámaras e procedese á gravación de son e imaxe e debateuse na comisión e denegouse, co voto do grupo político do PP en contra e a abstención dos demais, por motivos de gasto público e porque xa había gravación de son e vían innecesaria a gravación de imaxe. Entende que cada un é libre de sacar fotos e gravación de imaxes e facer un uso responsable delas, pero que si os Concelteiros entenden que se debe parar a grabación e debatilo nunha comisión informativa non hai problema e si queren continuar tamén.

Sr. Rodríguez Carbia. Di que o espírito de consenso é primordial con independencia de que se poida facer ou non e que si ao mellor o video circula pola rede e considera que pode vulnerar algún dos seus dereitos empregará todos os medios legais para recurrilo tanto nos Xulgados ou no Tribunal Constitucional ou no que sexa e reitera que non ten inconveniente algún en que se grave.

Sra. Rey Pazos. Contesta que entón non entende cal é o problema; que Veciños de Padrón xa presentou a moción para que o fixese o Concello. Cando se estudiou o tema xa viron que podían facelo eles privadamente, que nin sequera habería que facer esa solicitude, que na sentenza se recoñece o dereito a vir e gravar. Que



Padrón

Concello de Padrón

CIF P1506600D

Rúa Longa, 27

15900 Padrón, A Coruña

correo@concellodepadron.es

www.concellodepadron.es

Tf: 981 81 04 51

Fax: 981 81 15 50

para o caso de que alguén teña dúbidas co tratamento que se lle dé ao vídeo, aí é onde se pode recorrer á Xustiza. Recórdalle a todos que teñen un carácter público e polo tanto dille ao Sr. González Pardal que non vai a ser pixelada a súa imaxe posto que non é necesario e que saíu fai pouco na prensa e non tivo problema. Engade que non ten inconveniente en pasarlles as sentenzas dos tribunais e da Axencia Española de Protección de Datos onde avogan por este sistema e que de feito se está facendo noutros concellos e que Veciños de Padrón opta sempre pola transparencia e pensan que isto é un paso máis cara a transparencia e pensa que non teñen que ter ningún problema en que a xente saiba o que pasa no Pleno, pensa que é o mellor, e cada un pon os seus argumentos e fala e despois a xente xa xulgará. Reitera que non entende porque hai tanto problema.

Sr. Alcalde. Entende que o tema xa está debatido e ademais non está na orde do día e engade que xa hai gravacións de voz e que se coloca todo no taboleiro de anuncios, é dicir, que o de transparencia non se pode tomar como un reproche, como que non a hai, porque el entende que si a hai.

Continúa co punto da orde do día e seguidamente dá conta da seguinte enmenda ao ditamen da Comisión Informativa C) de data 23 de novembro de 2015 que literalmente di:

<<Vista a proposta do Alcalde do 19 de novembro de 2015, incluída no punto número 2 da orde do día da sesión do Pleno da Corporación Municipal a realizar o 26 de novembro de 2015, e as propostas de rectificación realizadas polos diferentes grupos políticos municipais na sesión da Comisión Informativa C) realizada o 23 de novembro de 2015.


Considerando que o artigo 97.5 do Real decreto 2568/1986, do 28 de novembro, polo que se aproba o regulamento de organización, funcionamento e réxime xurídico das entidades locais (ROF) define a enmenda como "*la propuesta de modificación de un dictamen o proposición presentada por cualquier miembro, mediante escrito presentado al Presidente antes de iniciarse la deliberación del asunto*", definición que se repite no artigo 40.4 do Regulamento orgánico municipal publicado no Boletín Oficial da Provincia da Coruña número 27, do 3 de febreiro de 1998,

Propoño ao Pleno a aprobación da seguinte enmenda:

Modificar os artigos que se indican a continuación da proposta de Regulamento de uso das piscinas municipais de Padrón que quedarían redactados do seguinte xeito:

"Artigo 13. Normas de utilización da zona de praia e vaso.

A praia e o vaso son zonas reservadas aos bañistas e para acceder a ela deberanse respectar as seguintes normas:

- 
- a) É obrigado o uso de bañador, gorro e zapatillas de auga.
 - b) Os nenos e nenas que usen cueiros, deberán usar cueiros especiais para o baño.
 - c) Para evitar riscos sanitarios, está prohibida a entrada daquelas persoas que padezan enfermidades cutáneas ou doutro tipo que pola súa natureza se poidan contaxiar a través da auga.
 - d) É obrigado ducharse antes da inmersión na auga dos vasos.
 - e) Non está permitido o emprego de colchonetas, frotadores, gafas de cristal ou calquera elemento que a xuízo dos responsables da seguridade do vaso poidan supoñer algún risco para o resto das persoas usuarias.
 - f) As persoas usuarias deben respectar a ubicación indicada pola persoa socorrista ou monitora, determinada segundo o seu nivel.
 - g) As persoas usuarias que non saiban nadar deberán comunicalo á persoa socorrista cada vez que accedan ás instalacións. De precisar algún elemento para a aprendizaxe da natación deberán solicitalo ao persoal da instalación e devolve-lo unha vez rematada a actividade en bo estado de uso.

Artigo 14. Usos prohibidos na zona de praia e vasos.

Queda prohibido na zona de praia e vasos:

- a) Entrar vestido e con calzado da rúa.
- b) Mascar chicle, comer e beber.
- c) Alborotar ou falar en voz elevada.
- d) Entrar no vaso con maquillaxe, cremas ou apósitos de ningún tipo.
- e) Realizar calquera tipo de necesidade fisiolóxica na piscina.
- f) Saltar á auga desde os laterais.
- g) Sentarse nas corticeiras.">>

Sr. Alcalde. Explica que a proposta na Comisión Informativa, despois de debatila se fixo fincapé nun par de términos por varios grupos da oposición e por elo preséntase unha emenda no sentido, por exemplo, de onde podía "usuarias" poñer "persoas usuarias" xa que se explicou por secretaría que o de omitir o término persoa era porque era reiterativo, non por referirse únicamente a mulleres. Engade que van votar primeiro a emenda, antes de votar o regulamento, e pregunta si todos os Concelleiros teñen copia da emenda.

Sr. Rodríguez Carbia. Contesta que el non.

Sr. Alcalde. Explica que a emenda asinoua hoxe e que como estaba o señor. Forján Seoane no Concello xa lle dou unha copia e que cambian os términos que se faloron na comisión: onde se recollía que non se podía escupir na piscina cambiouse a expresión por calquera tipo de necesidade fisiolóxica; onde se puña que estaba prohibido saltar de cabeza dende os laterais incluese tamén de bomba ou de calquera maneira dende os laterais.

Non habendo máis intervencións sobre a emenda, o señor Presidente sométea a votación ordinaria, resultando aprobada por unanimidade das Concelleiras e dos Concelleiros (13), polo que o Pleno da Corporación Municipal adopta o seguinte acordo:

Modificar os artigos que se indican a continuación da proposta de Regulamento de uso das piscinas municipais de Padrón que quedarían redactados do seguinte xeito:

"Artigo 13. Normas de utilización da zona de praia e vaso.

A praia e o vaso son zonas reservadas aos bañistas e para acceder a ela deberanse respectar as seguintes normas:

- a) É obrigado o uso de bañador, gorro e zapatillas de auga.
- b) Os nenos e nenas que usen cueiros, deberán usar cueiros especiais para o baño.
- c) Para evitar riscos sanitarios, está prohibida a entrada daquelas persoas que padezan enfermidades cutáneas ou doutro tipo que pola súa natureza se poidan contaxiar a través da auga.
- d) É obrigado ducharse antes da inmersión na auga dos vasos.
- e) Non está permitido o emprego de colchonetas, frotadores, gafas de cristal ou calquera elemento que a xuízo dos responsables da seguridade do vaso poidan supoñer algún risco para o resto das persoas usuarias.
- f) As persoas usuarias deben respectar a ubicación indicada pola persoa socorrista ou monitora, determinada segundo o seu nivel.
- g) As persoas usuarias que non saiban nadar deberán comunicalo á persoa socorrista cada vez que accedan



Padrón

Concello de Padrón
CIF P1506600D
Rúa Longa, 27
15900 Padrón, A Coruña
correo@concellodepadrón.es
www.concellodepadrón.es
Tf: 981 81 04 51
Fax: 981 81 15 50

ás instalacións. De precisar algún elemento para a aprendizaxe da natación deberán solicitalo ao persoal da instalación e devolvelo unha vez rematada a actividade en bo estado de uso.

Artigo 14. Usos prohibidos na zona de praia e vasos.

Queda prohibido na zona de praia e vasos:

- a) Entrar vestido e con calzado da rúa.
- b) Mascar chicle, comer e beber.
- c) Alborotar ou falar en voz elevada.
- d) Entrar no vaso con maquillaxe, cremas ou apósitos de ningún tipo.
- e) Realizar calquera tipo de necesidade fisiolóxica na piscina.
- f) Saltar á auga desde os laterais.
- g) Sentarse nas corticeiras."

Aberta a quenda de debate sobre o asunto prodúcense as seguintes intervencións de xeito resumido:

Sr. Santaló Ríos. Di que van votar a favor por que é un paso para que se abra a piscina.

Sr. Rodríguez Conde. Di que é un procedemento que se ten que levar adiante para que se abra a piscina dunha vez, cun reglamento consensuado por todos.

Non habendo máis intervencións, o Presidente somete o asunto, coa inclusión da enmenda aprobada, a votación ordinaria, resultando aprobado por unanimidade das Concelleiras e dos Concelleiros (13), polo que o Pleno da Corporación adopta o seguinte acordo:

Primeiro. Aprobar inicialmente o Regulamento de uso das piscinas municipais do Concello de Padrón cuxo texto se recolle como anexo a esta proposta.

Segundo. Facer público o presente acordo mediante a inserción dun anuncio no Boletín Oficial de Provincia da Coruña e no Taboleiro de Anuncios da Casa do Concello e abrir un trámite de información ao público e audiencia aos interesados por un prazo de 30 días hábiles, contados desde o de publicación daquel anuncio no BOP, e durante o cal poderán presentarse as reclamacións e suxestións que estimen oportunas.

Terceiro. No suposto de non presentarse ningunha reclamación ou suxestión entenderase aprobada definitivamente esta ordenanza procedendo entón á publicación do acordo e do texto íntegro da mesma tamén no Boletín Oficial da Provincia da Coruña e no Taboleiro de Edictos da Casa do Concello.

ANEXO

REGULAMENTO DE USO DAS PISCINAS MUNICIPAIS DO CONCELLO DE PADRÓN.

CAPÍTULO I. DISPOSICIÓN XERAIS.

Artigo 1. Obxecto.

Este Regulamento ten por obxecto ordear o uso e funcionamento das piscinas municipais de titularidade do Concello de Padrón, ben sexan xestionadas por este directamente ou ben indirectamente por calquera das modalidades de xestión de servizos públicos previstas nas normas, e será de aplicación ás actividades que se desenvolvan nestes espazos.

Artigo 2. Calificación xurídica dos bens destinados ao servizo público.

As instalacións obxecto deste regulamento teñen a condición de bens de dominio público, destinados á prestación do servizo público municipal de piscina, de acordo cos artigos 4 do Real decreto 1.372/1986, do 13 de xuño, de bens das entidades locais e 79.3 da Lei 7/1985, do 2 de abril, reguladora das bases do réxime local

Artigo 3. Finalidades do servizo público.

Son finalidades do servizo público que se presta nas piscinas municipais as seguintes:

- e) Promover o acceso das cidadás e dos cidadáns, sen discriminacións ou límites de idade, á práctica de actividades acuáticas, como ocupación saudable do tempo de lecer.
- f) Achegar a actividade acuática aos menores mediante os programas deportivos que se implanten.
- g) Promover cursos de natación entre os diferentes sectores da poboación.
- h) Fomentar e promover o exercicio físico mediante as actividades que se realicen nas instalacións.

Artigo 4. Condicións hixiénico-sanitarias.

As condicións hixiénico-sanitarias das piscinas municipais serán as establecidas no Real decreto 742/2013, do 27 de setembro, polo que se establecen os criterios técnico-sanitarios das piscinas, e no Decreto 103/2005, do 6 de maio, polo que se establece a regulamentación técnico-sanitaria de piscinas de uso colectivo, así como por aquelas normas que modifiquen ou substitúan estas e o resto da normativa estatal ou autonómica que lle sexa de aplicación.

CAPÍTULO II. ACCESO ÁS INSTALACIÓNS.

Artigo 5. Acceso á piscina.

1. As instalacións das piscinas municipais están ao dispor de todos os cidadáns e cidadás do Concello de Padrón que pretendan realizar algunha das actividades deportivas que nelas se poidan practicar, de acordo co previsto neste regulamento.

2. O acceso ás instalacións pódese realizar baixo calquera das seguintes modalidades:

- a) Abonados. Coa condición de abonado pódese ter acceso a todos os espazos de uso común da piscina cuberta municipal e practicar calquera das especialidades deportivas que se desenvolvan no seu interior, sen outra limitación que o tempo que se puidera fixar para actividades concretas.

Poderán ser establecidos diversos tipos de abonos en función de tempo, unidade e extensión familiar, colectivos especiais, etc.

Ademais os abonados terán a posibilidade de ser "cursistas" cun desconto non prezo tal e como se prevé na ordenanza fiscal correspondente.


- b) Abonados de verán. Este tipo de abonados terán acceso ás piscinas municipais descubertas sen limitación de tempo nin de sesións durante o período no que estas piscinas permanezan abertas.
- c) Asistente a cursiños. Teñen esta condición as persoas inscritas nalgún curso ou actividade e unicamente poderán facer uso das instalacións nas que se desenvolva a actividade solicitada e polo tempo de duración desta.
- d) Entradas unitarias. Terán acceso pagando o custo da entrada diaria no momento do acceso. As persoas beneficiarias destas entradas poderán facer uso de todas as zonas de acceso común, sen apoio personalizado de monitor ou monitora especializada e con uso limitado en función da ocupación da instalación en cada momento.

Artigo 6. Exceso de demanda.

Cando a demanda de abonos ou de inscrición en cursos ou actividades supere a capacidade máxima prevista utilizaranse listaxes de espera para cubrir as baixas que se produzan. As posibles vacantes cubriranse por riguroso orde de inscrición na devandita listaxe.

CAPÍTULO III. NORMAS DE UTILIZACIÓN DAS INSTALACIÓNS.

Artigo 7. Aceptación das normas.



Padrón

Concello de Padrón
CIF P1506600D
Rúa Longa, 27
15900 Padrón, A Coruña
correo@concellodepadron.es
www.concellodepadron.es
Tfí: 981 81 04 51
Fax: 981 81 15 50

O acceso ás instalacións municipais supón a aceptación polas persoas usuarias das normas contidas neste regulamento e no resto da normativa de aplicación.

Artigo 8. Calendario e horario de apertura.

As instalacións das piscinas municipais estarán abertas ao público os días e nos horarios que se aproben polo Concello e que se atoparan expostas, nun lugar visible, nas propias instalacións.

O peche das instalacións por motivos de limpeza, realización de traballos de mantemento e renovación de auga dos vasos, ou calquera outro motivo técnico deberá ser anunciado coa antelación suficiente.

Artigo 9. Normas xerais.

As persoas usuarias das instalacións deberán respectar as seguintes normas xerais:

- Débense respectar en todo momento os espazos reservados aos diferentes usos das instalacións.
- Está prohibido fumar en todos os espazos e recintos.
- Non se poderá acceder ás instalacións con animais agás con cans guía.
- Deberanse empregar as papeleiras e colectores do lixo e manter limpas as instalacións.
- Para facilitar a convivencia de todas as persoas usuarias non se debe correr nin berrar nas zonas compartidas.
- Con carácter xeral as persoas menores de 8 anos deberán estar acompañados por unha persoa adulta durante o uso libre dos vasos das piscinas. As maiores de 8 anos e menores de 16 que saiban nadar poderán entrar sen acompañante cun consentimento por escrito asinado polo pai, nai ou titor ou titora, que quedará depositado na instalación e servirá de autorización permanente.

Artigo 10. Comportamento persoal.

As persoas que utilicen as instalacións deberán amosar un comportamento correcto e respectuoso para co resto das persoas coas que as compartan e cara ás instalacións e os bens que nelas se atoparan, así como manter estas nas axeitadas condicións de limpeza tralo seu uso.

As persoas usuarias están obrigadas a seguir as instrucións das persoas socorristas e/ou monitoras en canto ao uso dos vasos e rúas. As ordes dadas por este persoal serán de inmediato cumprimento.

Artigo 11. Follas de reclamación e buzón de queixas e suxestións.

Nas instalacións das piscinas existirán follas de reclamación a disposición das persoas que as utilicen, segundo o establecido na normativa sobre consumo.

Asemade as instalacións disporán dun buzón onde poder dirixir as súas queixas ou suxestións sobre o funcionamento do servizo, sin perxuízo de que poidan presentalas tamén no Rexistro Xeral do Concello. Para esta finalidade deberase informar ás persoas usuarias, nun lugar visible, da existencia deste buzón e da posibilidade de presentar nel as súas queixas ou suxestións.

Artigo 12. Normas de utilización dos vestiarios.

As persoas usuarias utilizarán os vestiarios de forma que se manteñan en correctas condicións hixiénicas e de conservación e respetarán as seguintes normas:

- Usar chanquetas para se duchar e circular polos vestiarios.
- Está prohibido realizar accións hixiénicas como afeitarse, depilarse ou tingirse dentro dos vestiarios.
- O lixo deberase deixar nos recipientes destinados para estes efectos.
- Os nenos e nenas maiores de 7 anos deberán utilizar unicamente o vestiario que lles corresponda segundo o seu sexo.

- e) Non está permitido deixar fóra dos armarios utensilios ou prendas das persoas usuarias.
- f) Os armarios deberán quedar baleiros despois do seu uso e as chaves dos mesmos non poderán saír das instalacións en ningún caso. Os armarios que permanezan pechados ao final de cada xornada serán abertos polo persoal do centro e o seu contido depositado na zona de recepción durante un prazo máximo de 15 días naturais. Transcorrido este prazo, os obxectos non reclamados polos seus propietarios serán entregados á Policía Local que os custodiará, dándolles o destino que proceda segundo a normativa vixente.
- g) Por motivos de seguridade non se permite o uso de aparellos eléctricos que non sexan os da propia instalación.

Artigo 13. Normas de utilización da zona de praia e vaso.

A praia e o vaso son zonas reservadas aos bañistas e para acceder a ela deberanse respectar as seguintes normas:

- a) É obrigado o uso de bañador, gorro e zapatillas de auga.
- b) Os nenos e nenas que usen cueiros, deberán usar cueiros especiais para o baño.
- c) Para evitar riscos sanitarios, está prohibida a entrada daquelas persoas que padezan enfermidades cutáneas ou doutro tipo que pola súa natureza se poidan contaxiar a través da auga.
- d) É obrigado ducharse antes da inmersión na auga dos vasos.
- e) Non está permitido o emprego de colchonetas, frotadores, gafas de cristal ou calquera elemento que a xuízo dos responsables da seguridade do vaso poidan supoñer algún risco para o resto das persoas usuarias.
- f) As persoas usuarias deben respectar a ubicación indicada pola persoa socorrista ou monitora, determinada segundo o seu nivel.
- g) As persoas usuarias que non saiban nadar deberán comunicalo á persoa socorrista cada vez que accedan ás instalacións. De precisar algún elemento para a aprendizaxe da natación deberán solicitalo ao persoal da instalación e devolvelo unha vez rematada a actividade en bo estado de uso.

Artigo 14. Usos prohibidos na zona de praia e vasos.

Queda prohibido na zona de praia e vasos:

- a) Entrar vestido e con calzado da rúa.
- b) Mascar chicle, comer e beber.
- c) Alborotar ou falar en voz elevada.
- d) Entrar no vaso con maquillaxe, cremas ou apósitos de ningún tipo.
- e) Realizar calquera tipo de necesidade fisiolóxica na piscina.
- f) Saltar á auga desde os laterais.
- g) Sentarse nas corticeiras.

Artigo 15. Normas de uso das saunas.

No uso das saunas existentes na piscina cuberta municipal situada no Campo do Souto deberanse respectar as seguintes normas:

- a) Antes de entrar nas cabinas é obrigado ducharse previamente.
- b) Non se permite ás persoas usuarias a manipulación dos sistemas de control da sauna.
- c) É obrigado entrar na cabina con zapatillas de ducha.



Padrón

Concello de Padrón
CIF P1506600D
Rúa Longa, 27
15900 Padrón, A Coruña
correo@concellodepadron.es
www.concellodepadron.es
Tf: 981 81 04 51
Fax: 981 81 15 50

- d) É obrigado o uso de bañador e toalla.
- e) Non está permitida a entrada con outro tipo de roupa diferente ao bañador e toalla, así como con xoias, obxectos metálicos, electrónicos ou de vidro.
- f) Non se permite beber ou comer no interior das cabinas.
- g) Non se permite a realización de accións hixiénicas como afeitarse, depilarse ou tinguirse.

CAPÍTULO IV. INFRACCIÓNS E SANCIÓN.

Artigo 16. Responsabilidade polos danos causados nas instalacións.

A persoa ou persoas responsables dos desperfectos que se poideran causar nas instalacións, no mobiliario ou no material, así como da sustracción dalgún destes elementos deberán aboar o importe íntegro dos gastos derivados da súa reparación ou substitución, así como o importe das indemnizacións polos danos e perxuízos causados, sen perxuízo das sancións que se poidan impoñer.

Para os efectos da súa constancia, o persoal ou entidade encargada das instalacións deberá comunicar, coa maior urxencia, á persoa titular da Concellería de Deportes os desperfectos causados ou as sustraccións detectadas, a través do correspondente parte de incidencias no que fará constar cando menos a identificación das persoas presuntamente responsables, lugar, día e hora no que se produciron e unha breve descripción dos desperfectos causados e/ou do material sustraído e de que cómo se desenvolveron os feitos.

Artigo 17. Infraccións leves.

Consideraranse infraccións leves as seguintes condutas:

- a) A desobediencia das instrucións e advertencias que o persoal das instalacións determine co fin de cumprir este regulamento e as normas sobre utilización das piscinas de uso colectivo e, en especial, os artigos referentes ao comportamento das persoas usuarias e a utilización das instalacións.
- b) As accións ou omisións contrarias ao establecido no presente regulamento que non foran tipificadas como infraccións graves ou moi graves.

Artigo 18. Infraccións graves.

Consideraranse infraccións graves as seguintes condutas:

- a) A falta de respecto cara as persoas traballadoras das instalacións ou demais persoas usuarias.
- b) As accións ou omisións que impliquen deterioro grave ou desperfectos das instalacións ou do equipamento.
- c) A subtracción de obxectos situados nas instalacións.
- d) O uso fraudulento de documentos para o acceso ás instalacións ou a cesión destes documentos a terceiras persoas non autorizadas.
- e) A comisión de dúas infraccións leves no período dun ano impostas por resolución administrativa firme.

Artigo 19. Infraccións moi graves.

Consideraranse infraccións moi graves:

- a) As accións ou omisións que prexudiquen gravemente ou supoñan riscos para a saúde das persoas usuarias ou traballadoras da instalación.
- b) As accións ou omisións que impliquen un deterioro moi grave ou irreversible das instalacións ou dos equipamentos.
- c) A comisión de dúas infraccións graves no período dun ano impostas por resolución administrativa firme.

Artigo 20. Sancións.

Pola comisión das infraccións indicadas imporanse as seguintes sancións:

- a) Infraccións leves: multa de 20,00 euros a 200,00 euros.
- b) Infraccións graves: multa de 200,01 a 600,00 euros.
- c) Infraccións moi graves: multa de 600,01 a 3.000 euros e a expulsión das instalacións por un período variable entre un mes e un ano.

Artigo 21. Procedimento sancionador.

As sancións serán impostas polo Alcalde ou órgano no que delegue, de selo caso, previo informe do persoal ou entidade encargado da xestión das instalacións e de acordo ao procedemento recollido no Capítulo II do Título IX da Lei 30/1992, de 26 de novembro, do réxime xurídico das administracións públicas e do procedemento administrativo común, e no Real decreto 1.398/1993, do 4 de agosto, polo que se aproba o regulamento do procedemento para o exercizo da potestade sancionadora, e os criterios recollidos no Título XI da Lei 7/1985, do 2 de abril, reguladora das bases do réxime local.

As sancións impostas en cumprimento deste regulamento son independentes das responsabilidades civís, penais ou de calquera orde en que poideran incurrir os ou as autores das infraccións.

DISPOSICIÓN DERRADEIRA.

A presente ordenanza, que consta de 21 artigos e unha disposición derradeira, entrará en vigor tras a súa aprobación definitiva, unha vez publicada integramente no Boletín Oficial da Provincia da Coruña e transcorrido o prazo ao que se refire o artigo 65.2 da Lei 7/1985, do 2 de abril, reguladora das bases do réxime local, permanecendo en vigor ata a súa modificación ou derogación expresa.>>

3.- MOCIÓN DA CIPA REITERANDO E INSTANDO O CUMPRIMENTO DO ACORDO PLENARIO ADOPTADO NA SESIÓN ORDINARIA CELEBRADA O 26 DE XUÑO DE 2014 TRALA MOCIÓN PRESENTADA POR CIPA SOBRE REDACCIÓN DE ORDENANZA PARA REGULAR AS ACTUACIÓNS SOBRE AS LIÑAS AÉREAS DE BAIXA, MEDIA E ALTA TENSIÓN QUE HIPOTECAN O CRECEMENTO URBANÍSTICO DO CASCO URBANO DE PADRÓN.

Dase conta da seguinte proposta ditaminada favorablemente na Comisión Informativa A) de data 23 de novembro de 2015, que di:

<<EXPOSICIÓN DE MOTIVOS

Na sesión plenaria ordinaria celebrada pola Corporación municipal en data 26 de xuño de 2014, no punto número 14 da orde do día, presentabamos moción que se aprobou por unanimidade dos grupos políticos que na lexislatura 2011/15 integrabámola corporación: PP, PSOE, PGD, BNG, CIDEGA e CIPA., acordo que se incumpriu polo goberno do PP, sen que dende á data da moción se fixera nada para cumprilos puntos do acordo de Resolución, debido a ese incumprimento plenario reiteramos exposición de motivos e instamos ao adopción das medidas que se relacionaban na moción e que reproducimos de seguido engadindo cumprimento plenario, acompañase copia do punto da acta da citada moción e plano onde se sinalan as liñas aéreas de alta e media tensión que atravesan e hipotecan o crecemento urbanístico dos terreos catalogados como urbanos e que constitúen a maior zona de expansión do casco urbano:

Por enriba de terreos de urbana e urbanizables do PXOU de Padrón, existen 25.000 m2 de afección das seguintes liñas aéreas: Liña alta tensión 66 Kv Padrón-Finsa I DC/SC, liña alta tensión 66 Kv Padrón-Tambre DC, liña alta tensión de 66 Kv Padrón-Tibo DC. Liña media tensión casco urbano de Padrón.

Dende o ano 2005 todas as actuacións de reposición ou substitución de cableados eléctricos aéreos quedaron en suspenso por acordos municipais.

Existen nas dependencias municipais diversos orzamentos para proceder ao soterramento das liñas eléctricas a fin de evitar a hipoteca que pende sobre a case totalidade dos terreos de urbana e urbanizables entre a canle



Padrón

Concello de Padrón
CIF P1506600D
Rúa Longa, 27
15900 Padrón, A Coruña
correo@concellodepadron.es
www.concellodepadron.es
Tf: 981 81 04 51
Fax: 981 81 15 50

de derivación do río Sar e a N-500 dende o nó da autopista da vía rápida ata a subestación de Fenosa.

Anualmente, a Consellería de Industria da Xunta de Galicia, ten establecido un programa, financiado con fondos Feder europeos para axudar ao soterramento das liñas de alta e media tensión, sen que nos conste que por parte do goberno local se solicitaran subvencións para tal fin.

O 11 de agosto de 2009, o goberno do que formabamos parte, publicou no DOG anuncio de licitación da revisión do PXOM do concello de Padrón por un orzamento total de 169,164 €, este plan substituirá ao plan vixente de 1994. Mentres non estea aprobado definitivamente, con carácter transitorio, propónse un modelo de aberto de ordenanza municipal que regule as actuacións de reposición, conservación e mantemento das redes tendo en conta a ordenación do territorio para permitir un desenvolvemento urbanístico axeitado que repercuta positivamente sobre a paisaxe urbana e rústica do termo municipal.

A imaxe do cableado eléctrico sobre os terreos de urbana proxecta unha imaxe terceiromundista que hipoteca o desenvolvemento urbanístico e supón un risco para a seguridade das persoas e a saúde dos/as veciños/as polo efecto negativo que teñen as ondas electromagnéticas.

Dentro das responsabilidades que deben asumir a Administracións Local está o velar pola seguridade dos seus veciños, pola saúde e por unha mellor calidade do entorno, do medio ambiente, do ambiente urbano e da estética do municipio.

Segundo o Tratado da Unión Europea, os gobernos teñen o deber de tomar accións preventivas en orde a impedilo dano antes de que se estableza a evidencia científica.

Destaca neste orde a Recomendación do Consello de 12 de xullo de 1999, que reclama a protección certa da saúde dos cidadáns que residen ou se sitúan nas proximidades dos campos electromagnéticos.

Para iso a Comunidade Europea está desenvolvendo accións en materia de investigación e desenvolvemento tecnolóxico a través de PROGRAMAS MARCO, que contemplan o estudo sobre os efectos que ten para a saúde das persoas a exposición aos campos electromagnéticos.

O artigo 48 da lei 9/2002, de 31 de decembro de ordenación urbanística de Galicia regula as normas de aplicación directa di que "*o planeamento xeral poderá prohibir os tendidos aéreos e prever o soterramento dos existentes. En todo caso, deberán soterrarse as redes de servizos das novas urbanizacións*".

Debido a carencia de regulamentación no planeamento en vigor e na normativa municipal propónse a pleno os seguintes acordos de resolución, así como un modelo aberto de ordenanza para que se introduzan suxestións, engadidos ou modificacións que se consideren oportunas co obxectivo de evitar as malas prácticas da empresa Fenosa que na maioría das veces, sen licenza urbanística, procede a facer reparacións ou reposicións no tendido eléctrico aéreo sobre os terreos de urbana.

Modelo de ordenanza

1º.- Obxecto

O obxecto desta ordenanza é regular as condicións ás que se someterán as reparacións, reposicións e instalacións eléctricas de alta, media e baixa tensión en todo o termo municipal para que se produza menor ocupación do espazo, menor impacto visual e medioambiental, así como preservar o dereito dos cidadáns a manter unhas condicións de vida sen o perigo que supón a exposición aos campos electromagnéticos.

2º.- Ámbito de aplicación.

Inclúense no ámbito de aplicación desta ordenanza as infraestruturas dos tendidos eléctricos aéreos que se atopan situados en todo o termo municipal de Padrón, redes de liñas de baixa, media e alta tensión e infraestruturas eléctricas de acordo co artigo 5 do Real Decreto 1995/2000, de 1 de decembro, polo que se regulan as actividades de transporte, distribución, comercialización, subministro e procedemento de

autorización de instalacións de enerxía eléctrica, en canto á descrición de actividade de transporte, rede de transporte e xestor da rede.

3º.- Limitacións de Instalación.

1.- Salubridade

As instalacións e o funcionamento das infraestruturas eléctricas deberán de observar con rigor a normativa vixente en materia de exposición humana aos campos electromagnéticos, en especial a establecida no Real Decreto 1066/2011, de 28 de setembro, polo que se aproba o Regulamento que establece entre outras, medidas de protección sanitaria, fronte a emisións electromagnéticas.

Nas instalacións de redes eléctricas adoptaranse as medidas necesarias pra garantir as debidas condicións de seguridade e a máxima protección á saúde das persoas. En particular, estas medidas extremarán sobre espazos sensibles tales como centros educativos, centros de saúde, parques públicos, e zonas urbanas e urbanizables ou todas aquelas outras que se consideren oportunas polo propio concello.

2.- Urbanísticas

a.- Con carácter xeral, prohibese a instalación na fachada e sobre cuberta dos edificios das infraestruturas eléctricas incluídas no ámbito de aplicación desta Ordenanza, ao obxecto de reducir o impacto visual sobre a vía pública.

b.- Sen prexuízo da normativa específica, non poderán establecerse instalacións eléctricas nos bens inmobles de interese cultural declarados monumentos na normativa autonómica de Patrimonio.

c.- Como regra xeral, para o solo urbano, urbanizable e non urbanizable, establece que as normas de instalacións de infraestruturas eléctricas de baixa, media e alta tensión, así como as que se modifiquen despois da entrada en vigor da presente ordenanza, deberán facerse soterradas.

d.- As instalacións deberán adaptarse inescusablemente ao plan de ordenación vixente e ás recomendacións establecidas polos Servizos Técnicos municipais de acordo á normativa en vigor.

e.- Non se admitirá o levantamento aéreo de liñas eléctricas aéreas de alta, media ou baixa tensión, así como de comunicacións ou de calquera outro servizo. Estas deberán disporse baixo canalización soterrada entubada e rexistrable que permita a substitución dos condutores, en caso necesario, sen rompelo pavimento.

f.- As liñas aéreas existentes con anterioridade á designación como solo urbano, urbanizable ou non urbanizable ou as que se levantaran con carácter provisional, deberán incluírse no correspondente proxecto de urbanización, cambiando o seu trazado actual a canalización soterrada sen permitirse realizar labores de reposición ou substitución nos tendidos aéreos existentes para así impulsar e garantir o soterrado.

g.- Na ampliación, modificación ou modernización de instalacións de distribución pública existentes non se admitirán trazados aéreos ou pegados ás fachadas debendo disporse as correspondentes canalizacións soterradas entubadas e rexistrables que conecten co interior dos edificios.

h.- No caso de que se efectúen novas construcións, ou na restauración de edificios existentes, deberán preverse canalizacións soterradas nas beiravías ou no frontal das fachadas que permitan o paso de circuitos das diferentes instalacións.

i.- Cando as canalizacións eléctricas se crucen con outras de gas, auga, etc, a distancia entre os puntos máis próximos de unhas e outra non será inferior a 0,20 m, e si, por impedilo algún obstáculo, debера de reducirse nalgunhas zonas, deberán separarse estas mediante tabiques de fábrica ou outro material illante.

k.- As empresas concesionarias estarán obrigadas a cambialo emprazamento dos cables, segundo instrucións dos servizos técnicos municipais e sen dereito a reclamación nin indemnización, cando fora preciso por razóns de urbanización, construción de galerías de servizos ou establecemento de servizos públicos.



Padrón

Concello de Padrón
CIF P1506600D
Rúa Longa, 27
15900 Padrón, A Coruña
correo@concellodepadron.es
www.concellodepadron.es
Tfí: 981 81 04 51
Fax: 981 81 15 50

I.- Non se poderá situar ningún poste, salvo autorización especial municipal, nas calzadas e beiravías, nin suxeitar cables eléctricos aos árbores.

Casco vello

En xeral evítanse os módulos de contadores nas fachadas dos edificios situados nesta zona particularmente nos edificios catalogados e si, excepcionalmente, tiveran que colocarse, porque non fora posible dispor outra solución, aloxaranse en fornelas nas fachadas con porta exterior, de características construtivas que afecten na menor medida posible á composición arquitectónica. Actuarase de semellante xeito para as caixas xerais de protección.

Disposición derradeira

No que non se prevea nesta ordenanza, estarase ao disposto na normativa Europea, Estatal, Autonómica e no Planeamento municipal vixente sobre a materia.

Por todo isto **PROPOÑEMOS** o seguinte **ACORDO DE RESOLUCIÓN**:

- Estudo, ampliación, modificación, ou aprobación deste texto de ordenanza para regular as actuacións sobre as liñas de baixa, media e alta tensión.
- Posta en vigor da nova ordenanza, incorporándoa posteriormente ao planeamento municipal en proceso de redacción.
- Paralizar preventivamente, mentres non estea a ordenanza en vigor, calquera reforma de ampliación, e substitución nos cableados aéreos de alta e media tensión sobre os terreos cualificados com urbanos ou urbanizables.
- Compromiso de solicitude de axudas económicas Feder-Xunta de Galicia para soterramento das liñas de baixa, alta e media tensión e rematar dunha vez por todas coa hipoteca dos cableados aéreos sobre os terreos de urbana e urbanizables do termo municipal.

Cumprimento do acordo plenario adoptado na sesión ordinaria celebrada pola corporación endata 26 de xuño de 2014.>>

Aberta a quenda de debate prodúcense as seguintes intervencións de xeito resumido:

Sr. Rodríguez Carbia. Procede á lectura da exposición de motivos e da proposta de acordo da moción presentada polo seu grupo e engade que mentras non se soterran as liñas o solo cualificado no planeamento como urbano ou urbanizable non adquirirá esa condición a pesares de que os contribuintes están a pagar o Imposto de bens inmobles por uns terreos hipotecados, pago que xera ingresos que van parar ás arcas municipais e que contribúen á sostibilidade económica municipal. Pregunta quen pode propor o soterramento das liñas e di que a empresa, neste caso Unión Fenosa, non o vai facer por razóns obvias, aos propietarios particulares resúltalle inviable economicamente, salvo raras excepcións, polo que se fai imprescindible e necesario que o concello acuda ás fontes de financiación a través de axudas económicas que se contemplan nos plans anuais da Consellería de Industria da Xunta de Galicia, a través de fondos FEDER e mediante convenios financiar o soterrado en diferentes fases.

Que, en relación á mala práctica de Fenosa de actuar sen licenza urbanística, son proba delo as numerosas denuncias que o seu grupo político presentou por rexistro no Concello, instando e solicitando a paralización de diversas actuacións sobre estos tendidos eléctricos que non constaba que tivesen licenza municipal. Que incluso en pasadas lexislaturas chegouse á paralización porque había unha empresa subcontratada de Portugal que viña os sábados e os domingos a reemplazar as liñas de alta, media e baixa tensión sen licenza municipal, e ao luns seguinte aparecían os tendidos cambiados. Que a última vez foi a liña que ven desde Finsa polo paseo fluvial do Río Sar; a outra vez pasou pola marxe esquerda do río Sar á altura do Bordel; outra na zona de Frades, que viñeron os veciños a falar co Sr. Alcalde, porque metéranse nunha finca particular sen permiso e

incluso cambiaron o apoio dunha columna, sin ter licenza municipal. Por todo isto propoñen o acordo anterior

Sr. Alcalde. Di que tanto no punto a, b, d e e están de acordo, pero que no debate do punto do 26 de xuño de 2014 saíu este mesmo tema e retirárase parte da proposta. Dille que no punto c. pon "*paralizar preventivamente, mentres non estea a ordenanza en vigor, calquera reforma de ampliación, e substitución nos cableados aéreos de alta e media tensión sobre os terreos cualificados como urbanos ou urbanizables*". Explicálle que cando alguén solicita licenza, cando os informes xurídicos son favorables, están obrigados a concedela, senón sería un acto de prevaricación.

Sr. Rodríguez Carbia. Replica que a Lei do Solo prevé que todos os cableados eléctricos en terreos urbanos e urbanizables deben facerse soterrados. Que é cuestión de negociar, de falar e de buscar fontes de financiación. Que si é un impedimento para que se poida aprobar a moción, introduce unha emenda oralmente para o apartado c) e co compromiso de que cada vez que se lle conceda, posto que non se pode denegar licenza porque incorrería en responsabilidade de tipo legal, intentar negociar coa empresa a posibilidade de soterramento do cableado antes de que se perpetúe o que se chama a hipoteca dos terreos urbanos.

Sr. Fernández Angueira. Di que están de acordo coa emenda. Pregunta á señora secretaria si poden votar a emenda.

Sra. Secretaria. Contesta que as emendas se teñen que presentar por escrito.

Sr. Alcalde. Di que o compromiso podería ser verbal e que se podería retirar o punto c. da moción.

Sra. Secretaria. Contesta que as propostas se votan tal cal están redactadas.

Sr. Rodríguez Carbia. Di que si lle pasan un folio que introduce neste mesmo momento a emenda por escrito. Lee a emenda: "Eloy Rodríguez Cabia concelleiro de CIPa, presenta emenda ao apartado c) da moción, sobre o retirado das liñas eléctricas e propoñe a supresión do citado punto".

Sr. Alcalde. Preguntalle á señora Secretaria si con que o lea el é suficiente.

Non habendo máis intervencións, o Presidente somete a emenda a votación ordinaria, resultando aprobada por unanimidade das Concelleiras e dos Concelleiros (13), polo que o Pleno da Corporación Municipal adopta o seguinte acordo:

Suprimir o apartado c) da Moción presentada o 21 de outubro de 2015 por CIPa reiterando e instando o cumprimento do acordo plenario adoptado na sesión ordinaria celebrada o 26 de xuño de 2014 trala moción presentada por CIPa sobre redacción de ordenanza para regular as actuacións sobre as liñas aéreas de baixa, media e alta tensión que hipotecan o crecemento urbanístico do casco urbano de Padrón.

Non habendo máis intervencións, o Presidente somete o asunto, coa inclusión da emenda aprobada, a votación ordinaria, resultando aprobado por unanimidade das Concelleiras e dos Concelleiros (13), polo que o Pleno da Corporación Municipal adopta o seguinte acordo:

- a. Estudo, ampliación, modificación ou aprobación deste texto de ordenanza para regular as actuacións sobre as liñas de baixa, media e alta tensión.
- b. Posta en vigor da nova ordenanza, incorporándoa posteriormente ao planeamento municipal en proceso de redacción .
- c. Compromiso de solicitude de axudas económicas Feder- Xunta de Galicia para soterramento das liñas de baixa, alta e media tensión e rematar dunha vez por todas coa hipoteca dos cableados aéreos sobre os terreos de urbana e urbanizables do termo municipal.
- d. Cumprimento do acordo plenario adoptado na sesión ordinaria celebrada pola corporación en data 26



Padrón

Concello de Padrón

CIF P1506600D

Rúa Longa, 27

15900 Padrón, A Coruña

correo@concellodepadron.es

www.concellodepadron.es

Tf: 981 81 04 51

Fax: 981 81 15 50

xuño de 2014.

4.- MOCIÓN DA CIPa PARA REQUEIR Á XUNTA DE GALICIA O CUMPRIMENTO DO COMPROMISO DE CONSTRUCCIÓN DUN CINTURÓN NORTE-SUR EN PADRÓN PARA SOLUCIONAR AS DEFICIENCIAS DA REDE DE ABASTECIMENTO.

Dase conta da seguinte proposta ditaminada favorablemente na Comisión Informativa A) de data 23 de novembro de 2015, que di:

<<EXPOSICIÓN DE MOTIVOS

A mediados de agosto de 2010 a Consellería de Medio Ambiente anunciaba nos diferentes medios de comunicación, e reproduzo textualmente; que investiría 15,3 millóns de euros en melloral a captación de auga no río Ulla e cubrir o abastecemento nas comarcas do Sar, Barbanza e Ullán. Un estudio realizado polo departamento autonómico revelaba carencias no abastecemento, un déficit que a Consellería previa ter cuberto no 2025.

As actuacións previstas consistían na ampliación da estación de auga potable de Padrón, ubicada no Casal, en Carcacia que vería incrementada a súa capacidade en 300 litros por segundo, ademais, instalaríanse depósitos en Pontecesures, Boiro e Escarabote para reforzar as actuais redes de abastecemento.

A Xunta a través de Augas de Galicia tamén contemplaba a construción dun cinturón norte-sur en Padrón, de 5.000 metros de lonxitude, ao obxecto de solucionar as deficiencias da rede de abastecemento debido a que os diámetros actuais resultan insuficientes.

O obxectivo destas actuacións, incluída no Plan Auga, é garantir o subministro de auga en calidade e cantidade adecuada a todos os núcleos de poboación fixa superior aos 50 habitantes antes de 2025, atendendo a un uso racional e sostible.

As actuacións nesta rede de captación de auga do río Ulla beneficiarían a un total de 113.971 habitantes, os localizados nos municipios de Padrón, Dodro, Pontecesures, Valga, Catoira, Ribeira, Boiro e A Pobra.

Ao non ter coñecemento de que este proxecto se realizara e tamén descoñecemos os motivos da non execución. Considerando que esta actuación si tería incidencia na mellora do subministro ao casco urbano de Padrón ao contemplar a construción dun cinturón norte-sur e solucionar as deficiencias da rede de abastecemento debido a que os diámetros actuais resultan insuficientes como anteriormente manifestei.

A maiores suporía substituír 1.390 m de tubaxe de fibro cemento (amiante) dos 3.815,41 que existen actualmente no casco urbano.

Calquera dos dous motivos son razóns máis que suficientes para instar da Xunta de Galicia que cumpra co compromiso de execución da actuación por importe de 15,3 millóns de euros para que non se quede todo nunha declaración de intencións e posturo político de sacala foto correspondente na estación potabilizadora do Casal vendendo de botes de fume como acontece na maioría das veces e da que conservamos testemuña gráfica a través dos medios de comunicación por que senón ata serían capaces de manifestar que non era certo.

é polo que PROPOÑEMOS o seguinte ACORDO DE RESOLUCIÓN:

Procédase a adoptar acordo plenario no que se aprobe requirir da Xunta de Galicia o cumprimento do compromiso de construción dun cinturón norte-sur en Padrón, de 5.000 metros de lonxitude, ao obxecto de solucionar as deficiencias da rede de abastecemento debido a que os diámetros actuais resultan insuficientes e as tubaxes actuais son de fibro cemento (amiante)>>

Aberta a quenda de debate prodúcense as seguintes intervencións de xeito resumido:

Sr. Rodríguez Carbia. Procede á lectura da moción presentada polo seu grupo político e engade que un exemplo de que os diámetros das redes actuais son insuficientes é que esta semana houbo unha rotura na tubaxe xeral porque pola mañá a maior parte da vila estaba sen auga a primeira da mañá porque as tubaxes son de fibrocemento e non aguantan porque teñen a vida útil esgotada e cun pouco de presión rompen por todos os lados.

Sr. Alcalde. Di que están de acordo pero que non son 15.300.000 € senón 15.251.406 € e que está colgado na páxina web de Augas de Galicia. Que está para levar a cabo antes do 2025 e que son os primeiros interesados en levalo a cabo canto antes. Comenta que hai un informe de 46 páxinas na páxina de Augas de Galicia e lee parte deste informe: "la actual capa de almacenamiento de Padrón es de 4.644 m3 mientras que la capacidad necesaria para futuro sería de 45 litros por segundo por 24 horas por 1.3, es decir 5.045 m3. La diferencia se absorbe con el depósito de cabecera por tanto, como fué comentado, se propone construir un cinturón norte-sur, ambos con tubería de diámetro de 200 y con una longitud aproximada de 5 kilómetros".

Sr. Rodríguez Carbia. Comenta que forma parte do Plan Hidrolóxico e que esta actuación é unha separata do Plan. Que hai actuacións prioritarias dentro dese Plan e que esta é a primeira actuación prioritaria dentro dese Plan, co cal xa debería estar executándose e polo tanto é simplemente un recordatorio para que non se paralice ese proceso.

Sr. Alcalde. Di que concretamente para bombeos hai 474.493 €, para depósitos 604.825, para a ETAP 2.769.756 e para conduccións 11.402.332. Reitera que están de acordo.

Sr. Forján Seoane. Di que a parte da paralización desa actuación, o Concello de Padrón foi castigado no seu momento polo goberno do PP do señor Feijóo ca supresión de dous proxectos de 200.000 € cada un para saneamento e que polo tanto sería interesante que o grupo de goberno intentara recuperar o financiamento deses proxectos.

Sr. Alcalde. Entende que o señor Forján Seoane está falando do tema do alcantarillado da Ponte, Paraíso, Pombal e outros e comenta que na primeira semana de tomar posesión como Conselleira Beatriz Mato, reuniuse con ela para impulsar eses proxectos.

Sr. Forján Seoane. Lembra que tamén o Partido Socialista no Parlamento presentou dúas preguntas sobre estes proxectos para saber si se van executar.

Sr. Alcalde. Espera que, entre todos, a ver si se saca adiante.

Non habendo máis intervencións, o Presidente somete o asunto a votación ordinaria, resultando aprobado por unanimidade das Concelleiras e dos Concelleiros (13), polo que o Pleno da Corporación Municipal adopta o seguinte acordo:

Requirir da Xunta de Galicia o cumprimento do compromiso de construción dun cinturón norte-sur en Padrón, de 5.000 metros de lonxitude, ao obxecto de solucionar as deficiencias da rede de abastecemento debido a que os diámetros actuais resultan insuficientes e as tubaxes actuais son de fibrocemento (amianto).

5.- MOCIÓN DA CIPa PARA INSTAR Á XUNTA DE GALICIA PARA QUE PROCEDA AO RECOÑECEMENTO OFICIAL DO CAMIÑO XACOBEO DE PADRÓN.

Dase conta da seguinte proposta ditaminada favorablemente na Comisión Informativa B) de data 23 de novembro de 2015, que di:

<<EXPOSICIÓN DE MOTIVOS

A nosa vila ten un dos piares da súa importancia histórica no fito xacobeo, a súa intrahistoria rezuma xacobismo nos seus lugares e monumentos, somos punto central nos camiños de peregrinaxe. Pero para seguir a manter o peso da tradición faise imprescindible por en valor e uso este legado que debe ir acompañado dun plan



Padrón

Concello de Padrón

CIF P1506600D

Rúa Longa, 27

15900 Padrón, A Coruña

correo@concellodepadron.es

www.concellodepadron.es

Tfí: 981 81 04 51

Fax: 981 81 15 50

director de conservación, mantemento, recuperación, restauración, divulgación patrimonial daqueles lugares e monumentos relacionados coa tradición xacobeá e de recoñecemento da importancia padronesa nas peregrinacións cara o lugar onde a lenda sitúa a chegada do corpo do fillo de Zebedeo.

O camiño que parte ou chega a Padrón, percorrendo de norte a sur e de sur a norte está necesitado dun recoñecemento oficial por parte da Xunta de Galicia para reparar unha afronta que a Administración ten coa dignidade histórica da nosa Vila e que no pode permanecer moito máis no completo ostracismo.

Pero o concello ten o deber e a obriga de contribuír a colaborar en manter e conservar o camiño en todo o termo municipal en perfecto estado de revista, correctamente sinalado e contribuíndo a preservar o entorno polo que discorre nas mellores condicións etnográficas, medioambientais e patrimoniais para que os peregrinos que cheguen ou partan da nosa Vila leven a mensaxe dunha vila que é celosa depositaria e gardana das súas raíces históricas e do seu entorno.

Debese facilitar a máxima dispoñibilidade e información posible sobre aqueles lugares que teñen unha significación especial na tradición xacobeá, Igrexa de Santiago de Padrón, Pedrón, Fonte do Carme, Santiaguíño do Monte e Igrexa de Iria.

Debese manter o entorno dos monumentos nas mellores condicións posibles de conservación e respecto medioambiental, patrimonial e etnográfico.

Debe coidarse o camiño en toda a lonxitude do termo municipal, sinalizándoo convenientemente.

E polo que **PROPOÑEMOS** os seguintes **ACORDOS DE RESOLUCIÓN**:

a. Que o pleno da corporación inste a Xunta de Galicia, sen máis demora, para que proceda ao recoñecemento oficial do camiño xacobeo a Padrón.

b. Adoptar compromiso plenario de manter, no que se refire as competencias municipais, o camiño en toda a súa extensión polo termo municipal en perfectas condicións de conservación, respecto medioambiental, patrimonial e etnográfico e de informar, solicitar e reclamar da Xunta de Galicia, chegado o caso, que execute tamén as súas competencias.

c. Adoptar acordo de manter o entorno dos monumentos xacobeos en perfectas condicións de conservación, ornato, respecto medioambiental, patrimonial e etnográfico durante todo o ano.

d. Adoptar acordo de establecer no período abril-outubro un punto de información na casa do ermitán do Santiaguíño do Monte ao ser moitos os peregrinos que acoden a este santuario xacobeo sen que teñan posibilidade de coñecer máis polo miúdo a importancia do lugar (este punto de información manterase operativo por voluntari@s, persoal subvencionado pola Xunta ou polo concello) e co compromiso de manter aberta a ermida para a súa visita.

e. Adoptar acordo de solicitar e xestionar coa igrexa un punto de información permanente na Igrexa de Santiago de Padrón en colaboración co propia igrexa para visitalo Pedrón e outros elementos xacobeos do templo, (este punto de información manterase operativo por voluntari@s, persoal subvencionado pola Xunta, polo concello ou pola propia igrexa).

f. Adoptar acordo de solicitar e xestionar coa Igrexa un punto de información permanente na Igrexa de Santa María de Iria, un dos templos marianos máis importantes da tradición xacobeá que se reflicte no escudo da parroquia e no camarín do seu retablo central, (este punto de información manterase operativo por voluntari@s, persoal subvencionado pola Xunta, polo concello ou pola propia igrexa).>>

Aberta a quenda de debate prodúcense as seguintes intervencións de xeito resumido:

Sr. Rodríguez Carbia. Procede á lectura da moción presentada polo seu grupo político e engade que, sen ir máis lonxe, a entrada do Camiño en Padrón, na zona do Bordel, presenta un aspecto calamitoso porque está

chea de silveiras por todos os lados e non dá testemuña de que sexa unha vila de raizame histórica como é, e que é competencia municipal instar aos propietarios das fincas colindantes ao Camiño para que as manteñan en perfecto estado de revista e de conservación e que o mesmo pasa pola beira do río Sar, no traxecto dende A Ponte ata o Espolón, no que hai unha parte que se limpa con frecuencia, pero que se debe manter en perfecto estado de conservación posto que é a entrada sur á vila de Padrón e que o outro punto "negro" é dende detrás do Campo da Feira ata a Praza de Abastos debido aos residuos de plástico do mercado dominical que ven os centos e milleiros de peregrinos que pasan ou que veñen visitar a vila e que tamén pasa nalgúns tramos do Camiño en Santa María de Cruces. Di que son cousas que, sen moita financiación, pódense solventar e dar unha imaxe da vila mellor e que se debe ser máis coidadoso e ter o Camiño en perfecto estado de revista e nas mellores condicións medioambientais posibles.

En relación á Caso do Ermitán do Santiaguíño do Monte comenta que, cando no ano 2008 el era responsable da Concellería de Cultura, conseguiu unha subvención para rehabilitar a Casa do Ermitán rehabilitando o pórtico e todo conxunto do Santiaguíño do Monte. Que a intención era que esa Casa do Ermitán, que pertence ao Concello e non á Igrexa, fose ese punto de información e provisionalmente, para subsanar a falta de información, colocouse un panel informativo, onde está a cuncha xacobeá, explicando a importancia histórica do Santiaguíño do Monte en catro idiomas: inglés, francés, castelán e galego, e da noite para a mañá desapareceu o cartel e nunca máis se volveu repoñer, e pode cicir, con coñecemento de causa, que o Santiaguíño do Monte é un lugar que ten centos e centos de visitas todo o ano e a maior parte van aí porque llo din na oficina de turismo ou no albergue pero non se lle explica a importancia que ten ese lugar.

En relación a Iria di que o peregrino chega a Iria e marcha sen que ninguén lle explique a súa importancia, que marcha de Iria sen coñecer que foi o primeiro templo mariano do mundo e que foi a catedral antes de ser Santiago e que de feito, ata moi tarde, os arzobispos composteláns chamábanse arzobispos de Santiago e bispos de Iria e que ese título de arzobispado de Iria Flavia séguese conservando precisamente en Alemaña. Que son cousas laboriosas porque dan traballo, hai que negociar, pero que dán unha compensación inmensa porque se recupera a importancia histórica do Municipio. Lembra que dicía na comisión informativa que Padrón o ten todo: razóns históricas, documentais, etnográficas... porque na Idade Media os camiños eran inseguros polo que o camiño principal de Santiago, o Camiño Francés, viña polo mar e está constatado que os peregrinos desembarcaban no porto de Pontecesures ou en Aduana e viñan ata Padrón e ese camiño está identificado na topografía porque a aldea de Francos, no veciño municipio de Teo, ten ese nome porque aí instaláronse un grupo de comerciantes franceses e a porta principal do Camiño, a porta principal do Santiago amurallado, que é a porta Faxeira está orientada ao norte e por iso se chama rúa do Franco porque por aí entraban os franceses. Que polo tanto Padrón ten probas historográficas para facer forza para que se recoñeza ese camiño e que se complementa cunha fonte documental, que non a ten ningún municipio de España, que son os fueros e privilexios reais que están gardados no arquivo histórico do noso Concello. Que todos os reis da monarquía desde Fernando II ata Felipe IV concederon privilexios a Padrón por ser o porto de arribada do corpo do Apóstolo Santiago e, polo tanto, hai un núcleo central que é Padrón e un núcleo sobre o que xira toda a tradición xacobeá e que paradóxicamente non ten ese recoñecemento oficial do Camiño e por iso propón que se deixen apartadas as diferenzas ideolóxicas de calquera tipo porque o importante é que o Municipio poida conseguir o obxectivo de que se recoñeza a súa importancia histórica dentro do Camiño de Santiago.

Sr. Lois Ferrón. Di que está de acordo cos puntos da moción. Cree recordar que foi no último pleno da lexislatura, adoptouse un acordo por unanimidade, para que se solicitase á Xunta de Galicia o recoñecemento do Camiño Histórico Santiago- Padrón e todos os organismos competentes están instados para que na maior brevidade posible se faga ese recoñecemento e reitera que si algún grupo político ten máis documentación que se poida adxuntar ao expediente están a tempo de que se inclúa. Informa que na última reunión mantida por parte do Alcalde coa Directora Xeral de Patrimonio, co Xerente do Xacobeo e coa Directora Xeral de Turismo, solicitouselles que, na maior brevidade posible, se pronunciasen sobre este tema.

Considera que tanto a Igrexa de Padrón como a de Iria deberían contar con persoas que poidan trasladar aos peregrinos a información necesaria destes elementos culturais e patrimoniais, sobre todo nos meses que hai maior afluencia, e polo que saben a Igrexa xa recibe algún tipo de aportación mediante convenios co Arzobispado para manter algunha persoa durante un tempo nestes puntos e que o grupo de goberno tamén



Padrón

Concello de Padrón

CIF P1506600D

Rúa Longa, 27

15900 Padrón, A Coruña

correo@concellodepadron.es

www.concellodepadron.es

Tfí: 981 81 04 51

Fax: 981 81 15 50

intentou obter algún tipo de subvención para manter voluntarios nestas dependencias pero que a única subvención que se estivo recibindo foi a realizada en voluntariado e o problema é que eses voluntarios non poden estar sós sen algún técnico nas súas inmediacións e polo tanto xa descartaron que poideran estar no Santiaguíño ou en Iria porque o punto máis próximo é o Espolón onde está o técnico de turismo. Que entende que hai que seguir buscando vías alternativas para manter estes puntos abertos, independentemente de que ata o momento non se conseguise.

En canto ao Plan de Acción di que xa existe un modelo de Plan de Acción, que se pode mellorar en calquera momento, dentro do cal se contempla que si se consegue que ese camiño sexa declarado como oficial, Padrón necesita outro albergue municipal porque está claro que o albergue actual non ten capacidade para todos os peregrinos que veñen á vila, principalmente desde primavera ata finais de verán, polo que tamén se barallou a posibilidade de converter a Casa da Azucarera nun albergue xestionado de maneira municipal ou ben sacándoo en concesión, que é unha posibilidade que se estuda pero que non está nada fixo e que tamén se considerou dotar de iluminación as escaleiras ao Santiaguíño e a zona das rochas, principalmente para os meses de primavera e verán, porque moitos peregrinos comentaron que subían de noite. Di que está completamente a favor da moción.

Sr. Rodríguez Carbia. Puntualiza que a Casa da Azucarera entende que non reúne condicións para albergue. Que cando se conseguiu a cesión desa casa, estando de Concelleiro, pensouse en que podía ser un punto de información e unha sala de exposicións polo amplo aparcamento que ten a carón posto que non se pode facer unha construción adxacente polo grao de protección 1 que ten e pensa que ese sería o destino adecuado. Engade que ás veces tamén hai que dar paso á iniciativa privada e en Padrón hai un albergue privado, non sempre todo ten que ser público e que en Melide, por exemplo, pensa que hai tres ou catro: un público e o resto privados, e é tamén a maneira de incentivar a economía da zona e de crear postos de traballo e xerar riqueza.

Sra. Lois Ferrón. Di que está de acordo pero tamén por darlle unha utilidade a un edificio municipal e que considera que igual é mellor opción a concesión que a municipalización, e que tamén pensou na súa localización porque, si se fai o recoñecemento oficial do Camiño Santiago-Padrón, ese sería como un punto de chegada, pero que é algo que está en estudo e que está aínda enriba da mesa.

Sra. Rey Pazos. Di que non hai moito saíu unha noticia do PG na que reclamaba o mesmo e nese momento púxose en contacto co PG para darlle o seu apoio e o mesmo fai con CIPa e co Goberno. Que, dado que é unha cuestión de vontade política, como se lle dixo, ofrécese para axudar, para falar con alguén, para facer presión ou o que sexa. Pensa que é un terna no que tamén a cidadanía debería implicarse e loitar todos porque é bo para todos. Entende que Padrón debería estar impecable, impoluto, que non pode ser que os peregrinos que pasan por aquí cheguen e vexan as bolsas de plástico no río, as varandas mal. Que non é a primeira vez que di que hai que facer un plan de mantemento das cousas, un plan de limpeza e demáis. Que é unha pena que non se aproveite o Camiño de Santiago porque a riqueza que dá é increíble e parece que todos os pobos, tendo moitísimo menos que Padrón, estalle sacando maior rendemento, e tamén pensa que hai que falar co sector privado, con empresas, co comercio, e que a colaboración que ten que ofrecerlle o Concello en canto a albergues, é facilitarlle a apertura.

Sr. Alcalde. Dalle ás grazas polo ofrecemento de ir negociar con eles, pensa que todos estarían dispostos. Engade que sempre están dando a imaxe de que Padrón está mal e que todo o de fóra está mellor, que van a empezar a ver as cousas ben e facelas mellor.

Sr. Forján Seoane. Lembra, en relación ao que se está falando, que tense aprobado no Pleno algunha moción sobre a limpeza e que nestes momentos as bandeirolas do último Xacobeo seguen colgadas, máis ben os restos que quedan e entende que xa tiveron tempo de retiralas.

Sr. Alcalde. Pensa que deben estar case todas retiradas.

Sr. Forján Seoane. Contesta que se retirou só unha que estaba na Ponte do Carmen, que as demais seguen colgadas.

Sr. González Pardaí. Di que está totalmente de acordo co que dixo o señor Rodríguez Carbia e co que dixo a señora Lois Ferrón, pero pensa que tamén se debería facer un Plan Integral do Camiño en Padrón. Pensa que debería haber unha mesa entre a administración e o sector privado, porque cree que a todos afecta o Camiño e nese sentido está totalmente de acordo co que dixo a señora Rey Pazos de que poderíamos todos vivir perfectamente do Camiño de Santiago. Vota en falta que haxa unha conexión entre o Concello e os empresarios e que non haxa un plan anual dunha serie de actividades ou de accións que se poidan desenvolver para fortalecer o Camiño e convertirnos dunha vez por todas no berce do Xacobeo. Lembra que o outro día estaban en Padrón un grupo de 35 alumnos da Escola de Turismo da Coruña e que sinte moito que nin o Alcalde nin a Concelleira os puidesen acompañar durante a xornada que foi moi interesante.

Sr. Alcalde. Contesta que o Alcalde foi á xornada a recibilos.

Sr. González Pardaí. Replica que si, que o señor Alcalde foi alí a darlles as grazas e que se prestou a calquera tipo de pregunta e ofreceuse a dar o seu teléfono particular a cada un para calquera tipo de pregunta. Que se debatiu durante tres ou catro horas a situación que estaba atravesando Padrón e tamén o tema do Camiño de Santiago e as conclusións ás que chegaron un grupo de persoas alleas ao pobo foi que había unha desconexión total entre o Concello e os veciños.

Sr. Alcalde. Di que eles non teñen esas conclusións.

Sr. González Pardaí. Contesta que son as conclusións ás que chegaron os rapaces que as espuxeron. Bríndase para estar na cabeza desa comisión para elaborar coa veciñanza un plan sobre o Camiño para poder dinamizar o Camiño Portugués ao seu paso por Padrón.

Sra. Lois Ferrón. Comenta que con respecto a esa reunión do outro día, ela xustificou a súa ausencia porque non podía estar pola mañá por traballo, e brindouse a asistir a Coruña cando eles o consideraran oportuno nunha tarde, para atendelos en todas as dúbidas sobre a xestión municipal. Que de todos os xeitos preparou co técnico de turismo a que ía a ser a súa intervención e considera que o técnico de turismo fixo unha boa representación do Concello nesa xornada. Que non sabe realmente por que motivo chegaron a esas conclusións e que pode asegurar que dende a Concellería de Turismo mantense o contacto coa hostelería e co comercio de todas e cada unha das accións que fai. Que outra cousa é que se queira crear unha comisión específica do Camiño de Santiago pero considera que ademais de o Concello ten que ter unha vontade para estar en contacto coa hostelería e co comercio, o sector debe ser o primeiro en involucrarse e en participar en todas aquelas cousas que fai o Concello, porque está claro que para lograr un éxito o sector empresarial tamén ten que investir e eso ás veces tense en conta e outras non.

Sr. Santaló Ríos. Entende que están todos totalmente de acordo, pero falta que se efective dunha vez tal e como o levan aprobando aquí e que esa é a responsabilidade do señor Alcalde, que non culpabilidade, pero responsabilidade mentres estén no goberno. Engade que non é partidario de crear comisións nin novos organismos porque son practicamente ineficientes que o que hai é que facer as cousas.

Sr. Rodríguez Conde. En referencia ao que dixo antes a Concelleira de Veciños, di que o 6 de outubro deron entrada a un escrito no rexistro do Concello solicitando que Padrón entrara dentro do Plan Director por que o 24 de setembro se presentara o Plan director e o Plan estratéxico do Camiño de Santiago 2015-2021, pensa que con 70 millóns de euros para investir nos distintos camiños e nos distintos anos ir promocionando cada un. Pensa que hai que aproveitar a persoas como Cesáreo, que está no mundo do turismo, ou como Eloy que é un coñecedor nato da historia de Padrón.

Non habendo máis intervencións, o Presidente somete o asunto a votación ordinaria, resultando aprobado por unanimidade das Concelleiras e dos Concelleiros (13), polo que o Pleno da Corporación Municipal adopta o seguinte acordo:

a. Que o pleno da corporación inste a Xunta de Galicia, sen máis demora, para que proceda ao recoñecemento oficial do camiño xacobeo a Padrón.



Padrón

Concello de Padrón

CIF P1506600D

Rúa Longa, 27

15900 Padrón, A Coruña

correo@concellodepadron.es

www.concellodepadron.es

Tf: 981 81 04 51

Fax: 981 81 15 50

b. Adoptar compromiso plenario de manter, no que se refire as competencias municipais, o camiño en toda a súa extensión polo termo municipal en perfectas condicións de conservación, respecto medioambiental, patrimonial e etnográfico e de informar, solicitar e reclamar da Xunta de Galicia, chegado o caso, que execute tamén as súas competencias.

c. Adoptar acordo de manter o entorno dos monumentos xacobeos en perfectas condicións de conservación, ornato, respecto medioambiental, patrimonial e etnográfico durante todo o ano.

d. Adoptar acordo de establecer no período abril-outubro un punto de información na caso do ermitán do Santiaguíño do Monte ao ser moitos os peregrinos que acoden a este santuario xacobeo sen que teñan posibilidade de coñecer máis polo miúdo a importancia do lugar (este punto de información manterase operativo por voluntari@s, persoal subvencionado pola Xunta ou polo concello) e co compromiso de manter aberta a ermita para a súa visita.

e. Adoptar acordo de solicitar e xestionar coa igrexa un punto de información permanente na Igrexa de Santiago de Padrón en colaboración co propia igrexa para visitalo Pedrón e outros elementos xacobeos do templo, (este punto de información manterase operativo por voluntari@s, persoal subvencionado pola Xunta, polo concello ou pola propia igrexa).

f. Adoptar acordo de solicitar e xestionar coa Igrexa un punto de información permanente na Igrexa de Santa Maria de Iria, un dos templos marianos máis importantes da tradición xacobeas que se reflicte no escudo da parroquia e no camarín do seu retablo central, (este punto de información manterase operativo por voluntari@s, persoal subvencionado pola Xunta, polo concello ou pola propia igrexa).

6.- MOCIÓN DO GRUPO POLÍTICO MUNICIPAL DO PARTIDO GALEGUISTA DEMÓCRATA SOBRE A CREACIÓN DUNHA COMISIÓN DE SEGUIMENTO DO CONCILIA DESPERTARES 2015-2016.

Dase conta da seguinte proposta ditaminada favorablemente na Comisión Informativa B) de data 23 de novembro de 2015, que di:

<<EXPOSICIÓN DE MOTIVOS

Unha das principais preocupacións das familias na actualidade é a conciliación da vida familiar e laboral, precisamente co obxecto de dar resposta a esta preocupaciónponse en marcha os programas de Concilia Despertares, Nadal e Verán no noso Concello de Padrón, e máis nos tempos actuais de crise. Un programa que ofrece, servizo de gardería, almuerzo e actividades lúdicas.

Estos programas teñen como obxectivo principal responder ás necesidades familiares derivadas de desfase existente entre os horarios escolares e laborais, garantindo atención dos nenos e nenas por persoal debidamente cualificado que lle ofrezan actividades encamiñadas a fomentar a súa creatividade, autonomía e interese por coñecer do seu entorno e cubrindo a necesidade de atención a nenos e nenas do inicio das clases pola mañá.

E observando que na Xunta de Goberno de agosto de 2015 aprobouse a prestación do servizo Concilia Despertares 2015-16 a desenvolver entre o 14 de setembro de 2015 ata o remate do curso escolar 2015-16, e adxudicación da prestación de dito servizo a empresa PEQUEXOGO por un importe de 13.189,00 euros (IVE engadido). Ademais de observar que no expediente de contratación visto polo concelleiro do PGD en data 11 de novembro en dependencias municipais, solo aparecen as memorias das 4 empresas presentadas a realizar o servizo e máis das propostas da realización do Programa Concilia Despertares 2015-16 asinada pola concelleira de Servizos Sociais e a Proposta á Xunta de Goberno Local para a aprobación de dito programa.

ACORDO A ADOPTAR

- Crear unha Comisión de Seguimento deste Concilia Despertares 2015-16, para comprobar que se cumpren todos os parámetros que marca a lei con respecto ao servizo, e para controlar a calidade e coherencia do servizo

prestado, a través do seguemento continuado por parte desta comisión.

- Dita Comisión estará constituída por técnicos do Concello, Concelleira de Servizos Sociais, e representantes das distintas formacións políticas representadas nesta Corporación, (un representante por cada Partido Político).

- Que esa Comisión creada evalúe e revise no sucesivo o sistema de contratación de ditos servizos Concilia Despertares, Nadal e Verán, así como o funcionamento e seguemento dos mesmos.>>

Aberta a quenda de debate prodúcese as seguintes intervencións de xeito resumido:

Sr. Rodríguez Conde. Lembra que na comisión informativa fixéronlle á Concelleira a pregunta de que criterios se seguiran para contratar esa empresa vendo que en anos anteriores, con convocatoria pública, se presentaran sete empresas e que desas sete empresas foise desglosando a memoria do proxecto para ir vendo a relación calidade-prezo. Pero que segundo comentou a Concelleira de servizos sociais á empresa actual adxudicouselle por criterios económicos.

Sra. Couso Dopazo. Contesta que tamén polas actividades ofertadas.

Sr. Rodríguez Conde. Entende logo que a Concelleira leeu o proxecto da empresa.

Sra. Couso Dopazo. Di que por suposto.

Sr. Alcalde. Advirte ao señor Rodríguez Conde que as preguntas se fan ao final do pleno, que él está no turno de intervención e que ela despois estará no seu turno de réplica.

Sr. Rodríguez Conde. Explica que a súa sorpresa foi que no expediente de contratación non había nada que argumentara, fora dos criterios económicos, porque ás veces o barato sae caro sobre todo cando se está falando de nenos, e non vían que se cualificasen os programas, os proxectos. Reitera que cando eles estaban nesa área de goberno constaba no expediente o porque se descartaba un proxecto ou por que non se descartaba unha empresa. Votan de falta ese cúmulo de anotacións, porque só a parte económica non debe ser a que diga que empresa vai levar o Concilia. Explica que eles foron evaluando as empresas ata que quedaron cunha que ademais era de Padrón e nunca traballara en Padrón e pediúselles un curriculum e chamaron a outros Concellos onde traballaran e díxéronlle que era unha empresa seria e responsable. Que esa empresa fixo convocatoria pública para contratar ao persoal, valorou que a xente de Padrón tivese a oportunidade de conseguir un emprego e tamén valoraba que estivesen na rede de voluntarios de Padrón. Que a empresa que está hoxe, que é a mesma que estaba anteriormente, tiña unha serie de queixas por parte dos pais e nais, por escrito un par pero de palabra bastantes, debido ao servizo dos almorzos. Que por elo pediéronlle á empresa nova que fixera unha enquisa durante o proxecto para que foran valorando o resto de empresas que estiveran aquí.

Ve que falta todo iso e repasando a memoria da empresa, no apartado de recursos humanos di que "haberá un monitor de tempo libre para nenos menores de seis anos, un monitor para nenos maiores de seis anos, un coordinador para o desenrolo de actividades seguindo a lei vixente o cal se encargará das tarefas administrativas". E dílle á Concelleira de servizos sociais si sabe que hai dous decretos que regulan o tipo de monitores e que os monitores non teñen que ser por idades senón por número de nenos e polo tanto pregunta si vai haber un monitor si, por exemplo, hai cuarenta ou cincuenta nenos menores de seis anos. Entende que iso é importante e que está no proxecto que se aceptou. Continúa dicindo que ese Decreto 50/2000, modificado polo 58/2012, pon que haberá un monitor por cada oito-dez nenos sen ter importancia a idade, e ademais, seguindo co programa, pon na última páxina "todo isto irá representado na memoria final que lle entregará ao Concello unha vez rematado o concilia despertares 2013-2014". Quere entender que é o ano 2015-2016 e pregunta si é o programa do ano 2013-2014. Despois de ver todo isto, piden a creación dunha Comisión de Seguimento, porque non ven que haxa unha consistencia sólida deste servizo.

Engade, para rematar, a súa sorpresa cando se atopa co Concilia Nadal (ensinando ao grupo de goberno un



Padrón

Concello de Padrón

CIF P1506600D

Rúa Longa, 27

15900 Padrón, A Coruña

correo@concellodepadron.es

www.concellodepadron.es

Tfí: 981 81 04 51

Fax: 981 81 15 50

cartel do Concilia Nadal) e pregunta como se contratou esa empresa.

Sr. Alcalde. Dille ao señor Rodríguez Conde que dende o seu sitio non lee o que está ensinando.

Sr. Rodríguez Conde. Reitera a pregunta de que procedemento seguiron para contratar esa empresa para o Concilia Nadal.

Sr. Alcalde. Contesta que polo importe probablemente e pregunta á señora Couso Dopazo si sabe canto é o importe do Concilia Nadal.

Sra. Couso Dopazo. Contesta que o Concilia Nadal está incluído no Concilia Despertares.

Sr. Rodríguez Conde. Pregunta á señora Couso Dopazo si está a dicir que no Concilia Despertares aparece o Concilia Nadal.

Sra. Couso Dopazo. Contesta que non sabe que proxecto ten o señor Rodríguez Conde pero que está incluído o Concilia Nadal porque o analizou coa técnica.

Sr. Alcalde. Dille ao señor Rodríguez Conde que non sabe si ten interese nalgunha empresa en particular, quere pensar que non, que sabe que esta tarde se estivo preguntando moito por número de nenos, de monitores. Explica que o importe que hai é de algo máis de 13.000 € e podería ser ata de adjudicación directa sen xustificar, ata 18.000 máis IVE. Dille que si quere poden crear cuarenta comisións pero que non vai cambiar a normativa, que a normativa é a que hai e que a señora secretaria supervisa o que é a legalidade e si está ben se contrata e senón non.

Sr. Rodríguez Conde. Di que lle ofende que se diga si ten interese nalgunha empresa por que foron eles os que cambiaron a empresa esta pola nova e que hai informes dos pais que corroboran que foi o mellor que se puido ter feito.

Sra. Couso Dopazo. Pregunta ao señor Rodríguez Conde si a día de hoxe ten algunha queixa deste concilia que se está levando a cabo porque incide moito nos almorzos e no coidado dos nenos.

Sr. Rodríguez Conde. Contesta que ten algunha queixa dalgún pai, aínda que os pais xa se sabe como son que hai que ter coidado, e por iso propón a creación desa comisión. Di que non ve no expediente nada que lle argumente claridade e el avoga pola transparencia e non a ve cando a Concelleira di que no de Despertares aparece o de Nadal e non aparece.

Sra. Couso Dopazo. Entende que ten que estar mal entregado porque si que aparece.

Sr. Rodríguez Conde. Comenta que tamén pon o do ano 2013-2014 como se fose copiado e pegado do ano anterior.

Sra. Couso Dopazo. Di que se oferta o Concilia Nadal xa que está dentro do programa 2015-2016.

Sr. Rodríguez Conde. Pídelle á señora Concelleira que ao día seguinte lle entregue unha copia desta empresa onde poña que o Concilia Nadal está incluído nese prezo, e dado que se pode ver que isto non está clarificado é polo que piden unha comisión de seguimento para este e para os sucesivos.

Sr. Alcalde. Di que está claro que estaba ben cando o señor Rodríguez Conde estaba incorporado ao goberno e que tamén está ben agora.

Sra. Rey Pazos. Pregúntase si cada vez que exista un contrato menor vai ser necesario unha comisión e pregunta ao señor Alcalde se non lle preocupa iso. Di que si ela estivera no sitio do señor Alcalde a ela preocuparíalle moitísimo porque significa que están todos desconfiando da forma de contratar. Pensa que a transparencia é moi importante nestes temas, o que fai que a xente non teña dúbidas de como se contrata e por que se contrata. Engade que ela tamén ten a memoria e pon "decembro. faranse actividades específicas de nadal" é o único ao que fai mención.

Sr. Rodríguez Conde. Replica que eso vai dentro do propio Concilia Despertares.

Sra. Rey Pazos. Contesta que si, e continúa dicindo que lle chamou a atención que fose a mesma memoria que no 2013-2014. Que non dubida das empresas, aínda que pensa que debería de ser a mellor baseándose en costes e servizos, pero entende que o Concello non está dando unha imaxe boa, e a xente está empezando a falar moito, e é o máis preocupante deste tema, de por que se contrata a unha empresa e cree que estos plenos están para que se aclaren as cousas. Que, como dixo antes o señor Santaló Ríos, tanta comisión non vale para nada, que o que hai é que facer as cousas ben e que a claridade é o que fai que a xente non desconfie.

Sr. Alcalde. Entende que esa é a visión da señora Rey Pazos, que as cousas están ben e que o que pasa é que ao mellor non as fan como a oposición quere, que non coinciden e que deste concilia non tiveron ningunha queixa e preguntalle á señora Rey Pazos si a ela lle trasladaron algunha.

Sra. Rey Pazos. Di que ela fala da forma de contratar, que non se vai meter coa empresa, que para ela está xerando dúbidas.

Sr. González Pardal. Recordá que o outro día na comisión informativa a Concelleira dixo que tivera unha reunión coa técnica municipal para elaborar unha memoria. Que era unha memoria verbal para estudar os proxectos. Pregunta quen é o que toma a determinación final de contratar a una empresa u outra: a Concelleira, o Alcalde.

Sr. Alcalde. Contesta que pensa que é da Xunta de Goberno Local; que pode dicir que foi o órgano competente pero que non recorda cal.

Sr. Rodríguez Conde. Replica que quen propón é a Concelleira e quen ratifica o acordo é a Xunta de Goberno Local, que o pon no expediente.

Sr. Alcalde. Contesta que, como ben di o señor Rodríguez Conde, a proposta faina a Concelleira e os cinco Concelleiros en Xunta de Goberno Local a debaten e decíden e ao mellor apróbase e ao mellor mándana de volta e aos quince días ven outra, e que neste caso aprobouse.

Sr. Rodríguez Conde. Replica que entón a decisión é da Concelleira.

Sr. Alcalde. Di ao señor Rodríguez Conde que el, que xa estivo no goberno, sabe que se decide en Xunta de Goberno Local e que pode haber concelleiros que voten a favor e concelleiros que voten en contra e outros que se absteñen. Lembra que, cando o seu grupo estivo no goberno, había puntos nos que o señor Rodríguez Conde se absteña o señor Guillán Iglesias en contra e os concelleiros do PP a favor, que para iso é unha Xunta de Goberno Local, para deliberar e votar.

Sr. González Pardal. Entende entón que hai unha proposta por parte da Concelleira de que a empresa esa é a que ten a mellor oferta económica e se aproba en Xunta de Goberno Local.

Sr. Alcalde. Contesta que a mellor proposta técnica ou económica e que a Concelleira propón e a Xunta de Goberno resolve.

Sr. González Pardal. Pregunta si é o mesmo procedemento que se seguiu o ano pasado para a contratación do Concilia.

Sr. Alcalde. Contesta que non recorda se foi aprobado por Xunta de Goberno ou por Decreto.

Sr. González Pardal. Pregunta si o Concilia Nadal está dentro das actuacións do Concilia Despertares.

Sra. Couso Dopazo. Contesta que si.

Sr. Santaló Ríos. Fai unha observación: que se está contratando con contrato menor, que é unha adxudicación directa, e o seu grupo considera se está abusando destas fórmulas. Parécelle pertinente que se estableza un



Padrón

Concello de Padrón

CIF P1506600D

Rúa Longa, 27

15900 Padrón, A Coruña

correo@concellodepadron.es

www.concellodepadron.es

Tfí: 981 81 04 51

Fax: 981 81 15 50

mecanismo de control, aínda que non desconfian do que se está facendo, pero que si que pode engadir unha maior transparencia e que este caso pode servir de precedente para outros.

Non habendo máis intervencións, o Presidente somete o asunto a votación ordinaria, producíndose o seguinte resultado:

VOTOS A FAVOR: Oito (8), emitidos polos concelleiros do PGD, señores Rodríguez Conde e Guillán Iglesias, polos concelleiros do PSdeG-PSOE, señores Forján Seoane e Piñeiro Otero, pola concelleira de Veciños de Padrón, señora Rey Pazos, polo concelleiro de AxP, señor González Pardal, polo concelleiro do BNG, señor Santaló Ríos, e polo concelleiro da CIPa, o señor Rodríguez Carbia.

VOTOS EN CONTRA: Cinco (5), emitidos polas concelleiras e polos concelleiros do PP, señoras Lois Ferrón e Couso Dopazo e señores Fernández Angueira, Pardo Andrade e Sanmarco Santos.

ABSTENCIÓNS: Ningunha.

Verificado o cómputo da votación, o Pleno da Corporación adopta, por maioría, o seguinte acordo:

- Crear unha Comisión de Seguimento deste Concilia Despertares 2015-16, para comprobar que se cumpren todos os parámetros que marca a lei con respecto ao servizo, e para controlar a calidade e coherencia do servizo prestado, a través do seguimento continuado por parte desta comisión.
- Dita Comisión estará constituída por técnicos do Concello, Concelleira de Servizos Sociais, e representantes das distintas formacións políticas representadas nesta Corporación, (un representante por cada Partido Político).
- Que esa Comisión creada evalúe e revise no sucesivo o sistema de contratación de ditos servizos Concilia Despertares, Nadal e Verán, así como o funcionamento e seguimento dos mesmos.

7.- TOMA DE COÑECEMENTO POLO PLENO DA CORPORACIÓN MUNICIPAL DE PADRÓN, DA CONCELLEIRA DONA CARMEN MARÍA LOIS FERRÓN.

Dase conta da seguinte proposta de data 23 de novembro de 2015 que di:

<<En cumprimento do establecido no artigo 9.f do Real decreto 2568/1986, do 28 de novembro, polo que se aproba o regulamento de organización, funcionamento e réxime xurídico das entidades locais, e no apartado primeiro, punto 1, da Instrucción do 10 de xullo do 2003, da Junta Electoral Central, sobre substitución de cargos representativos locais, ponse en coñecemento do Pleno da Corporación Municipal, que:

O 23 de novembro de 2015 dona Carmen María Lois Ferrón presentou no Rexistro Xeral de Entrada de Documentos escrito de renuncia ao seu cargo de concelleira electa da Corporación Municipal.

En consecuencia, o Pleno toma coñecemento desta renuncia e así o comunicará á Junta Electoral Central para os efectos de que expida a credencial acreditativa da condición de persoa electa a favor de don Francisco García Dios en tanto que candidato seguinte na lista do Partido Popular presentada nas eleccións locais convocadas por Real decreto 233/2015, do 30 de marzo.>>

Aberta a quenda de debate prodúcense as seguintes intervencións de xeito resumido:

Sra. Lois Ferrón. Procede á lectura do escrito de renuncia presentado por ela no Concello esta semana: "Motivos persoais fan que non me sexa posible continuar exercendo o cargo que desempeño ata o momento actual polo que renuncio ao cargo de concelleira do Concello de Padrón, así como ás obrigas que se derivan de dita condición. Así mesmo quero deixar patente o meu agradecemento a todos os traballadore e traballadoras do Concello de Padrón cos que compartín estas dúas lexislaturas, aos distintos colectivos, asociacións, fundacións e institucións de diverso carácter cos que mantiven contacto na procura dunha mellor dinamización e novos proxectos para o municipio, á cidadanía, á que quero amosar a miña gratitude pola confianza

depositada, tratando sempre de representar ao Concello da mellor das maneiras posibles e cos recursos que tiveren ao meu alcance, ao alcalde e a todos e cada un dos meus compañeiros dos distintos grupos políticos municipais desde que entrei a formar parte desta Corporación aos que tamén lle amoso a miña satisfacción por ter compartido con eles e elas estes anos. Así mesmo, gustárame facer extensiva esta gratitude a todas as persoas que integraron as candidaturas das que formei parte ata o de agora, agradecendo o seu traballo, compañerismo e esforzo. Ao alcalde e a os meus compañeiros de grupo quere tamén desexarlle sorte nesta legislatura que afrontan, xa saben que estará aí en todas as cuestións que poida axudar e que en todos estes anos houbo momentos bos e outros complicados pero chegamos ata aquí e a partir de agora...

Prodúcense neste momento aplausos do público e dos membros da Corporación.

Sra. Lois Ferrón. Continúa: "... e a partir de agora seguimos sendo compañeiros non de goberno pero si de partido. Grazas tamén aos medios gráficos e aos redactores, a Uxía, a Cristina, a Merce, a Puri e tamén a Susana Formoso que xa non forma parte de El Correo Gallego pero coa que tiveren oportunidade de traballar. A Sor Elvira, a Mar Toledo, a Ignacio Carballo e a Víctor Furelos como xefes de redacción cos que tivo que xestionar información cando os redactores non estaban. A Héctor de Radio Valga, a Paula e Alberto da COPE Santiago e acabo de citar aos profesionais cos que tiveren máis trato diario pero quero facer extensivo este agradecemento a todos e cada un dos xornalistas que ofreceron a realidade informativa de Padrón. Aos meus amigos e pasar por política tamén me permitiu constatar quen son os meus verdadeiros amigos e agradézolle a súa alegría honesta e non finxida nos momentos bos e o seu alento e forza nos momentos complicados. E por último, de xeito especial á miña familia, especialmente ao meu pai e ao meu irmán e ao meu mozo, que sin dúbida estiveron ao meu carón tanto nos momentos difíciles coma nos fáciles, aos que máis tempo lles restei pero os que mellor souberon entender perfectamente as miñas ausencias polas miñas obrigas. Grazas a todos e ata sempre.

Prodúcense neste momento aplausos do público e dos membros da Corporación.

Sr. Alcalde. Di que fala en nome de todos e daílle as grazas á señora Lois Ferrón, personalmente, por todo o tempo que estiveron xuntos nesta andadura: catro anos na oposición e catro na legislatura, con días moi malos e con días moi bos e que foron un cúmulo de experiencias. Que aceptar esta renuncia non é do seu agrado e que lle desexa moita sorte na súa nova andadura persoal e profesional. Reitera as grazas por todos os momentos que compartiron xuntos.

Prodúcense neste momento aplausos do público e dos membros da Corporación.

Sr. Rodríguez Carbia. Di, en nome do seu grupo e el personalmente, que quere entender que é unha despedida temporal desta Corporación e agradece públicamente á señora Lois Ferrón a súa adicación á área de cultura. Deséxalle un ata pronto aquí neste sitio e espera que eses motivos persoais que alega na súa despedida que se resolvan canto antes e que está convencido de que volverá. Grazas por todo.

Sr. Guillán Iglesias. Dille á señora Lois Ferrón que teña sorte na súa vida e que é unha pena e que sabe que a respeta que a admira e deséxalle sorte na súa vida.

Sra. Rey Pazos. Dirixese ao señor Alcalde dicíndolle que perde o seu goberno porque é unha Concelleira da cal a cidadanía falaba ben e que é unha pena e deséxalle o mellor á señora Lois Ferrón.

Sr. Alcalde. Pídelle que se acorde das palabras do señor Rodríguez Carbia, que ao mellor non é unha despedida, que igual volve pronto.

Sr. González Pardal. Dille á señora Lois Ferrón que a honra ter feito as declaracións que fixo e ter tomado esta decisión e que o ten á súa enteira disposición e ao grupo que representa para o que necesite. Dalle as grazas por todo o traballo que fixo e lembra que nalgún momento colaborau con ela e co seu grupo activamente polo ben do pobo, e ao igual que o señor Rodríguez Carbia, pensa que non é máis que un ata logo e espera vela pronto por aquí.



Padrón

Concello de Padrón

CIF P1506600D

Rúa Longa, 27

15900 Padrón, A Coruña

correo@concellodepadron.es

www.concellodepadron.es

Tfí: 981 81 04 51

Fax: 981 81 15 50

Sr. Forján Seoane. Quere agradecer o seu esforzo e dedicación, ás veces desde a discrepancia, e espera que todo lle vaia ben.

Prodúcense neste momento aplausos do público e dos membros da Corporación.

Sendo as vinte e unha horas e corenta e cinco minutos o señor Presidente acorda interrompir a sesión para facer un descanso.

Sendo as dez horas e cinco minutos incorpóranse á sesión as señoras Concelleiras e os señores Concelleiros relacionados na cabeceira agás a señora Lois Ferrón.

PARTE II.- CONTROL ÓRGANOS DE GOBERNO

8.- DACIÓN DE CONTA DO INFORME TRIMESTRAL ELABORADO POLO DEPARTAMENTO DE INTERVENCIÓN E TESOURERÍA SOBRE O CUMPRIMENTO DOS PLAZOS PREVISTOS NA LEI 3/2004, DE 29 DE DECEMBRO, POLA QUE SE ESTABLECEN MEDIDAS DE LOITA CONTRA A MOROSIDADE NAS OPERACIÓNS COMERCIAIS, NA SÚA REDACCIÓN DADA POLA LEI 15/2010, DE 5 DE XULLO. 3º TRIMESTRE DE 2015.

O artigo 4.3 da Lei 15/2010, de 5 de xullo, establece que: <<Los Tesoreros o, en su defecto, Interventores de las Corporaciones Locales elaborarán trimestralmente un informe sobre el cumplimiento de los plazos previstos en esta Ley para el pago de las obligaciones de cada Entidad Local, que incluirá necesariamente el número y cuantía global de las obligaciones pendientes en las que se esté incumpliendo el plazo>>.

O apartado 4º do mesmo artigo establece que dito informe debe presentarse ao Pleno da Corporación Local e remitirse, en todo caso, aos órganos competentes do Ministerio de Economía e Facenda, rendición que se fixo con data 23/10/2015.

Por outra banda, o artigo 5.4 do mesmo texto legal recolle que << La Intervención (...) incorporará al informe trimestral al Pleno regulado en el artículo anterior una relación de las facturas o documentos justificativos con respecto a los cuales hayan transcurrido más de tres meses desde su anotación en el citado registro y no se hayan tramitado los correspondientes expedientes de reconocimiento de la obligación o se haya justificado por el órgano gestor la ausencia de tramitación de los mismos (...)>>

En cumprimento do mandato legal recollido nos artigos 4 e 5 da Lei 15/2010, de 5 de xullo, dáse conta ao Pleno da Corporación Municipal do informe emitido pola tesoureira e interventora municipais sobre o cumprimento dos prazos previstos na Lei 3/2004, de 29 de decembro, pola que se establecen medidas de loita contra a morosidade nas operacións comerciais relativa ao terceiro trimestre de 2015, ao cal se anexa o cadro de facturas ou documentos xustificativos que ao final do trimestre teñen máis de tres meses dende a súa anotación no rexistro de facturas e se atopan pendentes do recoñecemento da obriga.

9.- DACIÓN DE CONTA DAS RESOLUCIÓNS ADOPTADAS POLA PRESIDENCIA CONTRARIAS AOS REPAROS SUSPENSIVOS FORMULADOS POLA INTERVENCIÓN MUNICIPAL.

Considerando que ten entrado en vigor o 31/12/2013 a Lei 27/2013, de 27 de decembro, de racionalización e sostenibilidade da Administración Local, publicada no Boletín Oficial do Estado número 312, de 30/12/2013.

Considerando que dita norma regula no seu artigo segundo as modificacións introducidas no Texto Refundido da Lei Reguladora das Facendas Locais, aprobado por Real Decreto Legislativo 2/2004, de 5 de marzo.

Visto que a redacción do apartado terceiro do dito artigo segundo da Lei 27/2013, de 27 de decembro, é do seguinte tenor literal:

<<Tres. El artículo 218 queda redactado como sigue:

<<Artículo 218. Informes sobre resolución de discrepancias

1. *El órgano interventor elevará informe al Pleno de todas las resoluciones adoptadas por el Presidente de la Entidad Local contrarias a los reparos efectuados, así como un resumen de las principales anomalías detectadas en materia de ingresos. Dicho informe atenderá únicamente a aspectos y cometidos propios del ejercicio de la función fiscalizadora, sin incluir cuestiones de oportunidad o conveniencia de las actuaciones que fiscalice.*

Lo contenido en este apartado constituirá un punto independiente en el orden del día de la correspondiente sesión plenaria.

El Presidente de la Corporación podrá presentar en el Pleno informe justificativo de su actuación.

2. *Sin perjuicio de lo anterior, cuando existan discrepancias, el Presidente de la Entidad Local podrá elevar su resolución al órgano de control competente por razón de la materia de la Administración que tenga atribuida la tutela financiera.*
3. *El órgano interventor remitirá anualmente al Tribunal de Cuentas todas las resoluciones y acuerdos adoptados por el Presidente de la Entidad Local y por el Pleno de la Corporación contrarios a los reparos formulados, así como un resumen de las principales anomalías detectadas en materia de ingresos. A la citada documentación deberá acompañar, en su caso, los informes justificativos presentados por la Corporación Local.>>*

En cumprimento do mandato legal recollido no artigo precedente, dáse conta ao Pleno da Corporación Municipal das resolucións adoptadas pola Presidencia e acordos plenarios contrarios aos reparos suspensivos formulados pola Intervención Municipal:

- Resolución do Alcalde número 548/2015, de 13 de xullo, polo que se deixa sen efecto a discrepancia plantexada coa Intervención Municipal e se levanta o reparo suspensivo número 12/2015, de 13 de xullo, interposto contra a aprobación dunha serie de facturas e gastos por importe total bruto de 168.757,43 euros.
- Resolución do Alcalde número 605/2015, de 24 de agosto, polo que se deixa sen efecto a discrepancia plantexada coa Intervención Municipal e se levanta o reparo suspensivo número 13/2015, de 24 de agosto, interposto contra a aprobación dunha serie de facturas e gastos por importe total bruto de 61.848,23 €.
- Resolución do Alcalde número 649/2015, do 21 de setembro, polo que se deixa sen efecto a discrepancia plantexada coa Intervención Municipal e se levanta o reparo suspensivo número 14/2015, de 21 de setembro, interposto contra a aprobación dunha serie de facturas e gastos por importe total bruto de 57.483,62 €.
- Resolución do Alcalde número 703/2015, de 19 de outubro, polo que se deixa sen efecto a discrepancia plantexada coa Intervención Municipal e se levanta o reparo suspensivo número 15/2015, de 19 de outubro, interposto contra a aprobación dunha serie de facturas e gastos por un importe total bruto de 61.963,95 €.



Padrón

Concello de Padrón

CIF P1506600D

Rúa Longa, 27

15900 Padrón, A Coruña

correo@concellodepadron.es

www.concellodepadron.es

Tfí: 981 81 04 51

Fax: 981 81 15 50

10.- DACIÓN DE CONTA DAS RESOLUCIÓNS DO ALCALDE DA NÚMERO 558/2015 Á NÚMERO 776/2015.

En cumprimento do disposto no artigo 42 do Real Decreto 2568/86, do 28 de novembro, polo que se aproba o regulamento de organización, funcionamento e réxime xurídico das entidades locais, dáse conta das resolucións ditadas pola Alcaldía da número 558/2015 á número 776/2015.

Sra. Rey Pazos. Solicita que conste en acta que Veciños de Padrón quere deixar claro e reiterar que non comparte en absoluto a política levada a cabo polo goberno baseada no levantamento de reparos suspensivos e mantemento de situacións ilegais, no canto da procura de xestións eficientes.

Sr. Fernández Angueira. Dille que xa se incorporou á acta, nas alegacións ao inicio do Pleno.

Sra. Rey Pazos. Contesta que por iso o reitera.

11.- MOCIÓNS DE URXENCIA.

Rematada a orde do día da convocatoria e de acordo ao establecido nos artigos 83 e 91.4 do Real Decreto 2568/86, do 28 de novembro, polo que se aproba o regulamento de organización, funcionamento e réxime xurídico das entidades locais (ROF), o señor Presidente pregunta si algún grupo político quere someter á consideración do Pleno algunha moción de urxencia, formulándose as seguintes:

PRIMEIRA MOCIÓN DE URXENCIA. PRESENTADA POLO GRUPO POLÍTICO MUNICIPAL DE AxP SOBRE INFORME SOBRE O ESTADO DAS ESCOLAS INFANTIS E/OU INFANTIL E PRIMARIA.

Sr. González Pardal. Explica que o pasado día 26 de outubro de 2015 se solicitou por entrada en rexistro do Concello unha copia do informe existente do arquitecto municipal sobre o estado da escola de educación infantil (EEI) de Arretén e con data 6 de novembro do 2015 recibíuse copia do derradeiro informe do arquitecto municipal D. Francisco Ferro González que data do 24 de xuño de 2014.

Sr. Alcalde. Pídelle que explique a urxencia da proposta.

Sr. González Pardal. Explica que votan pola seguridade dos nenos que asisten á escola do Couto.

Seguidamente o Presidente somete a votación ordinaria a urxencia desta moción, producíndose o seguinte resultado:

VOTOS A FAVOR: Oito (8), emitidos polos concelleiros do PGD, señores Rodríguez Conde e Guillán Iglesias, polos concelleiros do PSdeG-PSOE, señores Forján Seoane e Piñeiro Otero, pola concelleira de Veciños de Padrón, señora Rey Pazos, polo concelleiro de AxP, señor González Pardal, polo concelleiro do BNG, señor Santaló Ríos, e polo concelleiro da CIPa, señor Rodríguez Carbia.

VOTOS EN CONTRA: Ningún.

ABSTENCIÓNS: Catro (4), emitidas pola concelleira e polos concelleiros do PP, señora Couso Dopazo e señores Fernández Angueira, Pardo Andrade e Sanmarco Santos.

Verificado o cómputo da votación, o Pleno da Corporación, por maioría absoluta, acorda ratificar a urxencia da moción.

A continuación o señor González Pardal Ríos dá lectura ao texto da moción que di:

<<- Que o pasado día 26 de outubro de 2015 se solicitou por entrada en rexistro do concello unha copia do informe existente do arquitecto municipal sobre o estado da escola de educación infantil (EEI) de Arretén.

- Que con data 6 de novembro de 2015 recibíuse copia do derradeiro informe do arquitecto municipal D. Francisco Ferro González que data do 24 de xuño de 2014.

- Que, entre outros aspectos, ese informe especifica que naquel momento e segundo as avaliacións feitas polo mencionado arquitecto, "a edificación foi rematada no ano 1968, segundo os datos de catastro, e que na actualidade incumpriría o CTE en cuestións básicas como son: DB SI: seguridade en caso de incendio, DB-SUA: seguridade de utilización e accesibilidade, DB HS: salubridade, DB HR: protección fronte ao ruído, DB HE: aforro de enerxía, ...".

(CTE: Código técnico de edificación).

- Que, segundo aclaran algunhas das familias usuarias desa escola, a instalación non foi obxecto de ningunha obra nin reforma despois deste informe e ata a actualidade e no que se refire aos aspectos nos que, supostamente, incumpre. Sí se fixeron outros tipo de obras menores (ver noticia de prensa adxunta) no verán de 2015.

Considerando estes e outros aspectos do estado actual da EEI Arretén extraídos do informe do arquitecto municipal, da nosa visita á instalación e do que os usuarios nos comentan, Alternativa x Padrón propón estudar e debater este asunto no vindeiro pleno ordinario, polo que presenta a seguinte

MOCIÓN

- Que o Concello de Padrón explique porqué tendo esa información do arquitecto municipal sobre unha instalación na que a diario se atopan menores, non fixo nada ao respecto.

- Que o Concello de Padrón nos comunique si existe informe do arquitecto municipal sobre o estado dalgunha outra das EEI ou EEIP.

- Que o Concello de Padrón a través do seu delegado de urbanismo, solicite aos servizos técnicos de urbanismo un informe do estado actual (derradeiro trimestre 2015) de todas as escolas de Educación Infantil (EEI) e/ou Escolas de Educación Infantil e Primaria (EEIP) que hai actualmente e en activo no concello de Padrón.

- Que eses informes estean rematados e se nos entregue copia dos mesmos antes de finais de 2015.>>

Aberta a quenda de debate prodúcense as seguintes intervencións de xeito resumido:

Sr. Alcalde. Pregunta á secretaria que puntos se votan porque entende que se votan o punto terceiro e o cuarto, porque o primeiro e o segundo non son de resolución.

Sra. Secretaria. Contesta que se vota a parte dispositiva enteira, con independencia que uns apartados teñan efectividade práctica e outros non.

Sr. Pardo Andrade. Di que o arquitecto dixo que, en principio, non era grave no referente a esta escola infantil e que con respecto ás outras non está feito o informe.

Sr. González Pardal. Pregunta si segundo o arquitecto municipal en principio esas anomalías non son perigosas para os rapaces que están alí.

Sr. Alcalde. Explica que esas anomalías son anteriores ao CTE e o arquitecto non fixo ningún informe que diga que non cumpre os principios de estabilidade e sostenibilidade da edificación senón recomendaría o peche.

Sr. González Pardal. Pregunta si poden estar tranquilos os pais dos nenos que van a esa escola.

Sr. Alcalde. Contesta que si.

Sr. Rodríguez Carbia. Entende que hai un principio básico en toda administración que é o da prevención e o da



Padrón

Concello de Padrón

CIF P1506600D

Rúa Longa, 27

15900 Padrón, A Coruña

correo@concellodepadron.es

www.concellodepadron.es

Tfí: 981 81 04 51

Fax: 981 81 15 50

seguridade nunha aula onde hai nenos pequenos e que todas as precaucións son poucas. Que esa escola está no Inventario municipal e polo tanto é do Concello e polo tanto correspóndelle o mantemento. Dise que as deficiencias non son perigosas pero, por outra banda, existe un informe técnico que di que non cumpre os requisitos que debería reunir. Que o lóxico sería que se fixera un informe completo para disipar calquera tipo de dúbida sobre a seguridade do edificio e de que non corren risco ningún os rapaces. Engade que non quere sembrar ningún tipo de alarma pero que si debería haber unha visita por parte de persoal técnico que disipe calquera dúbida sobre a estabilidade e seguridade do edificio.

Sr. Alcalde. Contesta que se poden elaborar eses informes e que todos están de acordo en que o principal é a seguridade e que, segundo as conversas co arquitecto, non hai problemas de seguridade. Que outra cousa é que non cumpra determinados requisitos e que eso pásalle a un montón de escolas: o Colexio Flavia e un montón de escolas, basicamente porque os códigos cambian e son edificacións anteriores e aínda nalgún caso habería que tiralas e volver a facelas novas.

Sr. Santaló Rios. Entende que o que si é perigoso é a entrada e saída do Colexio Flavia. Que entende que hai que ponderar e priorizar cales son as actuacións e parécelle que a actuación no entorno do Flavia é prioritaria.

Sr. Rodríguez Conde. Di están de acordo porque máis vale prevenir.

Sra. Rey Pazos. Pensa que xa o dixo e vólveo repetir: hai que facer un plan de mantemento dos edificios do Concello.

Sr. Alcalde. Contesta que hai que priorizar.

Sra. Rey Pazos. Replica que está claro, pero que hai que valoralos todos e ver cales obxectivamente son os prioritarios.

Sr. Forján Seoane. Entende que, ante as dúbidas que se plantexan, débese facer ese informe para telo todo claro e, en relación ao que di o BNG, fai unhas semanas o Pleno aprobou unha moción e non sabe si pasa como con todas, que se aproban e van para o caixón, ou si realmente se está facendo algo con ela.

Non habendo máis intervencións, o Presidente somete a moción a votación ordinaria, resultando aprobada por unanimidade das Concelleiras e dos Concelleiros presentes (12), polo que o Pleno da Corporación Municipal adopta o seguinte acordo:

- Que o Concello de Padrón explique porqué tendo esa información do arquitecto municipal sobre unha instalación na que a diario se atopan menores, non fixo nada ao respecto.

- Que o Concello de Padrón nos comunique si existe informe do arquitecto municipal sobre o estado dalgunha outra das EEI ou EEIP.

- Que o Concello de Padrón a través do seu delegado de urbanismo, solicite aos servizos técnicos de urbanismo un informe do estado actual (derradeiro trimestre 2015) de todas as escolas de Educación Infantil (EEI) e/ou Escolas de Educación Infantil e Primaria (EEIP) que hai actualmente e en activo no concello de Padrón.

- Que eses informes estean rematados e se nos entregue copia dos mesmos antes de finais de 2015.

SEGUNDA MOCIÓN DE URXENCIA. PRESENTADA POLO GRUPO POLÍTICO MUNICIPAL DO BNG SOBRE VIOLENCIA DE XÉNERO.

Sr. Santaló Rios. Explica que esta moción é para que se tipifique legalmente a figura do feminicidio e a urxencia é o drama que se está a vivir todos os días de mulleres asasinadas polas súas parellas, no ámbito da convivencia doméstica, situación suficientemente grave, constante e reiterativa e que toda a insistencia que fagamos sobre este problema é pouca.

Sr. Alcalde. Di que o seu goberno é o primeiro en solidarizarse coas vítimas de violencia machista pero que legalmente está regulado por unha Lei específica. Que o que non se pode é que, por un tema de protección á muller, se perxudique ao final aos homes. Pregunta como plantexa o concepto de feminicidio, que tipo de penas, ou é simplemente onde pon homicidio incluír feminicidio.

Seguidamente o Presidente somete a votación ordinaria a urxencia desta moción, resultando aprobada por unanimidade das Concelleiras e dos Concelleiros presentes (12), polo que o Pleno da Corporación acorda ratificar a súa urxencia.

Sr. Santaló Rios. Procede a dar lectura ao texto da moción que di:

<<EXPOSICIÓN DE MOTIVOS

A violencia machista é un dos problemas máis graves que ten que enfrentar a nosa sociedade. Nas últimas décadas, a violencia contra as mulleres ten deixado de ser un asunto invisíbel grazas ao constante e incansábel traballo dos movementos de mulleres.

A loita contra a violencia de xénero debe ser unha prioridade política para todos os espazos da actividade política e froito do traballo para que isto así sexa están vixentes a Lei Orgánica 1/2014, do 28 de decembro, de Medidas de Protección Integral contra a Violencia de Xénero e Lei 11/2007, do 27 de xullo, galega para a prevención e tratamento integral da violencia de xénero. Despois de anos de aplicación, insuficiente en moitos casos por limitación de recursos e orzamentos, a violencia machista segue presente na nosa sociedade. Por isso, cómpre avanzar e darnos pasos adiante que mellaren os marcos legais e realizar un labor preventivo e educativo maior.

Ante a gravidade do problema consideramos fundamental a inclusión do Feminicidio como forma de terror propia que sofren as mulleres e que serva de base para a elaboración dun Estatuto de vítima de Feminicidio. Doutra banda, a resposta fundamentalmente penal diante deste problema tense demostrado como insuficiente, polo que é preciso avanzar no apoio económico, psicolóxico e social así como na prevención. Corresponde á Administración local, por ser a institución máis próxima á veciñanza converterse nunha referencia para o combate deste problema e presionar para que se avance no recoñecemento das realidades de violencia machista e na súa prevención.

Por estes motivos, o grupo municipal do BNG solicita do Pleno da Corporación Municipal a adopción do seguinte

ACORDO

1. Instar á Xunta de Galiza a trasladar ao goberno do Estado a necesidade de modificar a Lei Orgánica 1/2004, de 28 de decembro, de Medidas de Protección Integral contra a Violencia de Xénero, introducindo o termo Feminicidio e iniciar os traballos para desenvolver o Estatuto de Vítima de Feminicidio.

Introducir, así mesmo, na citada modificación a acreditación da situación de violencia machista, recollendo certificación da orde de protección ou da medida cautelar, ou documento acreditativo da propia orde de protección ou da medida cautelar; sentenza de calquera orde xurisdiccional que declare que a muller sufriu violencia en calquera das modalidades definidas nesta lei. Tamén a certificación ou informe dos servizos sanitarios e/ou sanitarios e certificación dos servizos de acollida da Xunta de Galiza ou do concello. Informe da Inspección de Traballo e da Seguridade Social e calquera outra que se estableza regulamentariamente.

Así mesmo, a iniciar os traballos para modificar da Lei galega 11/2007, do 27 de xullo, para a prevención e tratamento integral da violencia de xénero para incorporar a regulación do Feminicidio e o estatuto de protección das vítimas do feminicidio.

Finalmente, instar á Xunta de Galiza a mellorar os servizos de atención psicolóxica, información, inserción laboral recollidos na Lei galega 11/2007, do 27 de xullo, para a prevención e tratamento integral da violencia de xénero e garantir que o servizo 016 de atención as mulleres estará operativo e con medios reais durante



Padrón

Concello de Padrón

CIF P1506600D

Rúa Longa, 27

15900 Padrón, A Coruña

correo@concellodepadron.es

www.concellodepadron.es

Tf: 981 81 04 51

Fax: 981 81 15 50

todos os días do ano as 24 horas do día.

2. Trasladar este acordo ao presidente da Xunta de Galiza e ao do Goberno do Estado.>>

Aberta a quenda de debate prodúcense as seguintes intervencións de xeito resumido:

Sr. Santaló Ríos. Explica que é un tema por todos coñecido pero coas figuras que se adoptaron ata o momento a realidade é que todos os días hai casos e esto apura a tomar decisións, unhas ou outras, e que estas son as que propón o BNG, entre elas, introducir o término de feminicidio e iniciar os traballos para desenvolver o estatuto de vítimas do feminicidio e aí se desenvolverían todos estes aspectos. Que non será a panacea pero que, cando menos, deixar constancia e poñer no ámbito lexislativo novas ferramentas para atallar ou polo menos limitar esta sangría. Que se trata de tomar posición fronte un problema.

Sr. Alcalde. Di que na moción estase instando unha regulación específica do feminicidio e hai uns Tribunais específicos de violencia de xénero e que a violencia de xénero non se debe de admitir en ningún caso, nin para home nin para a muller.

Sr. Santaló Ríos. Explica que o poñen para desenvolver o estatuto de vítima que aínda non está regulado e sería unha figura a regular co debido consenso parlamentario.

Sr. Alcalde. Pensa que o lugar axeitado para debatir esta moción é o Parlamento.

Sr. Santaló Ríos. Contesta que si e que evidentemente alí se aprobará, que só están instando a que o fagan.

Sr. Rodríguez Carbia. Di que é un problema que vai crescendo e que a normativa non é capaz de correxir e que, dende o seu punto de vista, considera que é un problema educativo e social e é un problema de que aínda pervive unha sociedade primitiva, onde moitas das persoas son tratados como obxectos. Pensa que a política que se está seguindo no ámbito de prevención non é a máis axeitada e que ao mellor hai que dar un xiro de 180 graos e que iso o ten que facer o Parlamento de Galicia no que atañe ao ámbito galego e o Parlamento do Congreso dos Deputados no que atañe ao ámbito estatal e darse de conta que os índices de mortalidade por asasinatos de violencia de xénero, en vez de estar diminuindo, están aumentando. Non pensa que se poida achacar a problemas económicos, que a crise pode evidentemente afectar, pero parécelle que é un problema educativo posto que aí é onde radica o problema de mentalidades e dunha sociedade fortemente tradicional. Polo tanto pensa que todo o mecanismo da Lei que está en vigor contra a violencia de xénero, é insuficiente. Que está de acordo en que é necesario que grupos de profesionais colaboren na redacción dunha nova normativa que intente paliar este tipo de acontecementos.

Sra. Rey Pazos. Pensa que quizás o Parlamento é onde se debe votar isto. Pero tamén pensa que a regulación é insuficiente e quizáis o que máis lle preocupa é o maltrato que está habendo entre a xente xoven e que acepten actitudes de maltrato. Que obviamente o gravísimo é o homicidio, o asasinato, pero hai un foco que pensa que non se está mirando o suficiente por el que é a educación dos rapaces para que despois non teñamos eses finais trágicos.

Sr. Forján Seoane. Di que está de acordo co que se está dicindo e que non pode ser que exista ese número de mulleres asasinadas e que non sexamos capaces de reducir e que, como di a señora Rey Pazos, entende que hai que incidir na escola.

Sr. Alcalde. Entende que é un problema social e que todos o condenan e que o único que están debatindo da moción é introducir o termo feminicidio e iniciar os traballos para desenvolver o Estatuto da Vítima de Feminicidio, que se está conceptualizando xa e lexislando, decíndolle ao Parlamento o que ten que facer. Reitera que todos están de acordo, pero non crear termos novos, figuras novas. Di que si se retira o termo feminicidio estarían de acordo.

Sr. Santaló Ríos. Contesta que é a esencia da moción.

Sr. Alcalde. Di que entón se vota e que eles se absterán polo que acaba de explicar.

Non habendo máis intervencións, o Presidente somete a moción a votación ordinaria, producíndose o seguinte resultado:

VOTOS A FAVOR: Sete (7), emitidos polos concelleiros do PGD, señores Rodríguez Conde e Guillán Iglesias, polos concelleiros do PSdeG-PSOE, señores Forján Seoane e Piñeiro Otero, polo concelleiro de AxP, señor González Pardal, polo concelleiro do BNG, señor Santaló Ríos, e polo concelleiro da CIPa, señor Rodríguez Carbia.

VOTOS EN CONTRA: Ningún.

ABSTENCIÓNS: Cinco (5), emitidas pola concelleira e polos concelleiros do PP, señora Couso Dopazo e señores Fernández Angueira, Pardo Andrade e Sanmarco Santos e pola concelleira de Veciños de Padrón, señora Rey Pazos.

Verificado o cómputo da votación, o Pleno da Corporación Municipal adopta, por maioría, o seguinte acordo:

1. Instar á Xunta de Galiza a trasladar ao goberno do Estado a necesidade de modificar a Lei Orgánica 1/2004, de 28 de decembro, de Medidas de Protección Integral contra a Violencia de Xénero, introducindo o termo Feminicidio e iniciar os traballos para desenvolver o Estatuto de Vítima de Feminicidio.

Introducir, así mesmo, na citada modificación a acreditación da situación de violencia machista, recollendo certificación da orde de protección ou da medida cautelar, ou documento acreditativo da propia orde de protección ou da medida cautelar, sentenza de calquera orde xurisdiccional que declare que a muller sufriu violencia en calquera das modalidades definidas nesta lei. Tamén a certificación ou informe dos servizos sanitarios e/ou sanitarios e certificación dos servizos de acollida da Xunta de Galiza ou do concello. Informe da Inspección de Traballo e da Seguridade Social e calquera outra que se estableza regulamentariamente.

Así mesmo, a iniciar os traballos para modificar da Lei galega 11/2007, do 27 de xullo, para a prevención e tratamento integral da violencia de xénero para incorporar a regulación do Feminicidio e o estatuto de protección das vítimas do feminicidio.

Finalmente, instar á Xunta de Galiza a mellorar os servizos de atención psicolóxica, información, inserción laboral recollidos na Lei galega 11/2007, do 27 de xullo, para a prevención e tratamento integral da violencia de xénero e garantir que o servizo 016 de atención as mulleres estará operativo e con medios reais durante todos os días do ano as 24 horas do día.

2. Trasladar este acordo ao presidente da Xunta de Galiza e ao do Goberno do Estado.

TERCEIRA MOCIÓN DE URXENCIA. PRESENTADA POLO GRUPO POLÍTICO MUNICIPAL DO BNG SOBRE DESEMPREGO E EMIGRACIÓN INFANTIL.

Sr. Santaló Ríos. Xustifica a urxencia desta moción con dous datos: que segundo a enquisa de Poboación Activa (EPA), actualmente na Galiza hai un 55,8% da poboación moza no paro e que emigraron e están emigrando 30.154 persoas ao ano, é dicir que se está perdendo poboación activa capacitada e que hai que intentar paralo na medida das posibilidades.

Seguidamente o Presidente somete a votación ordinaria a urxencia desta moción, producíndose o seguinte resultado:

VOTOS A FAVOR: Oito (8), emitidos polos concelleiros do PGD, señores Rodríguez Conde e Guillán Iglesias, polos concelleiros do PSdeG-PSOE, señores Forján Seoane e Piñeiro Otero, pola concelleira de Veciños de Padrón, señora Rey Pazos, polo concelleiro de AxP, señor González Pardal, polo concelleiro do BNG, señor Santaló Ríos, e polo concelleiro da CIPa, señor Rodríguez Carbia.

VOTOS EN CONTRA: Ningún.

ABSTENCIÓNS: Catro (4), emitidas pola concelleira e polos concelleiros do PP, señora Couso Dopazo e



Padrón

Concello de Padrón

CIF P1506600D

Rúa Longa, 27

15900 Padrón, A Coruña

correo@concellodepadron.es

www.concellodepadron.es

Tf: 981 81 04 51

Fax: 981 81 15 50

señores Fernández Angueira, Pardo Andrade e Sanmarco Santos.

Verificado o cómputo da votación, o Pleno da Corporación, por maioría absoluta, acorda ratificar a urxencia da moción.

Sr. Santaló Rios. Procede a dar lectura ao texto da moción que di:

<<O grupo municipal do Bloque Nacionalista Galego, a iniciativa da súa portavocía e ao abeiro do Regulamento orgánico municipal, presenta a seguinte moción para o seu debate en Pleno, relativa á

Posta en marcha de medidas dirixidas á creación de emprego digno na comarca para a mocidade.

Nos últimos anos vivimos a dramática situación da precariedade laboral, desemprego e emigración xuvenil da mocidade galega. Segundo os últimos datos publicados polo Instituto Galego de Estatística (IGE) e a Enquisa de Poboación Activa (EPA), actualmente na Galiza o 55,8% das persoas mozas non teñen traballo, case o 60% dos contratos á mocidade son de carácter temporal, con contratos por días e mesmo por horas (no 1º trimestre do 2015 había 3.500 persoas con contrato temporal dun só día, un 133% máis que no 1º trimestre de 2010). En 2014 emigraron da Galiza 30.154 persoas, 4 de cada 10 tiñan entre 16 e 34 anos. A emigración na Galiza desde 2009 (ano da chegada ao goberno de Núñez Feijóo) suma máis de 147.200 persoas que marcharon, a maioría delas son mozas. Mentres, a poboación galega traballa máis horas ao mes que a media española, mais os salarios na Galiza caeron en setembro un 2,2%, mentres en España soben.

As mulleres galegas, e en maior medida as mozas, padecen taxas máis elevadas de temporalidade e precariedade, con salarios máis baixos por igual ou máis traballo.

Ademais, as sucesivas reformas laborais dos gobernos españois consolidaron o traballo temporal, a esmola por salario e contratos en prácticas até o 30 anos, facendo que a nasa mocidade estea na práctica pagando por poder traballar.

Ao abeiro destes datos, faise necesario, polo tanto, unha aposta rigorosa para o fomento do emprego digno destinado á mocidade, que posibilite condicións favorábeis para a creación de postos de traballo, co obxectivo de evitar a fuga de persoas novas e posibilitar o regreso da mocidade emigrada nos últimos anos.

Por estes motivos, o grupo municipal do Bloque Nacionalista Galego presenta a consideración do Pleno as seguintes propostas:

ACORDO

Posta en marcha de medidas dirixidas á creación de emprego digno na comarca para a mocidade que contemple as seguintes medidas:

- Impulsar a creación dunha rede municipal e/ou comarcal de empregabilidade para xente moza. Coordinación co Servizo Público de Emprego na xestión das ofertas de traballo, evitando que sexan as ETT's as que xestionen a oferta laboral.

- Potenciar as industrias vinculadas á lingua e cultura nacionais, que ademais de ser os valores máis representativos da nosa identidade nacional, crean valor engadido e polo tanto emprego xa que veñen dando mostras nos últimos anos dun grande dinamismo. A convocatoria de premios, bolsas e certames son instrumentos que se poden empregar para isto.

- Levar a cabo a creación de bolsas destinadas a titulad@s superiores, para executar proxectos de especialización, exportación e innovación da economía local.

- Apoiar proxectos emprendedores de xente moza a través do acompañamento do desenvolvemento desde o inicio, creando espazos gratuitos de *coworking* para a mocidade, onde convivan diversas culturas profesionais coas que obter sinerxias.

- Crear un servizo de seguimento da mocidade desempregada, coa finalidade de garantir e procurar a súa introdución no emprego.

- Actuación dos concellos na liña de dar saldas laborais acadas á realidade socioeconómica, garantindo o mantemento da poboación en espazos rurais.>>

Aberta a quenda de debate prodúcense as seguintes intervencións de xeito resumido:

Sr. Santaló Ríos. Entende que todos son conscientes destes datos e desde que está Núñez Feijóo, quen se vanagloria de facer unha xestión magnífica, 147.200 persoas, segundo os datos do INE, abandonaron o país e a maior parte delas é xente nova, por falta de expectativas, de futuro, de traballo. Que o seu grupo propón unha serie de medidas, de algunhas delas xa teñen falado no Pleno como as educativas, que se fagan ciclos educativos en relación coas industrias da comarca e que se impulsen programas para intentar crear emprego aproveitando o ámbito comarcal de Terras de Liria. Que son medidas coas que supón que todo o mundo estará de acordo pola súa necesidade posto que se está marchando xente cualificada, xente nova, a onde se lle ofrecen oportunidades que aquí non teñen. Trátase de que xa que se fai Terras de Liria para desenvolver determinados proxectos, que se faga un Terras de Liria cunha finalidade específica de emprego.

Sr. Alcalde. Di que están de acordo pero que o grupo do señor Santaló Ríos sempre intenta introducir dalgunha maneira a cuña e así cando di "potenciar as industrias vinculadas á lingua e cultura nacionais" el entende que terán que potenciar todas as industrias.

Sr. Santaló Ríos. Contesta que esta é unha das propostas, que se está focalizando só nunha.

Sr. Alcalde. Volve ler: "potenciar as industrias vinculadas á lingua e cultura nacionais" e pregúntalle a que se refire con nacionais.

Sr. Santaló Ríos. Contesta que está claro: da nación.

Sr. Rodríguez Carbia. Di que o seu grupo está de acordo co espírito da moción e son conscientes que son competencias do Parlamento de Galicia pero os Concellos tamén teñen algo que dicir como parte importante da vertebración do territorio. Que nunha poboación de escasamente 2,5 millóns de habitantes que hai en Galicia o paro vai en aumento e non se están tomando as medidas adecuadas para parar a sangría que se está producindo en todos os aspectos, é dicir, na falta de oportunidades da xuventude e no tema da xente preparada. Que no caso concreto de Padrón, un municipio con oito mil e pouco habitantes, estase percibindo a perda de poboación, estanse pechando comercios, non se está abrindo e se están destruindo postos de traballo e cada vez vemos que o paro vai en aumento e hai unha poboación volátil, ata 1.000 habitantes, que son potenciais parados. Que debería cambiarse a formación profesional e debería centrarse no que é o sector industrial do aluminio e aínda hai ciclos de electricidade e administrativo, pero non un ciclo de calderería ou soldadura e entende que dende o propio Concello pódese facer algo máis. Que se pode comprobar que a meirande parte dos traballadores das empresas de aluminio son de Concellos como Rianxo, Boiro, A Pobra, pero que non son de Padrón e aí é onde a acción do Concello ten que ser importante e buscar oportunidades para esa bolsa de parados que non teñen oportunidade de incorporarse ao mundo laboral tendo industrias no propio Municipio. Que isto preocúpalle moito e non quere dicir que sexa só unha responsabilidade do goberno local, é unha responsabilidade de toda a Corporación porque é un problema prioritario nestes momentos. Que hoxe en día non se trata de crear emigrantes senón de que a xente permaneza nos seus municipios, que queira traballar nos seus municipios, que é unha maneira de atraer poboación. Engade que a política conservadora que está facendo o PP da Xunta de Galicia a nivel de Galicia e a nivel estatal entra en contradición coa política que está seguindo o goberno conservador de Merkel en Alemaña porque crearon polígonos industriais ao redor de pequenas poboacións e impiden con elo que esa poboación marche cara as grandes cidades, conservan a poboación nos municipios rurais e iso é o que hai que facer, que non se ven os brotes verdes e que hai que cambiar o tipo de política neoliberal que se está levando a cabo.

Sr. Rodríguez Conde. Di que están de acordo coa moción e co que acaba de expoñer o señor Rodríguez Carbia.

Sra. Rey Pazos. Di que están de acordo.



Padrón

Concello de Padrón

CIF P1506600D

Rúa Longa, 27

15900 Padrón, A Coruña

correo@concellodepadron.es

www.concellodepadron.es

Tel: 981 81 04 51

Fax: 981 81 15 50

Sr. González Pardal. Di que están de acordo e pregunta si o Concello ten constancia de que existen programas de garantía xuvenil a través da Consellería de Traballo.

Sr. Alcalde. Contesta que dende a anterior lexislatura cambiouse a orientación da solicitude dos cursos e de feito o que se está a realizar agora mesmo con Dodro e Rois é de carretileiro, ponte-grúa, elevador, pintura e lacado de aluminio, é dicir, orientado ao que é a comarca. Pero tamén di que non pode obrigar aos empresarios a que contraten só xente de Padrón.

Sr. González Pardal. Di que lle gustaría que o Concello de Padrón puidera estar dentro destes programas e que os xoves fagan as prácticas e que, a través de convenios, poidan traballar con esas empresas.

Sr. Alcalde. Explica que hai eses convenios para enxeñeiros de camiños, pero que neste caso o Concello teríalle que pagar 1.000 euros ao mes.

Sr. González Pardal. Di que descoñece as cantidades, pero que estivo mirando a páxina da Consellería de Traballo e que non lle consta que o Concello de Padrón esté dentro destes programas de garantía xuvenil.

Sr. Forján Seoane. Di que é un problema suficientemente importante para que non se faga debate político sobre él.

Sr. Alcalde. Pensa o mesmo e que o da lingua galega era anecdótico.

Non habendo máis intervencións, o Presidente somete a moción a votación ordinaria, resultando aprobada por unanimidade das Concelleiras e dos Concelleiros presentes (12), polo que o Pleno da Corporación Municipal adopta o seguinte acordo:

Posta en marcha de medidas dirixidas á creación de emprego digno na comarca para a mocidade que contemple as seguintes medidas:

- Impulsar a creación dunha rede municipal e/ou comarcal de empregabilidade para xente moza. Coordinación co Servizo Público de Emprego na xestión das ofertas de traballo, evitando que sexan as ETT's as que xestionen a oferta laboral.

- Potenciar as industrias vinculadas á lingua e cultura nacionais, que ademais de ser os valores máis representativos da nasa identidade nacional, crean valor engadido e polo tanto emprego xa que veñen dando mostras nos últimos anos dun grande dinamismo. A convocatoria de premios, bolsas e certames son instrumentos que se poden empregar para isto.

- Levar a cabo a creación de bolsas destinadas a titulad@s superiores, para executar proxectos de especialización, exportación e innovación da economía local.

- Apoiar proxectos emprendedores de xente moza a través do acompañamento do desenvolvemento desde o inicio, creando espazos gratuitos de *coworking* para a mocidade, onde convivan diversas culturas profesionais coas que obter sinerxias.

- Crear un servizo de seguimento da mocidade desempregada, coa finalidade de garantir e procurar a súa introdución no emprego.

- Actuación dos concellos na liña de dar saldas laborais acadas á realidade socioeconómica, garantindo o mantemento da poboación en espazos rurais.

CUARTA MOCIÓN DE URXENCIA. PRESENTADA POLOS GRUPOS POLÍTICOS MUNICIPAIS DO PGD, PSdG-PSOE, AxP, BNG E CIPa SOBRE DOCUMENTACIÓN PARA A ADXUDICACIÓN DO SERVIZO DE ALUMBRADO PÚBLICO.

Sr. Forján Seoane. Explica que é a urxencia ven motivada polos reparos ás facturas porque se contrata continuamente coas mesmas empresas.

Seguidamente o Presidente somete a votación ordinaria a urxencia desta moción, resultando aprobada por unanimidade das Concelleiras e dos Concelleiros presentes (12), polo que o Pleno da Corporación acorda ratificar a súa urxencia.

Sr. Forján Seoane. Procede á lectura do texto da moción que di:

<<Desde fai tempo, varios anos, véñense aprobando facturas e gastos reparados suspensivamente pola intervención municipal, entre outros, facturas por reparación de alumeadado público das empresas Roo Montajes Eléctricos S.L. e Roomel Service S.L..

No mandato do goberno anterior ao seu, encargárase un estudo dos puntos de luz e luminarias existentes no concello, coa intención de sacar a concurso o mantemento do alumeadado público. Transcorridos máis de catro anos do seu goberno, con vd. como alcalde, non fixo nada máis que providencias levantando os reparos suspensivos de intervención a estas e outras facturas e gastos, deixando esquecido nun caixón o estudo citado anteriormente, estudo que lle fora entregado en man polo anterior alcalde.

Por todo o exposto, os concelleiros dos grupos municipais: Socialista, Galeguista e Mixto (AxP, BNG, CIPa), someten á consideración do Pleno Municipal a presente MOCIÓN, solicitando a adopción do seguinte ACORDO:

Que a finais do mes de febreiro se presente, aos concelleiros que firman esta moción, a documentación necesaria para proceder á adxudicación mediante concurso do servizo de mantemento do alumeadado público.>>

Aberta a quenda de debate prodúcense as seguintes intervencións de xeito resumido:

Sr. Alcalde. Di que é un tema do que xa se ten falado moitas veces e que é verdade que o hai que sacar a concurso, pero hai unha serie de concursos que cree que priman antes que este, como o da piscina, contrato de lixo, gardería municipal. Non obstante, están de acordo coa moción.

Sr. Rodríguez Carbia. Di que o goberno sabe e o saben todos que o Concello de Padrón está acollido a un plan de pago a provedores e que trimestralmente hai que presentar un informe dese plan e que se acompaña dos informes de reparo suspensivos da intervención porque hai un contrato vencido e hai que regularizar a situación e que é prioritario e ao mellor habería que ir pensando nunha consultoría externa e non ter bloqueado a secretaría e a intervención. Pregúntase de que cantidade se pode dispoñer para sacar a licitación todos os contratos que están ilegais.

Sr. Alcalde. Puntualiza que son irregulares porque si foran ilegais serían ilegais co señor Rodríguez Carbia e co seu goberno.

Sr. Rodríguez Carbia. Contesta que se dá a circunstancia de que si cando eles gobernaban tiñan catro reparos lo señor Alcalde actual ten dezaioito. Que os veciños de Padrón votaron para solventar esa situación e en vez de solventala a emperora. Entende que si o señor Alcalde ten a vontade política de facelo van apoiálo.

Sr. Santaló Ríos. Di que os grupos da oposición coinciden en que é prioritario posto que a factura da luz é unha das máis importantes do Concello.

Sr. Alcalde. Di que aquí estase falando doutra cousa.

Sr. Santaló Ríos. Di que si pero que afecta ao funcionamento do servizo e que algo se ten que facer e reitera as palabras do señor Rodríguez Carbia de que si ten vontade de facelo van apoiálo. Reitera que algo teñen que facer porque senón van chegar ao final da lexislatura coa mesma situación.

Sr. Rodríguez Conde. Lembra que dun tempo para aquí todos os grupos veñen presentando mocions ao



Padrón

Concello de Padrón

CIF P1506600D

Rúa Longa, 27

15900 Padrón, A Coruña

correo@concellodepadron.es

www.concellodepadron.es

Tfí: 981 81 04 51

Fax: 981 81 15 50

respecto do mantemento do alumeadado público de Padrón porque é un desastre. Que no ano 2012-2013 o coste do alumbrado público para o Concello era 120.000 euros, e no 2015 pasouse a 180.000 euros.

Sr. Alcalde. Pídelle que non engane a cidadanía e que explique en que consisten esos 180.000 euros.

Sr. Rodríguez Conde. Expón que vai dar uns exemplos de concellos que teñen a concesión feita ao día, é dicir, con contrato vixente: Teo ten máis de 7.000 luminarias e paga ao ano de mantemento 90.000 euros; Brión ten máis de 3.000 luminarias e paga ao ano 45.000 euros; Padrón ten máis de 4.000 luminarias e paga ao ano 180.000 euros.

Sr. Alcalde. Contesta que non pagan iso.

Sr. Rodríguez Conde. Pídelle ao señor Alcalde que o deixe acabar. Explica que cando se trae unha moción a aprobar e a debater, terase que cumprir e non só ter boas intencións e que si no Pleno se marca que a finais de febreiro debe presentarse a documentación necesaria para poder sacar a concurso o servizo, terá que traela, que por iso se aproba.

Sr. Alcalde. Contesta que se aproba a moción e que se intentará facela en prazo. Explica que os 180.000 euros refírense ao orzamento do ano 2014 que está prorrogado que non quere dicir que se vaian gastar 180.000 euros en mantemento, que se van gastar aproximadamente uns 70.000 euros, que o resto referíase a unha subvención que deron a Padrón, Rois e Dodro de 110.000 euros, no que o Director do Plan era Padrón e eses 110.000 euros eran para pagar a subvención de aforro enerxético, que non tiña nada que ver co mantemento.

Sr. Rodríguez Conde. Replica que esa é a palabra do señor Alcalde.

Sr. Alcalde. Pregunta á señora Interventora si é así.

Sra. Varela Bermúdez. Contesta que se queren pode dar para o próximo pleno o que se leva gastado este ano de mantemento.

Sr. Alcalde. Di que deste ano e dos de atrás.

Sra. Rey Pazos. Explica que recolleu os datos das actas da Xunta de Goberno Local: aprobado en abril 18.990 euros, en maio 10.496 euros e outra, que non tiña mes, de 4.137 euros, que en total suman 33.625,08 euros o que non lle parece pouco. Pregunta aos outros membros da oposición se a liña que van seguir si gobernan vai ser a que se expón na moción.

Sr. Alcalde. Di que se sente ofendido e pregunta si van convocar eleccións.

Sra. Rey Pazos. Contesta que o problema é que moitas veces, corta e non deixan acabar. Que na moción dise "se presente, aos concelleiros que firman esta moción, a documentación..." e entón así non pode aprobala.

Sr. Forján Seoane. Di que cando se negociou esta moción a señora Rey Pazos estivo presente.

Sra. Rey Pazos. Contesta que non, que nesta non.

Sr. Forján Seoane. Replica que si.

Sra. Rey Pazos. Reitera que non e solicita que conste en acta que ela non estivo presente.

Sr. Forján Seoane. Explica que varios grupos asinan esta moción e piden unha documentación e pregunta onde está o problema.

Sra. Rey Pazos. Contesta que na moción pídese que se entregue só aos que asinan e non a ela. Engade que se quedou sen o título de defensora da legalidade.

Sr. Alcalde. Di que defensores da legalidade son todos.

Sra. Rey Pazos. Lembra que o señor Alcalde declarouno así en prensa.

Sr. Alcalde. Corrixe que era "adaliid da legalidade" e que non lembra que nota era pero que seguro que tiña razón.

Sra. Rey Pazos. Continúa dicindo que, obviamente, están de acordo en que se saque a licitación e que creen que é un servizo onde se gasta e se van os cartos e que xa propuxeron con anterioridade a revisión da potencia enerxética.

Sr. Alcalde. Di que ese é un tema totalmente distinto.

Sr. González Pardal. Di que están totalmente de acordo con isto pero que tamén recorda o da piscina que é importante pero non é fundamental para un Municipio con estos habitantes aínda que tamén hai que solucionalo e pensa que o tema do concurso das luminarias é necesario e que se puido facer antes.

Sr. Alcalde. Di que el si pensa que a piscina é un tema prioritario e que por iso se celebrou un pleno extraordinario.

Sr. González Pardal. Contesta que está de acordo.

Sr. Forján Seoane. Explica que as facturas da empresa que están comentando nada teñen que ver co gasto en enerxía eléctrica, que aquí están a falar do gasto de mantemento do sistema do tendido eléctrico e das luminarias. Que as facturas oscilan dun mes a outro porque van en función das avarías que se produzan e engade que, como xa dillo máis veces, que cando estiveron no goberno con outro grupo si se preocuparon por sacar isto a concurso pero non lle dou tempo, e que ese traballo feito, que era un estudo das luminarias, pasoullo ao actual Alcalde o día que tomou posesión.

Sr. Alcalde. Contesta que si pero que está desfasado.

Sr. Forján Seoane. Replica que evidentemente ten que estar desfasado porque é de hai cinco anos, pero quere dicir que si se estaba traballando na liña de sacar a concurso o mantemento do sistema eléctrico. Recórdalle, como dixo o señor Alcalde, que tamén está o contrato da gardería que rematou o contrato o 2 de xaneiro do ano 2012 e que tamén se referiu ao tema do lixo que tamén é moi importante xa que se fixo un contrato por tres meses e 60.000 euros e lévanse pagado entornao aos 500.000 euros. Que entón non poden estarse excusando durante cinco anos en que os servizos non dan feito, que haberá que buscar alternativas porque pode ter incluso consecuencias legais e que os grupos da oposición están en disposición de brindarlle a súa colaboración para sacar estes temas adiante porque son temas importantes non para os grupos senón para a cidadanía.

Sr. Alcalde. Contesta que se trouxeron os pregos de lixo ao Pleno e votaron en contra.

Sr. González Pardal. Di que si estaban mal.

Sr. Alcalde. Dille ao señor González Pardal que non era membro da Corporación ese día e que non sabe si os leeu.

Sr. Forján Seoane. Replica que el si era membro da Corporación e, senón recorda mal, naquel momento o Partido Popular tiña maioría absoluta.

Sr. Alcalde. Contesta que xa non.

Sr. Forján Seoane. Precisa que foron elaborados por un goberno que tiña maioría absoluta e pide ao señor Alcalde que non responsabilice aos que non teñen nada que ver con ese tema.

Non habendo máis intervencións, o Presidente somete a moción a votación ordinaria, resultando aprobada por



Padrón

Concello de Padrón

CIF P1506600D

Rúa Longa, 27

15900 Padrón, A Coruña

correo@concellodepadron.es

www.concellodepadron.es

Tfí: 981 81 04 51

Fax: 981 81 15 50

unanimidade das Concelleiras e dos Concelleiros presentes (12), polo que o Pleno da Corporación Municipal adopta o seguinte acordo:

Que a finais do mes de febreiro se presente, aos concelleiros que firman esta moción, a documentación necesaria para proceder á adxudicación mediante concurso do servizo de mantemento do alumeadado público.

QUINTA MOCIÓN DE URXENCIA. PRESENTADA POLO GRUPO POLÍTICO MUNICIPAL DO PSdG-PSOE SOBRE ESTADO TRAMITACIÓN PLANS ESPECIAIS E PXOM.

Sr. Forján Seoane. Explica que a urxencia ven motivada porque no pleno do 28 de agosto de 2014 adoptouse un acordo por unanimidade e incumpríuse polo grupo de goberno.

Seguidamente o Presidente somete a votación ordinaria a urxencia desta moción, resultando aprobada por unanimidade das Concelleiras e dos Concelleiros presentes (12), polo que o Pleno da Corporación Municipal acorda ratificar a súa urxencia.

Sr. Forján Seoane. Procede a expoñer o texto da moción que di:

<<No pleno ordinario celebrado o 28.08.14, acordouse, a proposta do Grupo Municipal Socialista, instar ao Goberno Municipal a explicar a situación actual de tramitación dos Plan Especiais e Plan Xeral de Urbanismo e convocar unha comisión informativa en decembro de 2014 e outra en abril de 2015, con asistencia de técnicos redactores dos mesmos.

A proposta foi aprobada por unanimidade, despois o grupo de goberno, como ven sendo habitual, incumpriu o acordo adoptado en pleno.

Levan cinco anos no goberno e tan solo convocaron unha reunión, forzados polo pleno, para informar da tramitación dos expedientes dos plans especiais e do plan xeral.

Transcorrido un ano, sen información da tramitación dos Plans Especiais e Plan Xeral de Ordenación Municipal, é polo que volvemos a insistir na necesidade de información sobre a tramitación dos mesmos e cumprimento dos prazos das distintas fases de execución.

Por todo isto, o Grupo Municipal Socialista no concello de Padrón somete a votación a seguinte MOCIÓN na que se insta ao alcalde a:

Convocar, antes de finalizar o ano 2015, unha Comisión Informativa para dar a coñecer a situación da tramitación dos Plan Especiais e Plan Xeral de Ordenación Municipal.>>

Aberta a quenda de debate prodúcense as seguintes intervencións de xeito resumido:

Sr. Forján Seoane. Explica que por Resolución de 1 de xuño de 2010 e outra Resolución de 17 de xuño de 2010, é dicir fai 5 anos, aprobáronse dúas subvencións tramitadas por outro goberno para a modificación do Plan Xeral e a elaboración dos Plans Especiais, que fai anos que tiñan que estar feitos e non están e que o tema é que durante eses 5 anos non houbo información ningunha á Corporación nin aos veciños. Que o que se pedía no Pleno de 28 de agosto de 2014 era que se convocara unha comisión informativa en decembro de 2014 e outra en abril do 2015 e ese acordo incumpríuse e por iso e porque consideran que é importante saber en que estado se atopa a tramitación da modificación do Plan Xeral de Ordenación Municipal e os plans especiais do casco histórico de Padrón e de Iria Flavia, é polo que piden agora que se convoque outra comisión informativa, a ser posible coa asistencia dos técnicos, para o mes de decembro o que non impide que no ano 2016 se sigan convocando outras comisións para informar da marcha dos traballos.

Sr. Forján Seoane. Di que está de acordo e que a comisión de 2014 si que se fixo.

Non habendo máis intervencións, o Presidente somete a moción a votación ordinaria, resultando aprobada por

unanimidade das Concelleiras e dos Concelleiros presentes (12), polo que o Pleno da Corporación Municipal adopta o seguinte acordo:

Convocar, antes de finalizar o ano 2015, unha Comisión Informativa para dar a coñecer a situación da tramitación dos Plan Especiais e Plan Xeral de Ordenación Municipal.

SEXTA MOCIÓN DE URXENCIA. PRESENTADA POLO GRUPO POLÍTICO MUNICIPAL DO PSdG-PSOE SOBRE O PERIGO DOS POSTES DE ALUMBRADO PÚBLICO NUNHA PISTA EN EXTRAMUNDI DE ABAIXO.

Sr. Forján Seoane. Explica que a urxencia da moción ven motivada porque en Extramundi reparouse un muro que supuxo retranqueo e agora varios postes quedan no medio da pista sen sinalización algunha ata que se esnafre alguén.

Seguidamente o Presidente somete a votación ordinaria a urxencia desta moción, resultando aprobada por unanimidade das Concelleiras e dos Concelleiros presentes (12), polo que o Pleno da Corporación Municipal acorda ratificar a súa urxencia.

Sr. Forján Seoane. Procede a expoñer o texto da moción que di:

<<Recentemente construeuse un muro de peche nunha pista en Extramundi, o que fixo que varios postes do alumbeado público quedaran no medio da pista.

A situación destes postes é un perigo para a circulación de vehículos, motos, bicicletas, xa que agora quedan no medio da calzada e non están sinalizados.

Polo exposto, someteremos a aprobación do Pleno a seguinte proposta:

Retirada dos postes do alumbeado público, que están no medio da pista, a un lateral onde non sexan motivo de perigo para a circulación.>>

Aberta a quenda de debate prodúcense as seguintes intervencións de xeito resumido:

Sr. Forján Seoane. Explica que a proposta é para que se retranqueen eses postes que están no medio da calzada e que están en algo de curva e son un perigo.

Sr. Pardo Andrade. Contesta que esa obra foi rematada esta semana ou a pasada.

Sr. Forján Seoane. Replica que xa se pode matar unha persoa esta noite e pide que actúen.

Non habendo máis intervencións, o Presidente somete a moción a votación ordinaria, resultando aprobada por unanimidade das Concelleiras e dos Concelleiros presentes (12), polo que o Pleno da Corporación Municipal adopta o seguinte acordo:

Retirada dos postes do alumbeado público, que están no medio da pista, a un lateral onde non sexan motivo de perigo para a circulación.

SEPTIMA MOCIÓN DE URXENCIA. PRESENTADA POLO GRUPO POLÍTICO MUNICIPAL DO PSdG-PSOE SOBRE O ABANDONO E DETERIORO DOS EDIFICIOS DO CASCO URBANO E DA ZONA RURAL.

Sr. Forján Seoane. Explica que a urxencia ven motivada polo deterioro constante e progresivo que están tendo as edificacións do casco urbano e tamén nas aldeas, pero que se centrará no casco urbano con caída de edificios, edificios vendados con telas negras ou verdes e todas as cores, e edificios polos que incluso saen árbores polas ventanas.



Padrón

Concello de Padrón

CIF P1506600D

Rúa Longa, 27

15900 Padrón, A Coruña

correo@concellodepadron.es

www.concellodepadron.es

Tfí: 981 81 04 51

Fax: 981 81 15 50

Seguidamente o Presidente somete a votación ordinaria a urxencia desta moción, producíndose o seguinte resultado:

VOTOS A FAVOR: Oito (8), emitidos polos concelleiros do PGD, señores Rodríguez Conde e Guillán Iglesias, polos concelleiros do PSdeG-PSOE, señores Forján Seoane e Piñeiro Otero, pola concelleira de Veciños de Padrón, señora Rey Pazos, polo concelleiro de AxP, señor González Pardal, polo concelleiro do BNG, señor Santaló Ríos, e polo concelleiro da CIPa, señor Rodríguez Carbia.

VOTOS EN CONTRA: Ningún.

ABSTENCIÓNS: Catro (4), emitidas pola concelleira e polos concelleiros do PP, señora Couso Dopazo e señores Fernández Angueira, Pardo Andrade e Sanmarco Santos.

Verificado o cómputo da votación, o Pleno da Corporación, por maioría absoluta, acorda ratificar a urxencia da moción.

Sr. Forján Seoane. Procede a expoñer o texto da moción que di:

<<Desde fai tempo o casco urbano de Padrón estase degradando, que desde o goberno municipal do PP se adopte ningunha decisión/solución para evitalo.

Vemos como o número casas que ou amenazan aumenta ano a ano, incluso como se van desmoronando, e todo diante da pasividade dun goberno inactivo, incapaz de tomar decisións para conter esta degradación continua.

A imaxe que ofrecemos, non é a mellor, nin para os que nos visitan nin para aqueles que pretendan establecerse no noso pobo.

Polo exposto, sometemos a aprobación do Pleno a seguinte proposta:

Adopción de medidas para evitar a continua degradación dos edificios do casco histórico e impulsar a rehabilitación dos citados edificios, cumprindo e facendo cumprir as ordenanzas municipais.>>

Aberta a quenda de debate prodúcense as seguintes intervencións de xeito resumido:

Sr. Forján Seoane. Explica que todas as rúas están retratadas na proposta e entende que o goberno non está facendo nada nin está aplicando as ordenanzas. Lembra que no goberno anterior con algún deses edificios xa había un acordo para presentar un proxecto e nestos cinco anos o edificio non só non millorou senón que cada vez está máis deteriorado.

Sr. Alcalde. Pregunta ao señor Forján Seoane a que edificio se refire e si tiña algún acordo con algún propietario para facer algún edificio.

Sr. Forján Seoane. Contesta que con respecto ao edificio que está na esquina fíxose a modificación da ficha 28 do catálogo e presentouse exactamente como propuxeron os propietarios no proxecto pero non fixeron nada e o edificio caeu e agora saberá o señor Alcalde como está.

Sr. Alcalde. Explica que a ficha se modificou para 2,50 e que o propietario quere 2,80 e están con requerimentos.

Sr. Forján Seoane. Réplica que eles modificaron tal e como presentaron os propietarios.

Sr. Alcalde. Contesta que o señor Forján Seoane sabe, coma el, que o propietario di que presentou a proposta de modificación equivocada.

Sr. Rodríguez Carbia. Di que eles levaron a pleno a modificación que trouxo o propietario, tramitouse na Xunta, aprobouse a modificación no pleno e unha vez aprobado dixo que non lle valía, que quería facer

outra modificación.

Sr. Forján Seoane. Insiste en que o edificio se deteriora ano a ano e non ven que o goberno faga ningunha actuación. Que no anterior goberno si se arranxaron varias vivendas aínda que nalgúns casos só foi por fóra, na fachada, pero a imaxe é totalmente distinta para os veciños e para eses miles de visitantes que se reciben.

Sr. Rodríguez Carbia. Di que podería falar largo e tendido deste tema porque era o Concelleiro que xestionaba o casco vello de Padrón e que a primeira vía que adoptaron estando no goberno foi a de dialogar con todo o mundo, intentar conceder as autorizacións o antes posibles e atopáronse con moitos problemas porque, por exemplo, non había máis que unha Comisión provincial de urbanismo ao mes e agora hai dúas, paralizábase todo e había que ir constantemente a Coruña para facerlle entender á xente que estaba alí que era necesaria a rehabilitación. Que unha vez conseguidos os permisos intentábase convecer á xente para que rehabilitara e atopáronse con situacións de todos tipo: problemas familiares de propiedades indivisas, etc, e foi un traballo descomunal que dou os seus froitos dado que este plan da zona ARI levaba funcionando en Padrón desde o 2004 e só se fixeran 6 actuacións, ningunha das cales estaba pagada cando chegaron ao goberno e tiveron que pelexar moito para que se recibiran eses cartos, e cando remataron a lexislatura o fixeron con 92 actuacións e o que máis lle extrana é que moitos edificios están moito peor que cando eles deixaron o goberno e que hai que actuar. Entende que esgotadas as vías de diálogo, despois de facilitarlle as autorizacións, pasa o tempo e non se actúa, só cabe unha actuación: as sancións, as multas coercitivas, a apertura de expedientes, porque calquera día cae un cascallo sobre as persoas e logo lamentarase todo o mundo porque unha parte da responsabilidade será do propietario por telo en ruínas pero tamén unha parte de responsabilidade subsidiaria será da administración local que ten os medios suficientes para requirir e obligar ao propietario a que o edificio non esté nesas condicións. Cita tres edificios: un, na rúa Rosalía de Castro que leva toda a vida tapado cunha rella antiestética de cor verde; dous, o edificio da esquina Ruíz Pons e rúa Longa, non é normal que un edificio na entrada norte de Padrón teña esas vallas antiestéticas e que non se obrigue ao propietario a que polo menos actúe sobre ese edificio con condicións de seguridade; tres, na parte sur da rúa Longa. Di que podería numerar moitos máis na parte baixa da Trabanca e como non queren actuar poñen un cartel de "se vende", pero con iso non solucionan os problemas posto que como propietarios teñen a obriga de arranxalo e senón o arranxan débese crear o patrimonio municipal do solo, que é outra medida que podería ter tomado o goberno, e expropiar o edificio, actuar sobre el e pasarlle as costas ao propietario porque algo hai que facer. Ve que nestes cinco anos que leva fóra do goberno que están as cousas exactamente igual a cando él as deixou ou peor.

Sr. Alcalde. Contesta ao señor Rodríguez Carbia que antes de dicir que non se fai nada debería consultar o expediente porque ese edificio ten un montón de problemas e por parte do Concello mandáronselle varios requirimentos, remiteuse o expediente á Xunta de Galicia, expediente de ruína, orde de demolición e cree que fai uns meses a Concelleira da área, señora Lois Ferrón, doulle unha relación de expedientes de patrimonio nos que se está traballando.

Sr. Rodríguez Carbia. Replica que todos os edificios do casco vello de Padrón teñen unha ficha no catálogo e esa ficha do catálogo está dando as características xerais de como ten que procederse á rehabilitación do edificio, non ao derrubo, porque si derruba o edificio está destruindo os elementos etnográficos do edificio.

Sr. Alcalde. Contesta que ten un expediente de ruína e que en moitos casos hai que demoler para logo rehabilitar como pasou coa casa que está na esquina da praza Macías.

Sr. Rodríguez Carbia. Replica que é diferente porque o grao de protección desa casa non é o mesmo porque a tipoloxía do edificio é diferente. Conclúe que a política do casco vello de Padrón non funciona porque hai que tomar medidas e non pode tremer o pulso e que o casco vello non teña un montón de cascallos e ruínas co beneplácito ou benevolencia en moitos casos da administración municipal que mira para outro lado.

Non habendo máis intervencións, o Presidente somete a moción a votación ordinaria, resultando aprobada por



Padrón

Concello de Padrón

CIF P1506600D

Rúa Longa, 27

15900 Padrón, A Coruña

correo@concellodepadron.es

www.concellodepadron.es

Tfí: 981 81 04 51

Fax: 981 81 15 50

unanimidade das Concelleiras e dos Concelleiros presentes (12), polo que o Pleno da Corporación Municipal adopta o seguinte acordo:

Adopción de medidas para evitar a continua degradación dos edificios do casco histórico e impulsar a rehabilitación dos citados edificios, cumprindo e facendo cumprir as ordenanzas municipais.

OITAVA MOCIÓN DE URXENCIA. PRESENTADA POLO GRUPO POLÍTICO MUNICIPAL DO PSdG-PSOE SOBRE FALTA DE MANTEMENTO DAS INSTALACIÓNS NO SANTIAGUIÑO DO MONTE.

Sr. Forján Seoane. Explica que se trata dunha moción reiterativa porque non se fai nada.

Seguidamente o Presidente somete a votación ordinaria a urxencia desta moción, producíndose o seguinte resultado:

VOTOS A FAVOR: Oito (8), emitidos polos concelleiros do PGD, señores Rodríguez Conde e Guillán Iglesias, polos concelleiros do PSdeG-PSOE, señores Forján Seoane e Piñeiro Otero, pola concelleira de Veciños de Padrón, señora Rey Pazos, polo concelleiro de AxP, señor González Parda!, polo concelleiro do BNG, señor Santaló Ríos, e polo concelleiro da CIPa, señor Rodríguez Carbia.

VOTOS EN CONTRA: Ningún.

ABSTENCIÓNS: Catro (4), emitidas pola concelleira e polos concelleiros do PP, señora Couso Dopazo e señores Fernández Angueira, Pardo Andrade e Sanmarco Santos.

Verificado o cómputo da votación, o Pleno da Corporación, por maioría absoluta, acorda ratificar a urxencia da moción.

Sr. Forján Seoane. Procede a expoñer o texto da moción que di:

<<Diante da inactividade e deixadez do grupo de goberno, novamente traemos a aprobación do pleno unha moción relativa a falla de cuidado e mantemento do Santiaguíño do Monte.

As farolas do alumeadado público carecen da tapa de seguridade, polo que os cables están ao alcance de calquera persoa, especialmente dos nenos. e, boa parte dos cristais das farolas faltan.

Por outro lado, os aparellos do parque infantil teñen un grado de deterioro que xa deberían de telos retirados e substituídos por outros que cumpran a normativa. Xa se aprobaron varias mocións no sentido de cambiar e mellorar o estado deste parque infantil, sen que desde o goberno municipal se fixera nada por remediar esta situación. ¿Estarán esperando a que ocorra un accidente?

As papeleiras/contedores, non se vacían ca periodicidade necesaria, e as veces o lixo esténdese pola zona.

Por todo isto, a Grupo Municipal Socialista no concello de Padrón, somete a votación a seguinte MOCIÓN na que se insta ao alcalde a:

- 1.- Dotar da seguridade necesaria as farolas do alumeadado público.
- 2.- Retirar os actuais elementos do parque infantil e substituílos por outros novos.
- 3.- Manter o lugar nas necesarias condicións de limpeza.>>

Aberta a quenda de debate prodúcense as seguintes intervencións de xeito resumido:

Sr. Forján Seoane. Explica que o parque infantil non cumpre ningunha das normas e é un perigo, as farolas non hai unha que teña a tapa de protección, as papeleiras están semanas sen baleirarse. Pretende con esta proposta que se eliminen eses elementos antes de que se descalabre algún rapaz e que o goberno ten cartos suficientes para elo e que de feito o grupo de goberno ten unha proposta para facer parques novos

cando son incapaces de manter os existentes. Entende que primeiro haberá que manter os existentes e saben que hai outros parques en mal estado e que si o grupo de goberno sabe que lle sacan o cable ás farolas haberá que repoñelo e, en relación á limpeza, di que sería conveniente de que pasaran algunha vez por alí, que non sabe se pasarán nunca.

Sr. Alcalde. Contesta que xa repuxeron o cable das farolas varias veces.

Non habendo máis intervencións, o Presidente somete a moción a votación ordinaria, resultando aprobada por unanimidade das Concelleiras e dos Concelleiros presentes (12), polo que o Pleno da Corporación Municipal adopta o seguinte acordo:

- 1.- Dotar da seguridade necesaria as forolas do alumeadado público.
- 2.- Retirar os actuais elementos do parque infantil e substituílos por outros novos.
- 3.- Manter o lugar nas necesarias condicións de limpeza.

12.- ROGOS E PREGUNTAS.

Rogos presentados por escrito polo grupo político municipal de Veciños de Padrón.

- 1.- Sra. Rey Pazos. Que se proceda a tomar as medidas necesarias para sinalizar tanto a Estación do Barbanza e o Campo de fútbol sitos na Escravitude.
- 2.- Sra. Rey Pazos. Que se tomen as medidas necesarias para eliminar as ratas que hai no zona do Xardín Botánico- Avenida Compostela, situación da que nos informaron varios veciños e veciñas.
- 3.- Sra. Rey Pazos. Que se proceda a recoller o lixo das papeleiras do Santiaguíño do Monte.
- 4.- Sra. Rey Pazos. Que se proceda a poñer unha sinal vertical de calzada sen saída no lugar a Pedreira, na pista paralela ao Río Sar, porque moita xente, en especial os domingos, collen esa vía e logo teñen dificultades para saír o teñen que facelo marcha atrás.
- 5.- Sra. Rey Pazos. Que se cumpran os acordos tomados no Pleno da Cooperación.


Sr. Forján Seoane. En relación ao tema da Estación, lembra que o 30 de abril do 2015 aprobouse unha moción nese sentido e pregunta si quedou no caixón ou si se fixo algunha xestión.

Rogos presentados por escrito polo grupo político municipal do BNG.

- 1.- Sr. Santaló Ríos. Que por parte do Goberno Municipal se adopten as medidas oportunas para que a circunvalación de Padrón cumpara a súa función e canalice o tráfico de tránsito que, polo de agora, segue a circular moi maioritariamente polo trazado de sempre da N-550.

Rogos presentados por escrito polo grupo político municipal do PGD.

- 1.- Sr. Rodríguez Conde. Reiteramos o rogo presentado no pleno de Xullo, polo cal rogábase que se proceda o antes posible a solucionar o paso de peregrinos pola N-550 na rotonda de Pazos (Hotel Scala), xa que teñen que cruzar nunha zona sin sinalizar dúas vías pegadas a rotonda co perigo que conleva. Sin demora xa que neste período de verán pasan moitos peregrinos, así como os propios veciños da zona para evitar accidentes.
- 2.- Sr. Rodríguez Conde. Nas inmediacións do cemiterio municipal de A Matanza e a zona de ocio que esta iluminada no canle, rogamos se instale iluminación pública, xa que carece dela, co perigo que pode causar os peatons por pouca visibilidade.
- 3.- Sr. Rodríguez Conde. Dun tempo para aquí vimos observando que as rúas do casco carecen de limpeza



Padrón

Concello de Padrón

CIF P1506600D

Rúa Longa, 27

15900 Padrón, A Coruña

correo@concellodepadron.es

www.concellodepadron.es

Tf: 981 81 04 51

Fax: 981 81 15 50

adecuada (excrementos de animais, papeis, bolsas de plástico, etc). Rogamos que se proceda a aplicar a ordenanza relacionada co tema para evitar esta imaxe perxudicial do noso concello.

Rogo oral formulado polo grupo político municipal de AxP.

1.- Sr. González Pardal. Di que como o outro día o seu grupo levou á Comisión Informativa o tema de facer unha Comisión de Festas da Pascua e non se podía facer porque había unha imposibilidade xurídica, rogan ao equipo de goberno que intente tomar medidas para que haxa unha colaboración cidadá, tanto de asociacións, como de veciños que queiran aportar as súas ideas para a elaboración dun programa distinto das festas de Pascua e que se publiquen os ingresos da Pascua, que cree recordar que eran duns 160.000 euros, e que segundo os datos que puido comprobar o seu grupo nas actas da Xunta de Goberno Local hai un desfase importante, case de 40.000 euros, entre os ingresos e os gastos.

Preguntas presentadas por escrito polo grupo político municipal da CIPa.

1.- Sr. Rodríguez Carbia. Cales son os motivos polos que na ponte festiva de Santos e Defuntos o lixo apareceu espallado por diversos puntos do casco vello e as papelerías ategadas, dando unha imaxe penosa dun municipio declarado de interese turístico. Qué medidas ordenou adoptar o goberno municipal para arranxar e evitar que no sucesivo non se produzan situacións como a denunciada?

Sr. Alcalde. Contesta que llo comunicou aos barrendeiros e á empresa do lixo e, en relación á seguinte pregunta, di que é o mesmo: poñelo en coñecemento da Policía porque os que teñen postos no mercado teñen que ter levantado o posto ás 16:00 e estas últimas semanas douselles por ir comer e volver a levantar o posto ás 17:00 e iso non se pode permitir.

Sr. Rodríguez Carbia. Entende que deben darlles unha caixa ou unha bolsa para que depositen nela o lixo e ao acabar o mercado que a Policía sancione porque está creando un problema de falta de hixiene e de limpeza.

2.- Sr. Rodríguez Carbia. Cales foron os motivos polos cales o domingo 15 de novembro ás 18:30 h o solo do Espolón estaba cheo de bolsas de plástico, despois de celebrado o mercado dominical, considerando as molestias e a mala imaxe dada a padroneses e turistas ao tratarse dun problema de decoro, limpeza pública e medioambiental co risco de que estas bolsas plásticas foran parar ao río Sar ?

3.- Sr. Rodríguez Carbia. Recibidas queixas da veciñanza de Extramundi, referidas ás seguintes deficiencias no Santiaguíño do Monte:

Que o acceso no tramo de subida que conduce ao aparcadoiro do cemiterio dificultase polas ramas das árbores que baten no parabrisas dos autobuses sen que se teña a precaución de solucionar este problema. O incumprimento da aprobación da moción que o noso grupo presentou na sesión ordinaria do 27/02/2014 na que entre outros aspectos se acordou dotar de rampa de acceso ao cemiterio pola dificultade e impedimento que teñen de accesibilidade as persoas maiores e discapacitados. Cales foron os motivos polos cales o goberno municipal non cortou a herba da zona axardiñada, chegando incluso a situacións que un veciño de Extramundi tivo que ir a cortala coa súa desbrozadora. Explíquese asemade porque só se prenderon as luces dos farolas e non as dos panteóns durante Defuntos e Santos considerando que as 18:15 h e case noite e o cemiterio sitúase no medio do monte?.

Sr. Pardo Andrade. Contesta que hai que podar as ramas e que non hai máis problema que ese.

Sr. Rodríguez Carbia. Cónstalle que é da Comunidade de Montes de Extramundi.

Sr. Pardo Andrade. Replica que todo o terreo é da Comunidade de Montes de Extramundi.

Sr. Rodríguez Carbia. Di que entón terán que requirir para que desbrocen as ramas para que poidan subir os autobuses cando morre alguén.

Sr. Alcalde. Di que hai unha moción aprobada para unha rampa para o cemiterio do Santiaguíño do Monte e que se falou en diferentes reunións de elaborar un proxecto e metelo no POS ou no PAS agora dentro de 15 días e todos estabamos de acordo.

Sr. Rodríguez Carbia. Cales foron os motivos polos cales o goberno municipal non cortou a herba da zona axardiñada chegando incluso á situación de que un veciño de Extramundi tivo que ir cortala coa súa desbrozadora.

Sr. Pardo Andrade. Di que iso é falso, que van os xardiñeiros sempre.

Sr. Rodríguez Carbia. Di que non é falso e continúa preguntando por que só se prenderon as luces das farolas e non as dos panteóns durante Defuntos e Santos considerando que as 18:15 horas é case de noite.

Sr. Alcalde. Di que non o sabe e si houbo un erro hai que correxilo.

Preguntas presentadas por escrito polo grupo político municipal de Veciños de Padrón.

1.- Sra. Rey Pazos. Procedeuse a realizar a revisión da potencia enerxética conforme ao acordado no Pleno do 24 de setembro de 2015? De ser non a resposta, cando se ten pensado facer?

Sr. Alcalde. Contesta que se puxeron en contacto con varias empresas, unha presentou proposta e que están elaborando toda a documentación dos últimos 12 meses para remitirla. Explica que unha cousa é o mantemento enerxético e outra a potencia e que hai un presuposto que entraría no concurso de subministracións do mercado libre e que ademais da revisión das potencias incluíría a modificación das condicións actuais de contratación, analizar as condicións dos contratos actuais, posible modificación co fin de reducir o importe da facturación, analizar as distintas condicións dos contratos: potencia contratada, tarifa de acceso, discriminación horaria; propoñer as modificacións que conduzan á redución da factura calculando o aforro anual estimado e levar a cabo as xestións coas compañías eléctricas para acometer as modificacións propostas. Engade que, a maiores diso e no mesmo importe, realizarían os pregos de condicións para sacar a concurso a potencia contratada, asesoría ao Concello para a convocatoria do concurso, análise das ofertas recibidas e preparar o informe final para a adjudicación das subministracións e a oferta que ten é de 7.500 euros IVE non incluído.

2.- Sra. Rey Pazos. Publicouse na páxina web do Concello os horarios de disposición ao público dos Concellerios e Concelleiras do Goberno? De ser non a resposta, cando se ten pensado facer?

Sr. Alcalde. Contesta que se fará agora cando se redistribúan as áreas de goberno.

3.- Sra. Rey Pazos. Que medidas se tomaron ou se van a tomar para que a varredora municipal non leve a cabo traballos que non lle son propios e que non cumpren coa normativa de seguridade e que poden chegar a ser perigosos para os peóns?

Sr. Alcalde. Contesta que é verdade que nunha ocasión estaba facendo traballos que non era a de varrer e polo tanto ordenarase que cumpra ca normativa.

4.- Sra. Rey Pazos. Que tipo de relación existe entre o Concello e as difentes "Leira Parking" e en concreto coa sita na Avenida Compostela, xunto ao Xardín Botánico e na que se fixeron obras de mantemento recentemente?

Sr. Alcalde. Contesta que en concreto na que está xunto ao Xardín Botánico hai un acordo dende o 2 de xaneiro de 2008 de cesión a título de precario que di: "... quedando facultado na súa virtude o Concello para utilizar o terreo descrito ó obxecto de facilitar o aparcamento de vehículos ós visitantes que acudan a Padrón en días laborables, quedando excluídos de dito uso tódolos domingos do ano e tardes dos sábados, así como os días en que se celebren as festa da Pascoa na Vila". Engade que foi suscrito no seu día polo goberno do señor Forján Seoane e a día de hoxe continúa.



Padrón

Concello de Padrón
CIF P1506600D
Rúa Longa, 27
15900 Padrón, A Coruña
correo@concellodepadron.es
www.concellodepadron.es
Tf: 981 81 04 51
Fax: 981 81 15 50

Sra. Rey Pazos. Pregunta si coas outras tamén hai convenio.

Sr. Alcalde. Contesta que non lle consta a sinatura pero que o acordo tamén é o mesmo e tamén en precario, é dicir, que non necesita documento.

5.- Sra. Rey Pazos. Que medidas se van a tomar para evitar o incumplimento reiterado do artigo 35.2 do Estatuto dos Traballadores no que se establece un máximo de 80 horas extraordinarias a realizar polos traballadores?

Sr. Alcalde. Contesta que na medida do posible adaptarse ás 80 horas pero entende que haberá ocasións nas que non sexa posible.

Preguntas presentadas por escrito polo grupo político municipal do BNG.

1.- Sr. Santaló Ríos. No pleno do 30 de abril de 2015 foi aprobada por unanimidade a moción presentada polo BNG que demandaba:

Que o concello lle demande ao Ministerio de Fomento:

- Pasos de Peóns cunha separación de non máis de 150 metros entre a Colexiata de Iria e o acceso á autoestrada.

- Que cada dous pasos de peón se instale un semáforo que abra o paso aos peóns nun curto espazo de tempo.

- Que se estableza a liña discontinua deste trazado para facilitar a incorporación dos vehículos que saen dos edificios das dúas marxes da estrada na dirección que desexen.

En definitiva que se tomen estas medidas e se negocie con Fomento cando as medidas se consideren oportunas co obxectivo de integrar esta vía no tecido urbano de Padrón.

¿Qué xestións fixo o goberno municipal para dar conta desta moción?

Sr. Alcalde. Contesta que moitas e concretamente entrevista coa Demarcación de Carreteras en maio e en xullo, falando destes temas e da posible asunción da titularidade do treito da N-550.

Sr. Santaló Ríos. Di que él a titularidade non a pide.

Sr. Alcalde. Contesta que por parte da Demarcación de Carreteras plantexouse a posibilidade de transferir ese treito e explicouselle que habería que humanizar a vía, adaptar a vía con sinalización e mellora do firme e poñela en condicións óptimas para ser recibida e que, en todo caso, a aprobación do proxecto debería ser consensuado entre a Demarcación e o Concello e que tamén se falou de converter en peonil o treito entre a rotonda do Scala e a zona da Ponte e fusionar ambos proxectos.

Sr. Santaló Ríos. Pregunta si se podería poñer algunha data orientativa.

Sr. Alcalde. Contesta que el non a ten.

2.- Sr. Santaló Ríos. Na Xunta de Goberno Local de 12 de febreiro de 2015 recoñece o pago de 222,62 euros polo concepto de cota comunidade ano 2015 de comunidade de propietarios de Fondo de Vila.

Por que abona o Concello esta comunidade?

Sr. Alcalde. Contesta que realmente é a rúa é Mollet del Vallés e que son os locais do CeMIT e que o que ocorre é que o nome da Comunidade é ese.

3.- Sr. Santaló Ríos. O 4 de novembro o BNG presentou un escrito no concello solicitando ao goberno de Padrón que faga as xestións oportunas para que os veciños de A Ponte poidan subir na súa parada de bus de sempre, en Pontecesures, cos beneficios da tarxeta de transporte metropolitana, igual que poden facer os

veciños de Lestrove.

¿Que xestións realizou o concello para solventar esta situación?

Sr. Alcalde. Contesta que solicitaron un paso de peóns e unha marquesiña dentro do municipio de Padron posto que el non é quen para entrar no municipio de Pontecesures e dicirlle á Alcaldesa do BNG o que ten que facer.

Sr. Santaló Ríos. Replica que o sentido da pregunta non é ese, senón a de buscar un convenio con consorcio metropolitano.

Sr. Alcalde. Contesta que o transporte metropolitano para Pontecesures o ten que pedir a Alcaldesa de Pontecesures. Que el o que ten é que procurar ter unha parada para os da Ponte. Entende que os de Lestrove tampouco poderían utilizar o transporte metropolitano e menos con cargo a este Concello e que non lle parece mal sempre que paguen Dodro e Pontecesures.

Sr. Santaló Ríos. Replica que os veciños da Ponte teñen que vir coller o autobús do Transporte Metropolitano á Estación de Autobuses e que iso, dunha maneira ou doutra, debe arranxarse.

4.- Sr. Santaló Ríos. O día 3 de setembro de 2015 o BNG presentou un escrito no concello para que demande ao ministerio de Fomento o cumprimento da le de normalización lingüística (3/1983) para que rotule debidamente os sinais ca N-550 no lugar de A Escravitude. (Hoxe aínda Esclavitude).

¿Qué xestión realizou o Goberno Municipal?

Sr. Alcalde. Contesta que se ordenou remitilo e que hoxe non atopou o escrito pero que mañá remitirase ao señor Santaló Ríos e senón se tivera mandado, farase mañá.

Preguntas presentadas por escrito polo grupo político municipal do PSdG-PSOE.

1.- Sr. Forján Seoane. No BOP de hoxe a través da Consellería de Economía, Emprego e Industria publícase a Resolución do 11 de novembro de 2015 pola que se publican as subvencións concedidas ao abeiro da Orde do 31 de decembro de 2014 pola que se establecen as bases reguladoras para a concesión, en réxime de concorrencia competitiva, das subvencións aos concellos galegos para a mellora dos mercados municipais e prazas de abastos, así como dos espazos do comercio non sedentario, cofinanciadas polo Fondo Europeo de Desenvolvemento Rexional (Feder), no marco do programa operativo Feder Galicia 2007-2013, e se procede á súa convocatoria para o ano 2015 (código de procedemento IN223A)

¿Por que non figura Padrón na relación de concellos subvencionados?

Sr. Alcalde. Contesta que non se solicitou porque o Concello tiña que aportar o 30% máis o 21% de IVE.

2.- Sr. Forján Seoane. ¿Cal foi o criterio utilizado para seleccionar as rúas a pintar no polígono da Picaraña, xa que non se pintaron todas, así como o do deseño das canaletas para a recollida de pluviais, nunhas rúas sobre as que maniobran os camións constantemente, para entrar e saír das naves?

Sr. Alcalde. Contesta que acordo co presidente da Asociación de Empresarios, aínda que non ten claro si é o presidente don Antonio Romero, e que a pintura a fixeron os empresarios.

3.- Sr. Forján Seoane. Por que non repoñen a sinalización vertical e horizontal, aparcamentos, pasos de peóns..., no polígono de Pazos? Engade á pregunta que xa se aprobou unha moción neste sentido e que non se fixo nada.

Sr. Alcalde. Di que como xa se responde o señor Forján Seoane xa non lle contesta nada.

4.- Sr. Forján Seoane. ¿Cantos postos se deron de baixa no mercado dos domingos, tanto no exterior como no interior da Praza, así como de alta, e con que criterios?



Padrón

Concello de Padrón

CIF P1506600D

Rúa Longa, 27

15900 Padrón, A Coruña

correo@concellodepadron.es

www.concellodepadron.es

Tfí: 981 81 04 51

Fax: 981 81 15 50

Sr. Alcalde. Contesta que non ten o dato neste momento pero que mañá respóndelle por escrito.

5.- Sr. Forján Seoane. ¿Qué xestións fixeron, desde xuño de 2011 ata hoxe, para ampliar o Cemiterio de Santiaguíño do Monte, tal como solicitaba un importante número de veciños?

Sr. Alcalde. Contesta que se plantexou a ampliación pero atopáronse con que a cesión dos terreos faise si se lle dá prioridade aos veciños de Extramundi para os panteóns pero que eso non é posible legalmente aínda que tivera a súa lóxica.

6.- Sr. Forján Seoane. Recibimos queixas de conductores de autobuses xa que os aparcamentos que hai no Souto moitas veces están ocupados por outros coches, o que pode derivar nunha menor presenza de autobuses con visitantes.

¿Qué pensa facer o goberno municipal para solucionar este problema?

Sr. Alcalde. Contesta que regulalo a través da Policía local.

7.- Sr. Forján Seoane. O Xardín estase deteriorando día a día, hai árbores que están secando, de feito o mércores cortaron un que estaba seco. Os xardiñeiros andan asfaltando e facendo de todo, menos de xardiñeiros.

¿Qué pensan facer para evitar o continuo deterioro do xardín, zonas verdes e por que os xardiñeiros están realizando tarefas que non son de xardiñería?

Sr. Alcalde. Contesta que deben facer tarefas de xardiñería.

Sr. Pardo Andrade. Engade que foron algo con Raúl porque non hai xente en obras e que Raúl está practicamente só.

8.- Sr. Forján Seoane. Nas farolas, nas sinais, nos indicadores do Camiño... por todas partes hai carteis anunciando de todo, supoñemos que sin autorización municipal.

¿Porque non están aplicando as ordenanzas e retirando toda esa cartelería con contribúe ao feísmo no noso concello?

Sr. Alcalde. Contesta que si aplican a ordenanza e retiran a cartelería, pero que van por detrás, que non lles dá tempo.

Sr. Forján Seoane. Replica que iso é imposible, que hai carteis anunciando festas que foron o día 8 e 15 de novembro.

Sr. Alcalde. Contesta que esas aínda non se retiraron.

Preguntas presentadas por escrito polo grupo político municipal do PGD.

1.- Sr. Rodríguez Conde. Con data 30 de Xuño do 2015, D. Antonio Freire Dios presentou un escrito no concello, e con data 29 de Outubro do 2015 o PGD reiterou o escrito de ese particular. ¿Por qué non se constestou a ningún dos dous escritos presentados?

Sr. Alcalde. Contesta que ese escrito presentado por esa persoa o 30 de xuño do 2015 e reiterado polo señor Guillán Iglesias o 29 de outubro do 2015, en primeiro lugar non se dirixe ao organo competente xa que debería dirixirse a Espina & Delfín para realizar as xestións oportunas tal e como fai referencia o interesado no seu escrito; coa solicitude non se acompaña ningún documento que acredite os citados danos nin se especifican as lesións producidas, simplemente se pon de manifesto un escapado de terras e grandes desperfectos na súa propiedade pero non se concretan nin aparecen valorados; tampouco se concreta o lugar onde se produciron tan só di un lugar de Herbón, Lavadoiros, nin achega documento algún. Procedeuse, polo tanto, ao arquivo do escrito ao carecer das condicións máis elementais para poder ser admitido a trámite como un expediente de

responsabilidade patrimonial de acordo ao previsto no artigo 70 da Lei de réxime xurídico das administracións públicas e do procedemento administrativo común.

Sr. Rodríguez Conde. Solicita que a resposta do señor Alcalde conste toda en acta.

Sr. Alcalde. Engade que esa persoa chegou a tomar un café e díxéronlle que asinase un escrito para que o Concello lle pague o que lle ten que pagar.

2.- Sr. Rodríguez Conde. O PGD presentou varios escritos solicitando información sobre o proxecto e orzamento do muro da A Retén, a día de hoxe sin recibila. ¿por qué non se nos entregou copia de dito proxecto?

Sr. Alcalde. Contesta que está feita a resolución e mañá poden pasar a recollela.

3.- Sr. Rodríguez Conde. En data 29 de setembro, reiterada en data 29 de outubro do 2015 solicitando información sobre o horario de todo persoal do concello de Padrón con respecto:

- ¿horario de entrada e saída do persoal do concello?
- ¿xornada laboral da policía local, e horas de cada turno?

Sr. Alcalde. Contesta que ao escrito do 29 de setembro respostouse o 8 de outubro de 2015 e despois reiterouse o 29 de outubro e entregáronse as copias de todas as facturas que se solicitaban e ao resto non respostou porque non se entendía a letra, pero que a resposta é: o artigo 43 do Convenio Colectivo di que "a xornada de traballo do persoal ao servizo do Concello de Padrón será de 35 horas semanais; a xornada diaria realizarase con carácter ordinario de luns a venres, en quenda de mañá de 8,00 a 15,00 horas, sen prexuízo dos horarios específicos que se establezan para cada servizo no anexo I do presente acordo; o tempo de asistencia aos cursos de formación programados ou autorizados polo correspondente órgano municipal para a capacitación profesional ou para a adaptación a un novo posto de traballo e de asistencia obrigada considerarase tempo de traballo a tódolos efectos". Posteriormente foi o epígrafe un. do apartado tres. que quedou redactado así: "la duración de la jornada general será de 37,5 horas semanales de trabajo efectivo de promedio en cómputo anual equivalente a 1.642 horas anuais", e con respecto aos turnos e xornadas especiais da Policía Local van: das 08:00 horas da mañá a 15:00 horas, de 15:00 a 22:00 e de 22:00 a 08:00.

4.- Sr. Rodríguez Conde. Con data 18 de Novembro do 2015 solicitamos información sobre as obras de bacheo que se están a realizar no noso Concello:

- ¿de que partida presupuestaria van sair os cartos para pagar?

Sr. Alcalde. Contesta que da partida 454.210.00. Conservación camiños veciñais.

- ¿orzamento da obra?

Sr. Alcalde. Contesta que é de 710 euros/diarios máis IVE, correspondente a 3 obreiros, 1 camión e 1 pisón.

- ¿cales foron os motivos de contratación de un camión externo tendo o concello un propio?

Sr. Alcalde. Contesta que os obreiros da empresa non poden manexar o camión do Concello.

5.- Sr. Rodríguez Conde. A día de hoxe, ¿como se encontra o procedemento para a realización da rotonda da Picaraña?

Sr. Alcalde. Contesta que se sacou a licitación, adxudicouse á empresa e está pendiente de formalizar o contrato e que previsiblemente poderanse iniciar as obras en xaneiro pero que non quere adiantar datas que non depende del.

Preguntas orais formuladas.



Padrón

Concello de Padrón

CIF P1506600D

Rúa Longa, 27

15900 Padrón, A Coruña

correo@concellodepadron.es

www.concellodepadron.es

Tf: 981 81 04 51

Fax: 981 81 15 50

1.- Sr. Piñeiro Otero. Pregunta en que estado se atopa o trámite da licenza da tenda de animais que se atopa na rúa Mollet del Vallés.

Sr. Alcalde. Pendente de informe técnico e douselle copia á comunidade de propietarios onte ou antes de onte.

2.- Sr. González Pardal. Pregunta que baremo se utiliza para conceder algún tipo de subvención ou axuda cando ven a xente a pedir colaboración ao Concello.

Sr. Alcalde. Contesta que presupostos e que hai axudas mínimas de colaboración co comercio, coa hostelería e practicamente con todos os colectivos.

3.- Sr. González Pardal. Con respecto ao tema da documentación que piden di que non se están cumprindo os prazos.

Sr. Alcalde. Contesta que non se cumprirán porque o xoves presentáronse 19 escritos nunha semana, que resulta imposible cumprilos sen paralizar o Concello e que non se vai traballar para os Concelleiros, que se traballa para todos os veciños. Que teñen dereito á información e darase toda a que se poida dar.

Sr. González Pardal. Replica que non están intentando paralizar o Concello, só ter acceso á documentación.

Sr. Alcalde. Insiste en que si presentan 19 escritos nunha semana resulta imposible non paralizar intervención e administración.

Sr. González Pardal. Di que ás veces non é necesario que den toda a documentación, con deixar ver o expediente xa quitan fotocopias do que interese.

4.- Sr. Rodríguez Carbia. Pregunta cando pensan tomar medidas para ir limpar os desaguadoiros de Iria Flavia.

Sr. Pardo Andrade. Contesta que se solicitou á Xunta de Galicia xa antes do verán.

E non habendo máis asuntos que tratar, de orde da Presidencia deuse por rematada a sesión sendo as vinte e catro horas, de todo o cal se estende a presente acta que, en proba de conformidade, asina conmigo o Alcalde, e do que como Secretaria dou fe.

O Alcalde-Presidente



Asdo. Antonio Fernández Angueira

A Secretaria



Asdo. Ana María Ares Álvarez